অনিদ্বারুত

মনোবিতা বিষয়ে সহজ ভাষায় লেখা প্রবন্ধাবলী

· *ডক্টর স্থহ*ৎচন্দ্র মিত্র

ম, এ; পি, এইচ-ডি (লাইপজিগ্); এফ, এন, আই

সংস্কৃ*তি বৈঠিক* বা লগিঙা: ক লি কো তা

আড়াই টাকা

প্রকাশক:

সংস্থৃতি বৈঠকের পক্ষে

শিশিরকুমার আচার্য চৌধুরা

> পণ্ডিতিয়া প্লেস, কলিকাতা ২৯

প্রচ্ছদপট ও আলোকচিত্র ঃ অসিতকুমার রায়

রক ও প্রচ্ছদপট মুদ্রণ ঃ দি ফটোগ্রাফিক ষ্টোস

য়াণ্ড এজেন্সি লিঃ, ধর্ম তলা ষ্রাট

পুত্তক মুদ্রণ ঃ হরিপদ পাত্র, সত্যনারায়ণ প্রেস

১৬ •, মসজিদবাড়ী ষ্ট্রীট, কলিকাতা ৬

বাঁধাই ঃ ভারত প্রিন্টিং য়াণ্ড বাইণ্ডিং ওয়ার্কন্

১২১-সি বহুবাজার ষ্ট্রীট

ভূমিকা

মনোবিষ্ঠার তত্ত্বগুলি শুধু আমাদের জ্ঞান বৃদ্ধিই করে না, উপযুক্তভাবে প্রয়োগ করতে সমর্থ হলে আমাদের ব্যক্তিগত এবং সামাজিক জীবনের অনেক সমস্থার সমাধানে তারা যথেষ্ট সহায়তা করে। কি করে সাহায্য করতে পারে এই প্রবন্ধগুলিতে তারই কিছু আভাস দেবার চেষ্টা করেছি। সব রকম সমস্থার যে আলোচনা করা হয়নি তা বলাই বাছল্য।

প্রবন্ধগুলি বিভিন্ন সময়ে শনিবারের চিঠি, সংহতি, প্রবাসী, কালান্তর, দ্বন্দ, উজ্জ্ল ভারত এবং জ্ঞানবিজ্ঞান পত্রিকায় ছাপা হয়েছিল। বন্ধুবান্ধব, বিশেষতঃ ছাত্র-ছাত্রীদের অনুরোধে এগুলিকে একত্র সংকলন করে ভাষার কিছু কিছু পরিবর্তন করে এবার পুস্তকাকারে প্রকাশ করছি। ত্রী রকম সংকলনে কিছু পুনরুক্তি দোষ থেকেই যায়। জ্ঞোনিক পরিভাষা (technical terms) যথাসম্ভব কম ব্যাহার করেও প্রবন্ধগুলিতে বৈজ্ঞানিক দৃষ্টিভঙ্গি অক্ষুণ্ণ রাখবার চেষ্টা করেছি। আশা করি ভাতে সকল শ্রেণীর পাঠকেরই বিষয়বস্তু বোঝবার পক্ষে স্থবিধা হবে।

উপরোক্ত পত্রিকার সম্পাদক মহাশয়দের আমার ধন্যবাদ জানাচ্ছি। আমার কয়েকজন ছাত্রী বিশেষ যত্ন ও আগ্রহ সহকারে বহু সময় ব্যয় করে প্রবন্ধগুলির পাণ্ডুলিপি ছাপাখানায় দেবার উপযোগী করে তৈরী করেছেন। আমি তাঁদের আমার আন্তরিক শুভেচ্ছা জানাচ্ছি ও কল্যাণ কামনা করছি। আমার ভূতপূর্ব ছাত্র অধুনা সহকর্মী শ্রীমান্ স্নীলচন্দ্র বিশী, এম, এস্-সি ছাপাবার সমস্ত ভার নিজে গ্রহণ করে আমার কষ্টের অনেক লাঘব করেছেন। প্রার্থনা করি তাঁর সর্বাঙ্গীন উন্নতি হোক। শ্রীযুত অসিতকুমার রায়, বি, এস্-সি, এম, এ সমস্ত প্রুফ সংশোধনের গুরুদায়িত্ব গ্রহণ করেছেন। তাঁকে আমার আন্তরিক কুতজ্ঞতা জানাচ্ছি।

সমাজদেবার কাজে যাঁরা ব্রতী আছেন পুস্তকথানি পাঠ করে তাঁরা যদি কিছুমাত্রও উপকৃত হন এবং যে সমস্ত বাস্তব সমস্থার তাঁরা সংমুখীন হন সেগুলিকে মনোবিছার দিক থেকে দেখবার কৌত্হল যদি তাঁদের আরও তীবুভাবে জাগে তাহলেই আমার পুস্তক প্রকাশের উদ্দেশ্য সফল হয়েছে মনে করব।

১ আগস্ট ১৯৪৬.

ने स्थानमार्थे

স্ূচীপত্ৰ

>.	অনিচ্ছাক্তত	>
₹.	সমাজসেবক	•
૭.	সমাজ ও শাব্ডি	১৩
s.	সমাজ ও মনোবিছা	२२
«.	কারাবন্ধন	৩২
৬.	অপরাধ কোথায় ?	ន។
9	শেয়ার-ব্যবসায়ী	« «
ь.	বিজ্ঞাপন ও মনোবিছা,	৬৫
৯.	ব্যক্তিত্ব	9 9
۰.	ঘন্দ	をそ
>>.	জান্তব চুম্বক	ಎ
১২.	স্থপ্ন	> 。。
১৩.	ভয় 🔸	>>>
> s.	পাগল কে ?	><>
> ৫.	দাম	>७०
১৬.	উল্লতি না পরিবত ন ?	>86

থানি দ্বাক্ত

"সব দিক বিবেচনা করিয়া আপনি নিশ্চরই উপলব্ধি করিতে পারিবেন যে এ অবস্থায় আপনার আদেশ পালন করা আমার পক্ষে সম্ভবপর ছিল না। আশা করি আমার এই অনিচ্ছাকৃত অপরাধ আপনি মার্জনা করিবেন।" যাঁর আদেশ পালিত হয়নি তিনি হয়তো মার্জনা করলেন কিম্বা করলেন না। সে বিষয়ে উপস্থিত আমাদের কৌতুহল নেই কিন্তু এই 'অনুনিচ্ছাকৃত' যে সব অপরাধ ক্রটি আমরা অনেক সময় করতে বাধ্য হই বলেই আমরা মনে করি সে সম্বন্ধে ভেবে দেখবার এবং বলবার বোধ হয় কিছু আছে।

অনিচ্ছাকৃত কত কাজই. না আমরা দিনের মধ্যে করে বিদি। সাড়ে পাঁচটার সময় সভায় উপস্থিত হবার কথা, এমন ক্তুকগুলো কাজ এসে পড়ে যেগুলো শেষ করতে ছটা বেজে যায়, কাজেই সভায় উপস্থিত হতে দেরী হয়ে যায়—এ বিলম্ব অনিচ্ছাকৃত। অফিস থেকে বেরিয়ে আপনার জ্বিনিসটি কিনবো বলে দোকানে যাচ্ছিলুম কিন্তু ধর্ম তলার শ্বোড়ে ট্র্যাফিক পুলিশ গাড়ী এতক্ষণ আটকে রাখলে যে দেকানে যাবার আর সময় রইল না। আমার আবার সাতটার সময়ও আর এক ভল্লাকের সঙ্গে দেখা করবার কথা ছিল কি না, জ্বাপনার জ্বিনিসটি কাজেই আর আনা হল না। এই

না-আনার ক্রটি অনিচ্ছাকৃত। এত কাজের চাপ যে আপনার চিঠির সময় মত উত্তর দিতে পারিনি—এই দেরী কার্চ্ছেই অনিচ্ছাকৃত। লেখাটি নিয়ে যাবার জ্বন্থে আপনাকে সোমবার আসতে বলেছিলুম—কিন্তু শরীর এতই খারাপ ছিল যে এক'দিন কিছুই করে উঠতে পারিনি—সোমবার আপনি এসেশ্যু হাতে ফিরে গেলেন। আপনি যাওয়া আসায় যথেষ্ট কষ্ট পোলেন বটে এবং বিরক্তও হলেন—কিন্তু কি করবো আপনার এই কষ্ট পাওয়া এবং বিরক্ত হওয়া আমার অনিচ্ছাকৃত। ছুর্ঘটনা (accidents) যা সব ঘটে সবই অনিচ্ছাকৃত। কে আর চায় আগুনে তার হাতটা পুড়ে যাক্ বা ছুরিতে আঙ্গুলটা কেটে যাক্।

ষে সব ব্যাপার অনিচ্ছাকৃত মনে করি সত্যিই কি সে সবই অনিচ্ছাকৃত? একটু ধীরভাবে বিশ্লেষণ করলে অনেক অনিচ্ছাকৃত ঘটনা যে ইচ্ছাকৃতই তা বৃষতে দেরী হয় না। আপনি হয়তো স্বীকারই করবেন যে ভদ্রলোকটি যখন আপনাকে তাঁর জিনিসটি কিনে আনতে বলেছিলেন তখনই একবার আপনার মনে হয়েছিল যে আপনি আনবেন না। হয়তো আগে একবার কোনও জিনিস তাঁকে কিনে এনে দিয়েছিলেন কিন্তু আজ কাল করে তিনি তার দাম আজ পর্যন্তওঁ দেননি। তিনি যে দিতে পারেন না তা নয় কিন্তু যে কোনও কারণেই হোক্ আপনি এখনও তার তাম পাননি। এই অভিজ্ঞতার অপ্রিয় স্মৃতি প্রত্যক্ষ বা পরোক্ষভাবে অর্থাৎ সম্ভ্রানে বা নির্দ্রণিনে থেকে আপনাকে তাঁর জ্বন্তে এবার জ্ঞানিসটি কিনতে দিলে না। যে ভদ্রলোকটির সঙ্গে আপনার সাতটার সময় দেখা করবার কথা ছিল ভাঁর বাড়ী উপস্থিত হয়ে আপনি হয়তো দেখলেন সাতটা বাজতে তখনও পনেরো মিনিট দেরী আছে। কাজের চাপে যিনি সময় মত চিঠির জবাব দিতে পারেন না বলেন, বেশীর ভাগ ক্ষেত্রেই ধরে নেওয়া যায় যে তিনি নিজেকে প্রভারণা করছেন। সময় মত উত্তর না দেবার কারণ ভাঁর কাজের ভীড়ের মধ্যে নয়, অন্তর্ত্র সন্ধান করতে হবে।

নিজেকে পাঁচজনের কাছে জাহির করবার ইচ্ছা অল্ল বিস্তর সব লোকের মধ্যেই আছে। তবে এর নানা রকম প্রকার ভেদ হয়। কার্ও কাছে ঘর সংসারের লোকেরাই, আত্মীয় স্বজনরাই "পাঁচজন"। সেই পাঁচজনের কাছে নিজেকে বড় করে তুলতে পারলেই তাঁর বাসনা চরিতার্থ হয়। বড় করে তোলবার প্রণালীও তাঁর স্বরল ও সহজসাধ্য। আবার কেট চান সমাজের পাঁচজন তাঁকে বড় করে মেনে নিক। যাঁর সত্যিক সমাজের পাঁচজন তাঁকে বড় করে মেনে নিক। যাঁর সত্যিক কারের সামর্থ্য আছে তিনি তাঁর সামর্থ্যের বলে সমাজনেতার স্থান অধিকার করতে পারেন। যাঁদের সে সামর্থ্য নেই অথচ সকলের কাছ থেকে সম্মান দাবী করবার তীত্র আকাজ্মা থাকে, তাঁদেরই নানা রকম কোশল অবলম্বন করতে হয়। অনেক সময় এই আকাজ্মাই নির্দিষ্ট সময়ে নির্দিষ্ট স্থানে উপস্থিত না হওয়ায়, চিটি-পত্রের সময় মত জবাব না দেবার কারণ।

লোকে জানুক আমি সমাজের একজন কত বড় লোক, আমার কত কাজ, পাঁচজনে আমার উপরে কি রকম নির্ভর করে। "আমি এইখানে আসবার জন্ম বেরুচ্ছিলুম, ঠিক সেই সময়—স্থার ওমুক—চেনো তো ?—টেলিফোন্ করলেন" ইত্যাদি এই রকমের গল্প আপনারা অনেক শুনেছেন। এ যেমন দর বাড়াবার এক রকম উপায় তেমনি যে দুরে আছে তার কাছে চিঠি মারফত "অনেক কাজের" একটা ইঙ্গিত দেওয়াও আর একটি উপায়।

অনেক সময় আমরা জেনেশুনেই এই সব পথ অবলম্বন করি। কোন কোন সময় ঠিক ইচ্ছা না হলেও স্বীকার করি যে আত্মপ্রতিষ্ঠার একটা ভাব ছিল বটে। তথ্যের দিক থেকে তাহলে একথা বলা যায় যে, যখন একটি প্রকাশ্য ইচ্ছা এবং একটি কথঞ্চিত প্রকাশ্য ইচ্ছার সংঘাত ঘটে তখনই "অনিচ্ছাকৃত" ঘটনার উদ্ভব হয়।

কিন্তু সমস্ত অনিচ্ছাকৃত ব্যাপারই কি এই কারণে ঘটে? ছাদ থেকে পড়ে গিয়ে যখন কারুর হাত পা ভাঙ্গে, ষ্টোভ ফেটে গিয়ে যখন কোন তরুণী বা যুবতী পুড়ে যায়, এক কথায় যেগুলোকে আমরা আকস্মিক ছর্ঘটনা (accidents), বলি সেগুলোও কি এ একই কারণে ঘটে? এইসব ক্ষেত্রে এ তথ্য মেনে নেওয়া কি চূড়ান্ত নির্বৃদ্ধিতার পরিচয় নয়? আপাত্ত্রপ্তিতে ত বটেই। কিন্তু একটু মনোযোগের সঙ্গে বিবেচনা করলে তথ্যটি একেবারে আজগুবি বলে মনে না-ও হতে পারে। সংজ্ঞান স্তরের ইচ্ছার সঙ্গে নিজ্ঞান স্থরের ইচ্ছার বিরোধের ফলে অনেক ব্যাপারই ঘটে। মানসিক রোগের লক্ষণের ভেতর দিয়ে নিজ্ঞান স্তরের

ইচ্ছা পূরণ হচ্ছে শুনলে হঠাৎ আজগুবি বলে মনে হয় কিন্তু এ যে সভ্যি তা প্রমাণ হয়ে গেছে। সমস্ত প্রহটনার মূলেও বিভিন্ন স্তরের ইচ্ছার সংঘাতের এই রকম একটি ব্যাপার আছে বলে অনেকে মনে করেন। নির্দ্ধান স্তরের ইচ্ছানানা রকম হতে পারে, যেমন নিজেকে জাহির করবার ইচ্ছা, যৌন ইচ্ছা, লোভ, হিংসা, বিদ্বেষ প্রভৃতি সংক্রান্ত ইচ্ছা। মোট কথা এসব ইচ্ছাগুলিই অসামাজিক। যাঁর ওপর আপনার বিদ্বেষ আছে তাঁর যাত্রার সময় হঠাৎ ছুরিতে আপনার নাকটা কেটে রক্তপাত হতে পারে। "আমার দাম তুমি কিছুতেই দিচ্ছোনা, আচ্ছা, আমার অবর্তমানে তুমি বুঝবে আমি কি ছিলুম"—এই ভাব থেকে আকম্মিক অপমৃত্যু ঘটা খুব অসম্ভব নয়।

শরীরের ওপর যে মনের যথেষ্ট প্রভাব আছে এ অতি প্রাচীন তথ্য। আমার ব্যক্তিগত ধারণা এই যে শরীরের ক্রিয়াকলাপ ইচ্ছার দ্বারা যথেষ্ট এবং কল্পনাতীত রকমে নিয়ন্ত্রিত হয়। ভাল-মন্দ, স্বাস্থ্য-রোগ, ঘটনা-ছুর্ঘটনা, সকলের মূলেই যে ইচ্ছার খেলা বর্তমান আছে তা আমরা ক্রমশই উপলব্ধি করছি। মনঃসমীক্ষণ আমাদের এ বিষয়ে পথ দেখিয়ে দিয়েছে। হয়তো একদিন অনুভব করতে সমর্থ হবে যে শুধু ভীষ্মের নয়, আমাদের সকলের মৃত্যুই "ইচ্ছামৃত্য়"।



সমাজসেবক

মানুষ যথন স্বন্থ থাকে তখন শরীরের অভ্যন্তরে তার যে বহু অঙ্গপ্রত্যঙ্গ আছে এবং তারানিয়মিত কাজ করে যাচ্ছে সে বিষয়ে তার ভাববার প্রয়োজন হয় না, ভাবেও না। কিন্তু যখন তার যকৃত বিকৃত হয়, বুকে ব্যথা ধরে, আহারে অরুচি দেখা দেয় তখনই যকুত, হৃদ-যন্ত্ৰ, পাকস্থলী প্ৰভৃতি আভ্যস্তরীণ যন্ত্রসমূহ ও তাদের ক্রিয়াকলাপ সম্বন্ধে তাকে সচেতন হতে হয়। যন্ত্রগুলিকে আবার সহজ্ব নির্ণময় অবস্থায় ফিরিয়ে আনার উপায় উদ্ভাবন করতে তখন সে যতুবান হয়। এই যত্ন, এই চেষ্টা থেকেই চিকিৎসাশাস্ত্রের উৎপত্তি হয়েছে। পদার্থবিভা, রসায়নশাস্ত্রের যত ক্রমোন্নতি হচ্ছে, নতুন বৈজ্ঞানিক যন্ত্রপাতির যত আবিষ্কার হচ্ছে, চিকিৎসাবিজ্ঞানেরও ভতই উন্নতি হচ্ছে। কারণ এ সবের সঙ্গে এর সম্বন্ধ ঘনিষ্ঠ। রোগের উপশমই এখন তার একমাত্র উদ্দেশ্য নয়, ব্যাধির আক্রমণ থেকে মানুষকে কি করে রক্ষা করা যায় এটাই অধুনা ছার এ্কটা বড় রক্ষের গবেষণার বিষয় হয়ে দাড়িয়েছে।

মোটামুটিভাবে সমাজকে একটা প্রাণবান্ মানবশরীরের সঙ্গে তুলনা করা যায়। বহু সহস্র কোষ নিয়ে যেমন মামুষের শরীর তৈরী হয়, বহু মানবের সমষ্টিতে ভেমনি সমাজ গড়ে ওঠে। শরীরের প্রভারতি কোষ, প্রভারতি অঙ্গ পরস্পার

নির্ভরশীল। একটা দোষগ্রস্ত হলে সমস্ত শরীরই ক্রমশ ছষ্ট হয়ে ওঠে। পেটের বিরুদ্ধে হাত পা প্রভৃতি অবয়বের ধর্ম ঘট ও তার পরিপ্রামের গল্প সকলেই জ্ঞানেন। সমাজেও তেমনি প্রত্যেক ব্যক্তিই অস্থান্ম ব্যক্তির ওপর নির্ভরশীল, এক সম্প্রদায় অন্য সম্প্রদায়ের সাহায্য ছাড়া বেঁচে থাকতে পারে না। স্থুতরাং কোন এক ব্যক্তির, কোন এক সম্প্রদায়ের ক্ষতি হলে সমস্ত সমাজেরই ক্ষতি হয়। শারীরিক ক্রিয়াকলাপের কতকগুলি নিয়মকামুন আছে। সেই নিয়মামুসারে যখন প্রত্যেক অঙ্গের কাজ হয়ে যায় শরীর তথন সুস্থ থাকে। কিন্তু নেই নিয়মকান্মনের ব্যতিক্রম হলেই অত্মন্থতা, ব্যাধি প্রভৃতির উৎপত্তি হয় । সমাজেরও তেমনি বিশেষ কতকগুলি বিধিনিয়ম আছে। সেগুলির বাতিক্রম ঘটলে সমাজে নানারকম অমঙ্গলের উদয় হয়। মানুষের জীবনযাত্রা নির্বাহ কঠিন ব্যাপার হয়ে পড়ে, সুখ শাস্তি বিনষ্ঠ হয়ে যায়। যে সমাজে অধিকাংশ লোকই অসুখী এবং ত্ব:খ দারিদ্যের ভেতর দিয়েই জীবনযাপন করতে বাধ্য থাকে. সে সমাজ নিশ্চয়ই ব্যাধিগ্রস্ত। দারিদ্রা ভিন্ন সামাজিক ব্যাধির আরও লক্ষণ আছে। সমাজবিজ্ঞানবিদরাসে সম্বন্ধে আজকাল আলোচনা করছেন।

• লক্ষণ সম্বন্ধে গবেষণা করা গেমন প্রয়োজন, সমাজের দোষক্রটি, ব্যাধি নিবারণ করার চেষ্টা করাও তেমনি দরকার।
এই শেষোক্ত কাজটির নামই সমাজসেবা (Social service)।
সমাজসেবকরা সমাজের সকল দোষ দূর করের মানুষ যাতে

স্থৃত্ব সবল সামাজিক জীবন যাপন করতে পারে তার চেষ্টা করেন। তাঁদের সমাজ-চিকিৎসক বলা যায়। এঁদের সম্বন্ধে কিছু আলোচনা করাই এ প্রাবন্ধের উদ্দেশ্য।

কি রকম প্রকৃতির লোক সমাজসেবার কাজে উপযোগী প প্রথমেই বলা যায়—যিনি সমাজ্ঞসেবক হবেন সহাত্মভূতিসম্পন্ন হওয়া তাঁর বিশেষ প্রয়োজন। কারণ সমাজ ত কতকগুলি ব্যক্তির সমষ্টি। তাদের পরস্পরের মানসিক যোগাযোগই ত সমাজের ভিত্তি। স্থতরাং সমাজের গ্লানির অর্থ—হয় সেই লোকগুলির গ্লানি অথবা তাদের পরস্পরের সম্বন্ধের বিকার, অথবা তুই-ই। সমাজসেবককে এই দোষযুক্ত লোকদের সঙ্গেই ব্যবহার করতে হয়। এদের সঙ্গে ব্যবহার করে এদের সরল পথে নিয়ে আসা আদৌ সহজ কাজ নয়। এ বিষয়ে কৃতকার্য হতে হলে চাই অশেষ সহাত্মভূতি এবং অসীম ধৈর্য। প্রকৃতির দিক থেকে আরও একটা গুণে গুণী হওয়া তাঁর আবশ্যক – সে গুণ ক্ষমাশীলতা। যিনি অন্য লোকের মানসিক তুর্বলতা ধৈর্যের সঙ্গে সহ্য করতে না পারেন, ক্ষমার চক্ষে দেখতে অপারগ, তিনি সমাজসেবার কাজের উপযুক্ত নন।

কিন্তু শুধু এই মানসিক বৃত্তিগুলির অধিকারী হলেই যুথার্থ সমাজসৈবক হওয়া যায় না। যুক্তিযুক্ত বিচার করবার একং বিজ্ঞানসম্মতভাবে বিশ্লেষণ করবার ক্ষমতা এবং কতকগুলি: বিষয়বিশেষের জ্ঞান অর্জন করা সমাজসেবকের প্রয়োজন। হুটিই সাধনা এবং সময়সাপেক। পাশ্চাত্যদেশে সমাজসেবার

কাজ প্রথমে লোকহিভৈষী ব্যক্তিগণের (Philanthropist) দারাই আরম্ভ হয়। অভিজাত সম্প্রদায়ের ধনী ব্যক্তিরা দাতব্য প্রতিষ্ঠান (• Charitable Societies) স্থাপন করে দরিজদের অর্থ সাহায্য করবার ব্যবস্থা করতেন। এটাই তখন সমাজ-সেবার একমাত্র পন্থা বলে বিবেচিত হত। কিন্তু এর ফল সক সময়ে ভাল হত না। কোনরকম বিবেচনা না করে প্রার্থী-মাত্রকেই দয়াপরবশ হয়ে দান করারও কুফল শীঘ্রই দেখা যেতে লাগল। সমাজে অলস প্রকৃতি লোকের সংখ্যা বৃদ্ধি পেতে এবং মিথ্যা অজুহাতে অর্থসংগ্রহের প্রাবৃত্তি প্রবল হতে লাগল। মিথ্যা এবং আলস্ত কোন সমাজের পক্ষেই কল্যাণকর নয়। স্থতরাং ঐ ধরণের সমাজসেবায় Philanthropist-দের মুখ্য উদ্দেশ্য ব্যাহত হয়ে অশুভ ফলই ফলল। তখন দানের উপযুক্ত পাত্র কে তা বিচার করে দেখবার আবশ্যকতা সকলে অনুভব করল। এতে একদিকে সেবা সমিতির কাজ যেমন জটিল হয়ে উঠল তেমনি সাহায্যপ্রার্থীদের সাংসারিক অবস্থা প্রভৃতি বিষয়ের অনুসন্ধানের জন্ম অধিকতর সেবকেরও প্রয়োজন হল। অনুসন্ধানের গভীরতা এবং বিস্তৃতির ফ**লে** অনেক দিক দিয়ে মালুষের চোখ খুলে গেল। কেন এত লোকের সাহায্যের প্রয়োজন হয়, সমাজের ব্যাধি কোথায় · তা সকলে উপলব্ধি করতে আরম্ভ করল। দেখা গেল নিরন্নকে ञन्नमान कत्रतार वा विज्ञशीनरक वज्ज मिरलर नमारकत छेशकात করা হয় না। নিরন্ধ বা বস্ত্রহীন হওয়া সামাজিক রোগের লক্ষণ মাত্র, আসল রোগ নয়। স্থতরাং মূলগত ত্রুটির

সংস্কার না করে কেবলমাত্র লক্ষণগুলিকে দূর করবার চেষ্টা করলে সমাজের প্রকৃত হিভসাধন করা যায় না।

সমাজের অস্বাস্থ্যকর অবস্থা যেসব কারণে ঘটে মোটামুটি দেগুলিকে ছু'ভাগে ভাগ করা যায়—মানসিক এবং পারি-পার্ষিক। হু'ভাগ হলেও তারা পরস্পর একেবারে সম্বন্ধবিহীন নয়। পূর্বে বলেছি কতকগুলি মানুষ এবং তাদের মধ্যে মানসিক সম্পর্কেই সমাজের ভিত্তি। যে সমস্ত মানসিক গুণাবলী আমরা বরণীয় বলে মনে করি প্রত্যেক মানুষই যদি সে সমস্ত গুণসম্পন্ন হয়—তা হলে সমাজ সুস্থ সবলই থাকে; অবশ্য যদি প্রতিকূল পরিবেশ মানুষের মনের স্বাভাবিক ক্ষুরণের পথে অস্কুরায়ের সৃষ্টি না করে। মানুষের মন এবং পরিবেশ এই ছটি সমাঞ্চের উপাদান। ইঙ্গিভ পথে মনের বিকাশ না হলে বা পরিবেশ অন্তুকুল না হলে সমাজ নানারকম ব্যাধির লীলাভূমি হয়। ধরুন, কোন সমাজে চুরি, ডাকাতি, খুন প্রায়ই হয় এবং আইনের চক্ষে যারা অপরাধী (Criminal) তাদের সংখ্যাই অধিক—সে সমাজ নিশ্চয়ই সুস্থ নয়। এই ধরণের সমাজ, সেবকদের একটা প্রশস্ত কর্মক্ষেত্র। এই সমাজের প্রত্যেক মানুষ অপরাধ প্রবণতা নিয়েই জন্মেছে ধরে নিলে সমাজনিয়ন্ত্রক নেতাদের মনে স্থার কোন দ্বিধার সঞ্চার হয় না। তাঁদের কর্তব্য পালনে কোথাও-क्छि रुराह विरवहना कत्रवात आंत्र अवकाम थारक ना। স্থুতরাং তাঁরা অপরাধীদের সম্বন্ধে কতকগুলি আইন জারি করে তাদের শান্তির ব্যবস্থা করে তাঁদের কর্তব্যজ্ঞান অক্ষু

রাখেন। কিন্তু নতুন মনোবিতাা তাঁদের এই আরামদায়ক ভর্তীকে রুঢ়ভাবে আঘাত দিয়ে তাঁদের স্থশান্তির অধুনা যথেষ্ট বিল্প মাটিয়েছে। আধুনিক মনোবিদ্রা স্বীকার করেন না যে ওরকম সমাজে যারা বাস করে এবং চুরি, ডাকাতি ও অত্যান্ত অশ্লীল ব্যবহার করে, অপরাধ-রৃত্তি তাদের সহজাত। অত্যন্ত অশুভ পরিবেশের মধ্যে বাল্যাবধি পালিত হলে দেবশিশুরও ত্রুত্ত দানবের মত ত্র্ব্যবহার করতে অভ্যন্ত হওয়া বিচিত্র নয়।

কিন্তু কেবলমাত্র পরিবেশই কি মানুষের অভ্যস্ত চিস্তাধারা, ক্রিয়াকলাপের জত্যে দায়ী ? অপরাধীদের সহবাদে, বিকৃত সামাজিক পরিবেশের মধ্যে বর্ষিত হয় বলেই কি মানুষ অপরাধী হয় ? অনেক বালক ক্ষল থেকে পালিয়ে নানারকম অপকর্ম করে বেড়ায় এবং সময় সময় আইনের কবলেও এসে পডে। তাদের সকলের পরিবেশ যে মন্দ একথা বলা চলে ুনা। তবু তারা ওরকম আচরণ করে কেন ? এই প্রশ্নের উত্তর কোথায় পাওয়া যাবে আধুনিক মনোবিতা তা দেখিয়ে দিয়েছে। সমাজের স্বাস্থ্য ভাল বা মন্দ মান্তবের মন ও পরিবেশ উভয়ের উপর নির্ভর করে। রাজনীতি, শাসনপদ্ধতি, অর্থনৈতিক অবস্থা হল পরিবেশ। সমাজের হিতসাধন যাদের কাজ এইসব বিষয়ে মনোযোগী হওয়া তাদের প্রয়োজন। কিন্তু মানসিক প্রবৃত্তিগুলি শৈশব থেকে কি ভাবে বিকাশপ্রাপ্ত হয়, মামুষের মন কি ভাবে কাজ করে—তার যথেষ্ঠ জ্ঞান অর্জন করাও সমাজসেবকের একান্ত প্রয়োজন । উত্তম পরিবেশের

মধ্যে থেকেও কোন বিশেষ কারণে একটি বালক বা বালিকার মনের অভিব্যক্তি নীতিনির্দিষ্ট পথে হল না। অভিভাবকদের সকল চেষ্টা ব্যর্থ করে সে পুরোপুরি অপরাধী (Criminal) হয়ে উঠল। কিন্তু যদি কেউ যথেষ্ট অফুসন্ধান করে সেই বিশেষ কারণটি আবিষ্কার করতে ও তা দূর করতে পারতেন তা হলে সেই বালক বা বালিকার মনের বিকাশ স্থনীতির পথেই হতে পারত। এরকম ঘটনার অনেক দৃষ্টাস্ত মনো-বিদ্রা আমাদের দেখিয়ে দিয়েছেন। সমাজসেবকের তাই মনোবিভা অধায়ন করাও একান্ত আবশ্যক। পাশ্চাত্য দেশ-সমূহে মনোবিছার ওপর প্রধানতঃ ভিত্তি করে সমাজসেবার কাজ ক্রত অগ্রসর হচ্ছে। আমাদের সমাজ আজ জর্জরিত, নানারকম ব্যাধিগ্রস্ত-তাকে গাবার স্বস্থ করে তুলতে হবে। এই কাজে বহু সমাজ্ঞ সেবকের অক্লান্ত পরিশ্রম প্রয়োজন। ভবিষ্যত সমাজদেবকগণ মনোবিছা, অর্থনীতি, সমাজবিছা প্রভৃতি বিষয় মনোযোগপূর্বক অধ্যয়ন করুন এবং নিজেদের প্রস্তুত করুন — এই আমাদের কামা।



সমাজ ও শাস্তি

একটা কথা আছে, যে একা থাকে সে হয় খুব উঁচু ধরণের সাধুপুরুষ না হয় তার প্রকৃতি একেবারে জম্ভ জানোয়ারের মত। He is either a saint or a beast. সাধারণ মানুষ সকলের সঙ্গে মিলেমিশেই থাকতে চায়। কিন্তু স্থাত স্বাচ্ছন্দ্যে সমাজে বাস করতে গেলে প্রত্যেক লোককেই কিছ কিছ স্বার্থ ত্যাগ করতে হয়, অনেক ইচ্ছা দমন করতে হয়, আবার সময় সময় অনিচ্ছা সত্ত্বেও অনেক কাজ করতে হয়। কোন্ প্রবৃত্তি দমন করতে হবে, কোন ইচ্ছা ত্যাগ করতে হবে, ঐ সব সম্বন্ধে কতগুলি ধারণা আদিম কাল থেকে আরম্ভ করে ক্রমশ আন্তে আন্তে গড়ে উঠেছে। এই ধারণাগুলো সব সমাজেই যে একই -রকম তা অবতা নয়। বিভিন্ন পরিবেশের মধ্যে দিয়ে বিভিন্ন সমাজের ক্রমপরিণতি হয়েছে বলে, সামাজিক রীতি নীতির যথেষ্ট বৈলক্ষণ্য ভিন্ন ভিন্ন সমাজে দেখা যায়। ঐতিহ্য (traditions), প্রচলিত রীতিনীতি, বিধিনিষেধ প্রভৃতির ভের্ত্তর দিয়েই মূলগত ধারণাগুলি প্রকাশ পায়, তাই এই সবের ছারাই সামাজিক আচার-ব্যবহার নিয়ন্ত্রিত হয়। সাধারণতঃ লোকেরা তাদের নিজেদের সমাজের বিধিনিষেধগুলি মেনে নেয় এবং যে প্রথাগুলি তাদের সমাজে প্রচলিত, সেই অনুসারে চলাই কর্তব্য বলে মনে করে। যারা মানে না, সমাজ তাদের অপরাধী বলে বিবেচনা করে এবং তাদের নানারকম শাস্তির ব্যবস্থা করে।

এ পর্যন্ত যা বললুম তা সবই বাস্তব ঘটনা এবং আপনাদের অজানা কিছুই নয়। কিন্তু একটু ভেবে দেখলে বুঝাতে পারবেন যে এই জেনে নেওয়া এবং এই শান্তির ব্যবস্থার মধ্যে অনেক কৌতুহলোদ্দীপক সমস্থা আছে। লোকে মেনে নেয় কেন গ আপনি আপনার সমাজের প্রচলিত রীতিনীতির বিরুদ্ধে কোন কাজ করতে হলে ইতস্ততঃ করেন কেন ? কে আপনাকে মেনে নিতে বাধ্য করে ? কবে আপনি এই গতানুগতিক পন্থায় চলতে আরম্ভ করেছেন ? সব নিয়মকামুনগুলি কি আপনি বৃদ্ধির সাহয্যে বিচার করে দেখে তারপর মানতে আরম্ভ করেছেন ? যারা মানে তাদের সম্বন্ধে যেমন এই সব প্রশ্ন তোলা যায়, তেমনি যারা মানে না তাদের সম্বন্ধেও অনেক জানবার কথা আছে। কেন তারা মানে না १ চুরি, ডাকাতি প্রভৃতি সমাজের ক্ষতিকর এবং নিন্দার্হ কাজ কোন কোন লোক করে কেন ? ব্যাভিচার, খুন, জখম প্রভৃতি অনেক রকমের অপকম সব সমাজেই কিছু কিছু হয়। যারা এই সব কাজে লিপ্ত থাকে সমাজ তাদের শান্তির ব্যবস্থা করেছে। পুলিশ, বিচারালয়, হাজত, কারাগার, ফাঁসিকাঠ এই শান্তিব্যবস্থারই নিদর্শন। সমস্তা কিন্তু এখানেও আছে। এই শাস্তিব্যবস্থার ভিত্তি কি ? A tooth for a tooth ? তুমি যদি আমার ক্ষতি কর, আমিও তোমার ক্ষতি করব, এই

মনোভাব থেকেই কি শাস্তির উৎপত্তি ? তারপর, শাস্তি দেওয়ার ফল কি হয় ? শাস্তি ভোগ করে অপরাধীর চরিত্র কতথানি সংশোধিত হয়—আর শাস্তি দিয়ে সমান্ধ কতথানি উপকৃত হয় ? যে উদ্দেশ্যে শাস্তি দেওয়া হয় প্রচলিত শাস্তি ব্যবস্থায় সে উদ্দেশ্য কতটা সফল হয় ? এখন এই সব সম্বন্ধে একটু বিস্তারিত আলোচনা করা যাক্।

কেউ কেউ বলেন প্রতিহিংসা মামুষের একটা সহজাত বুল্ডিinstinct, এবং এই বৃদ্ধি থেকেই শাস্তির উৎপত্তি। কিন্ধ প্রতিহিংসা সহজাত বুত্তি বলে ধরে নেবার কোন যুক্তিযুক্ত কারণ নেই। শাস্তি দেওয়ায় প্রতিহিংসা প্রবৃত্তির ইঙ্গিত হয়ত থাকতে পারে, কিন্তু প্রতিহিংসাই যে সব শান্তির উৎপত্তির কারণ তা বলা যায় না। পৃথিবীর আদিম অধিবাসীদের মধ্যে দেখা যায়, কেউ গোষ্ঠীর ক্ষতিকর কোন কাজ করলে গোষ্ঠীর ভিতর সে যাতে আর কোন কালে উপস্থিত হতে না পারে তার একটা ব্যবস্থা করা হত। তা • তাকে গোষ্ঠা থেকে নির্বাসন করেই হউক বা একেবারে হত্যা করেই হউক। গোষ্ঠী থেকে সরিয়ে দেবার মূলে ছু'তিন রকমের মনোভাব মিশ্রিত থাকতো। অপরাধীকে শত্রু বলে বিবেচনা করা হত। নিধনই শত্রুর একমাত্র ব্যবস্থা। অপরাধীকে আবার অশুচি বলে অস্ত্র লোকেরা মনে করতো। গোষ্ঠীর মধ্যে থাকলে তার সংস্পর্শে অন্ত সকলেও অশুচি হয়ে যাবে, গোষ্ঠীকে শুচি রাখবার জন্মে তাই অপরাধীকে গোষ্ঠীচ্যুত করা দরকার। অপরাধীকে বলি দিলে দেবতারা

সম্ভুষ্ট হবেন এ ভাবটাও কিছু কিছু থাকতো। স্থৃতরাং তাকে যে হত্যা বা বিতাড়িত করা হত তা যে প্রতিহিংসা-পরবশ হয়েই করা হত তা বলা যায় না।

অপরাধ ঠিক কাকে বলে তা নির্ণয় করবার চেষ্টা সব দেশেই হয়েছে এবং এ সম্বন্ধে মতামতও অনেক আছে। অপরাধের একটি লক্ষণ সম্বন্ধে সকলেই একমত। সমাজ্বের প্রচলিত রীতিনীতির বিরুদ্ধ কাজই অপরাধ এবং যে সেই রকম কাজ করে সেই অপরাধী। এটা অবশ্য খুব ব্যাপক অর্থ। ইংরাজীতে যাদের Criminals বলি ভারা এক শ্রেণীর অপরাধী, কিন্তু অপরাধীমাত্রেই Criminal নয়। যে পুত্র বৃদ্ধ পিতামাভার ভরণপোষণ প্রভৃতির কোন ব্যবস্থা করে না, সমাজের চক্ষে সে অপরাধী বটে কিন্তু Criminal সে নয়। সব দেশের রীতিনীতি বিধিনিষেধ একরকম নয় বলে এক কাজ সব দেশেই অপরাধ বলে বিবেচিত হয় না, যেমন আত্মহত্যাইংলণ্ডে অপরাধ, জাপানে কিন্তু নয়।

এই অর্থে অপরাধ কথাটি ব্যবহার করলে বলা যায় যে অপরাধ-প্রবণতা মানুষের সহজাত বৃত্তি। শিশুমাত্রই কতক-গুলি বৃত্তি নিয়ে জন্মায়—কতকগুলি ভাল, কতকগুলি মন্দ। অর্থাৎ নমাজ কতকগুলিকে বাড়তে দিতে চায় আর কতক-গুলিকে নষ্ট করতে চায়। প্রত্যেক নবজাত শিশুই একটি 'angel' দেবশিশু বিশেষ Rousseauর এ ধারণাটিও যেমন ভূল, প্রত্যেক মানুষই 'is an wolf to another man', Hobbes-এর এ কল্পনারও তেমনি কোন ভিত্তি নেই।

স্থার্থপরতা সহজাত। অনেক সামাজিক গুপরাধের ভিত্তি এই স্বার্থপরতা। স্থতরাং বলা যায়, অপরাধ-প্রবণতা সহজাত। যে সমস্ত বৃত্তির পরিপূর্ণ বিকাশ হলে ভবিষ্যতে সমাজের সঙ্গে সংঘর্ষের সন্ত্রীবনা অনিবার্য, সেইগুলি দমন করার চেষ্টা করা শিশুদের শিক্ষার একটি গোডার কথা। একটি শিশু যথন আব একটি শিশুর কাছ থেকে জোর করে খেলনা কেডে নেয় তখন সে অপরাধ করে না, কারণ স্থায়-অস্থায় বোধ তথনও তার হয় নি। এই তায়-অকায় বোধ (Moral sense) যতক্ষণ না তার জন্মায় ততক্ষণ তার কাজ অপরাধ বলে বিবেচনা করা যেতে পারে না। প্রথমে বাবা, মার নিষেধের জন্মে অনেক স্বার্থপরতা, নিষ্ঠুরতা প্রভৃতির পরিচায়ক কাজ থেকে সে বিরত হয়। ক্রমে দে নিজের অহম (Ego)-এর এক অংশকে এই নিজেকে নিষেধ করবার ভার দেয়। যে অংশ এই ভার নেয় ভাকে বলে অধিশাস্তা (Super Ego)। এই অবস্থা যখন আসে তখন আর বাইরের কারও নিষেধ করবার প্রয়োজন হয় না। এই অধিশাস্তাই হয় তখন তার নীতিজ্ঞান, বিবেক, ধর্মজ্ঞান প্রভৃতির ভিত্তি। স্বতরাং অধিশাস্তার গঠন ও স্বরূপের ওপর তার ভবিষ্যুৎ চরিত্রের গুণাপ্তণ সম্পূর্ণ নির্ভর করে। উপযুক্ত ভাবে লালন পালন না করার দোষে সনেক সময় শিশুর অধিশাস্তার গঠন তুর্বল হয়, সে ক্ষেত্রে শিশুর অপরাধী (Criminal) হওয়া কিছুমাত্র বিচিত্র নয়। পিতা-মাতার সতর্ক দৃষ্টি, উপযুক্ত শিক্ষা, স্থস্থ সবল অধিশাস্তা গঠনের ় একমাত্র উপায়।

শিশুকে সাজা দেওয়ার কোন কথা হতে পারে না তবে তকে শিক্ষা দেওয়া উচিত। কোন অন্যায় অপকর্ম থেকে শিশুকে বিরত করতে হলে এমন কোন ব্যবস্থা করা দরকার যাতে অপকমের ফলে তাকে একটু যন্ত্রণা ভোগ করতে হয়। যন্ত্রণার কথা মনে হলে সেভবিষ্যতে সে কাজ থেকে বিরত হতে পারে কারণ যন্ত্রণা ভোগ করতে কেউই চায় না, শিশু ত নয়ই। কিন্তু এখানে থব সতক হওয়া প্রয়োজন। যন্ত্রণা কি ধরণের হবে এবং তার পরিমাণ কতথানি হবে সে বিষয়ে অভিভাবকদের বিশেষ বিবেচনা করা উচিত। খুব রেগে গিয়ে বেদম প্রহার করলে কোন ফলই হয় না। এই উপায়, যাকে ইংরাজীতে Conditioning বলে, অল্ল বয়স্ক শিশুদের বেলায় কার্যকারী হয় বটে, কিন্তু একট্ বয়স হলে, একটু বিবেচনা করতে শিখলে তখন আর এ উপায়ে কোন কাজ হয় না। কারণ বালক তখন অপকর্ম করার ফলে যে যাতনা, সেটা কি করে এডিয়ে যাওয়া যায় তারও একটা উপায় উদ্ভাবন করে নেয়।

সমাজ যে শান্তির ব্যবস্থা করে তার মূলে কোন একটি মনোবৃত্তি আছে এ ধরে নেওয়া ভুল। কোন কোন জায়গায় শান্তির মুখ্য উদ্দেশ্য হচ্ছে সমাজকে বজায় রাখা, অপরাধীকে সরিয়ে দিয়ে। এখানে অপরাধী আসল ব্যাপার নয়, আসল ব্যাপার সমাজ। আবার এও অনেকে বলেন শান্তির মুখ্য উদ্দেশ্য হচ্ছে অপরাধীর চরিত্র সংশোধন করা, অথবা তাকে পুনরায় ঐ কাজ করবার সুযোগ না দেওয়া, অথবা প্রতিশোধ নেওয়া কিম্বা অন্ত লোককে ভয় দেখিয়ে ঐ রকম কাজ থেকে বিরত করা ইত্যাদি। ভিন্ন ভিন্ন দেশে যে শাস্তি-ব্যবস্থা গড়ে উঠেছে তার ভিত্তিতে এই রকম ঐকাধিক বৃত্তি আছে বলেই মনে হয়। এই চিরাচরিত ব্যবস্থায় কাজ কতদূর হয়, উদ্দেশ্য কত্টুকু সফল হয় তা বিবেচনার বিষয়।

আধুনিক মনোবিভা সমস্ত অপরাধতত্ত্বের ভেতর একটা নতুন দৃষ্টি ভঙ্গী এনে দিয়েছে। পুরান পথে চলে কোন ফল হচ্ছে না তা যেমন একদিকে দেখিয়ে দিয়েছে অন্তদিকে তেমনি কিভাবে অগ্রসর হলে ফল হতে পারে তার ইঙ্গিতও দিয়েছে। প্রথমেই বলি, যাকে অপরাধী বলে ধরে এনে শাস্তি দেওয়া হয় তার মানসিক অবস্থা কি রকম, বাস্তবিক সে তার কাজের জন্ম দায়ী কিনা সেটা যে বিবেচনা করা উচিত মনোবিন্তা এদিকে দকলের দৃষ্টি আকর্ষণ করছে। উদ্দাম উন্মাদ অবস্তা ছাড়াও অনেক মানসিক রোগ এমন আছে যাতে রোগী তার কাজকমের ওপর সমন্ত শাসন হারিয়ে ফেলে। একজন লোক বাডী থেকে বেরুতে হলেই দরজার কাছে দাঁডিয়ে এক থেকে একশ' অবধি একবার গুণে নেয়। একজন রাস্তায় প্রত্যেক Lamp post টিতে একটি 'X' চিহ্ন দিয়ে যায় ; 'যত চেষ্টাই করুক কিছুতেই সে নিজেকে দমন করতে পারে না। এক টু বেশী মাত্রায় এগুলে এই ধরণের রোগীরা এমন অনেক কাজ করে বসতে পারে যা সমাজের নীতি বিরুদ্ধ। শাস্তি দেবার আগে তাদের মানসিক অবস্থা পরীক্ষা করা প্রয়োজন।

সোভাগ্যের কথা এই যে আজকাল বিচারকগণ্ও এই কথাটার যাথার্থা উপলব্ধি করেন এবং সন্দেহের কোন কারণ থাকলেই তথাকথিত অপরাধীকে 'নজরে' রাখবার এবং মানসিক ব্যাধি চিকিৎসকদের দিয়ে পরীক্ষা করাবার ব্যবস্থা করেন। সৌভাগ্যের কথা বলছি এই জন্মে যে কিছুদিন আগেও অপরাধের সঙ্গে দায়িত্ববোধের যোগাযোগের কথা একেবারেই বিবেচিত হত না। এর অনেক দৃষ্টান্ত আছে। একটা কুড়্লেতে একজন লোকের আঘাত লাগে বলে Athens সহরের বিচারালয়ে কুড়ুলের বিচার হয়। কুড়ল দোধী সাব্যস্ত হয়, সমস্ত নিয়ম-কান্ত্রন বজায় রেখে তাকে দেশের সীমানা পর্যন্ত নিয়ে গিয়ে ছডে ওপারে ফেলে দেওয়া হয় অর্থাৎ তার নির্বাসন দণ্ড দেওয়া হয়। সেদিন পর্যন্ত ইংলণ্ডে কোন গাছ মানুষের উপর ভেঙ্গে পড়লে, তাকে বাজেয়াপ্ত করা হত এবং বিক্রী করে দেওয়া হত। Switzerland এ একটা শুয়ার একটি ছোট ছেলেকে মেরে ফেলেছিল বলে তার বিচার হয় এবং ত্কুম হয় যতক্ষণ পর্যন্ত না মৃত্যু হয়—ততক্ষণ তাকে ফাঁসিকাঠে টাঙ্গিয়ে রাণা হবে। এ অবস্থা থেকে আমরা যে অনেকদূর অগ্রসর হয়েছি সে কথা স্বীকার করতেই হবে।

শান্তির ফল কখন হয় ? যখন অপরাধী নিজে মনে করে যে সেঁ সত্যই অপরাধী। তার নিজের যদি অপরাধ-জ্ঞান না থাকে তাকে শান্তি দিলে, সে সমাজের ওপর অধিকতর বিরূপ হয় এবং সমাজের বিধি নিষেধকে আরও অবজ্ঞার চোখে দেখতে থাকে। ভবিষ্যতে তার আবার অপরাধ করবার সম্ভাবনাই বেড়ে যায়। শান্তির ফল একেবারে উল্টো হয়।
অপরাধের তুলনায় শান্তির গুরুত্ব যদি বেশী হয় তা হলেও
ঠিক এই রকমু ফল হয়। যেখানে অপরাধ জ্ঞান থাকে সেইখানেই শান্তি কার্যকরী হয়। স্কুতরাং শান্তি দেবার সময়ে এ
বিষয়েও দৃষ্টি রাখা উচিত—অপরাধীর মনে এ বিশ্বাস জন্মান
উচিত যে সে সত্যই অপরাধ করেছে। এটা খুব ব্যাপক
তথ্য। কি করে একজন অপরাধীর মনে সে বিশ্বাস আনা যেতে
পারে সেটা অবশ্য বিভিন্ন অপরাধীর বেলায় বিভিন্ন রকমের
হবে। মনোবিত্যা এখানে আমাদের যথেষ্ট সাহায্য করতে
পারে। অনেক ক্ষেত্রেই দেখা গেছে যেখানে অপরাধ্জ্ঞান
আছে, অন্ত কেট শান্তি না দিলেও অপরাধী নিজেই নিজেকে
শান্তি দেবার উপায় উদ্ভাবন করে। সে প্রায়শ্চিত্ত করে।

মনোবিদ্দের আবিষ্কারের ফলে এখন যে নীতি গ্রহণ করবার কথা Criminologist-দের মধ্যে আলোচনা হচ্ছে সেটা হচ্ছে এই যে, একদিকে অপরাধীকে ভাল করে বোঝা অর্থাৎ ভার 'ব্যক্তিত্ব' (personality) বিশদভাবে অধ্যয়ন করা প্রয়োজন এবং অক্যদিকে সমস্ত সামাজিক অবস্থা পুঞানুপুঞ্জারূপে বিশ্লেষণ করা প্রয়োজন। এই ত্'টি বিষয়ের জ্ঞান লাভ করতে, পারলে তবেই শাসন সংশোধন প্রভৃতির কাজ স্থ্যুভাবে সম্পন্ন হতে পারবে। এই জ্ঞান অর্জনের দিকে বেশী দৃষ্টি দেওয়াই এখন কর্তব্য। এই জ্ঞানলাভ যত করতে পারব উন্নতির ব্যবস্থা ততই আয়ত্তে আসবে কারণ knowledge is power, জ্ঞানই শক্তি।

সমাজ ও মনোবিদ্যা

কতকগুলি লোকের একত্র সমাবেশ মানেই সমাজ নয়। সেই সমবেত লোকগুলির মধ্যে যতক্ষণ না একটা মানসিক সম্বন্ধ স্থাপিত হয় ততক্ষণ সমাজ গড়ে ওঠে না। পরস্পারের ভেতর চিন্থা, আদর্শ, উদ্দেশ্য প্রভৃতির মিল, কার্যধারার ঐক্য, ভাবের আদান প্রদান যখন কোন সমষ্টির মধ্যে লক্ষ্য করা যায় তথনই সেই সমষ্টিকে সমাজ বলে বর্ণনা করা যায়। অবশ্য এই ঐক্যের ক্রম (grade) আছে। এক সমাজের সব লোকেদের মধ্যে যে সব সময়ে সব বিষয়ে সম্পূর্ণ মিল হতে হবে তা নয়। তবে এই ঐক্যের ক্রমের উপরই যে সমাজ বন্ধনের দৃঢ়তা এবং স্থায়িত্ব নির্ভর করে এ কথা ঠিক। পৃথিবীতে তাই নানারকমের সমাজ আমরা দেখতে পাই। কোন সমাজের ভিত্তি এতই প্রবল যে বাইরে থেকে নানারকমের আক্রমণ সত্ত্বেও সে তার অস্তিত্ব বজায় রেখেছে। আবার কত সমাজ সামাগ্য আঘাতেই চুরমার হয়ে গেছে। যাই হোক, এই ভাঙ্গাগড়া এবং স্থায়ী হয়ে থাকায় মূল কথাই হচ্ছে সমাজের পরস্পারের ভেতর মানসিক যোগাযোগের গভীরতা। মানসিক ব্যাপার সম্বন্ধে আলোচনা করে মনোবিতা, কান্ডেই সমাজ সম্বন্ধে বিজ্ঞান সম্মতভাবে অধ্যয়ন করতে হলে মনোবিভাকে এড়িয়ে

যাওয়া চলে না। সমাজতত্ত্বের সঙ্গে মনোবিভার সম্পর্ক তাই খুবই ঘনিষ্ঠ।

মান্থবের, ক্রম পরিণতির ইতিহাসে সমাজের স্থান কোথায় গ মান্থয় কি গোড়া থেকেই সমাজে বাস করত, না কোন এক সময়ে কোন এক অবস্থায় পড়ে স্বার্থারেষী মান্থয় পরিহতকামী হয়ে উঠেছিল গ নৃতত্ত্ববিদ্রা আদিকালের আদিমজাতিদের নানারকম সমাজবিধির কথা আমাদের জানিয়েছেন। আজকের সমাজ আদিকালের সমাজ থেকে অনেক তফাং। এই বিভিন্নতার সৃষ্টি কি করে হল গ পারিপাশ্বিক নৈস্যাকি ঘটনাবলীই কি এই পরিবর্তনের একমাত্র কারণ গ তা বলা যায় না। তখনকার লোকেদের মনের ওপর নৈস্যাধিক ব্যাপারগুলি কতখানি এবং কি ধরণের প্রভাব বিস্তার করেছিল সেটা যতক্ষণ না বুঝতে পারা যায়—ততক্ষণ সমাজের ক্রমপরিণতির সঙ্গত ব্যাখ্যা করা যায় না। এইখানে সমাজতত্ত্বের সঙ্গে মনোবিভার আর গএকটি যোগস্ত্র আমরা দেখতে পাই।

প্রত্যেক সমাজেই কতকগুলি রীতিনীতি আচার ব্যবহার ধর্মানুষ্ঠান বিধিনিষেধ প্রবর্তিত আছে। এগুলি অবশ্য সব সমাজে একরকম নয়। অনেক ভূপর্যটক বিভিন্ন স্থানের বিভিন্ন সমাজের আচার ব্যবহারের চিন্তাধারা প্রভৃতির বর্ণনা করেছেন। অবশ্য বর্ণনা অনেক রকমের আছে। বহুদূর থেকে এসে শতদিন ভারতবর্ষ বেড়িয়ে দেশে ফিরে গিয়ে ভারতবাসীদের রীতিনীতি, ধর্মানুষ্ঠান, অভ্যাস,

রাজনীতি, চরিত্র প্রভৃতি সম্বন্ধে পুস্তক রচনা করা এক রকম বর্ণনা। আবার Livingstone প্রভৃতি লোকেদের মত নিজেদের জীবন বিপন্ন করে আফ্রিকার জক্ষলে আদিম অধিবাসীদের সঙ্গে বছরের পর বছর অতিবাহিত করে তথ্য সংগ্রহ করা এবং তার প্রচার করা—সেও একরকম বর্ণনা। আমি এই শেষোক্ত ধরণের বর্ণনার কথাই বলছি। এই বর্ণনা অতিশয় মূল্যবান্। কিন্তু কোন সমাজকে বিজ্ঞানসম্মত ভাবে বুঝতে হলে শুধু এই বর্ণনাতেই কি ক্ষান্ত থাকা যায় ? 'কি'র পরে সভাবতই প্রশ্ন এসে পড়ে 'কেন' ? এই 'কেন'র উত্তর দিতে আবার আমাদের মনো-বিজ্ঞার ক্ষেত্রে এসে পড়তে হয়।

ধরুন, ধর্মান্থ্র্চানের কথা। ভারতবাসীদের ভেতর যারা হিন্দু তাঁরা মন্দিরে যেভাবে পূজা করেন, মুসলমানেরা মসজিদে সেভাবে প্রার্থনা করেন না। (আমি এখানে সামাজিক ধর্মান্থ্র্চানের কথা বলছি—ব্যক্তিগত ধারণার কথা বলছি না।) খুষ্টান, জৈন, পার্দি প্রভৃতি অক্যান্ত সম্প্রদায়ের ধর্মাকর্মের ধারা ত সম্পূর্ণ বিভিন্ন রকমের। বিবর্তনবাদীরা এই বিভিন্নতার কারণ হয়ত বিশদভাবে আমাদের বুঝিয়ে দিতে সমর্থ হবেন। তাঁদের এই ব্যাখ্যাতেও মান্সিক ঘটনাবলীর আলোচনা করার কিন্তু প্রয়োজন হবে। উপরস্ত বিবর্তনবাদের আত্রয় নিলে,—তা আমাদের নিতেই হবে বলে মনে করি—একটি গোড়ার কথায় আমরা এসে পড়ি। এই বিভিন্ন ধর্মান্থ্র্চানের মূল উৎস কোথায় ? এমন কি

কোন সময় ছিল যখন কেবলমাত্র একরকম ধর্মানুষ্ঠানই প্রচলিত ছিল ? তারও আগে কোন সময় কি ছিল যখন ধর্মভাব বলে যাকে বর্ণনা করি তা কারুর মনেই ছিল না! যদি এরকম ধর্মহীন স্থান, কাল, পাত্র ছিল মনে করবার যথেষ্ট কারণ থাকে তাহলে কোন্ জায়গায় কার মনে, কি অবস্থায় ধর্মের মনোভাব প্রথম জাগল ? কি রকম—মানসিক অভিজ্ঞতা থেকে এর উৎপত্তি ?

এ প্রশ্নগুলি অনেকের কাছেই হয়ত ভুচ্ছ বলে মনে হবে। তাঁদের মতে ধর্ম সম্বন্ধে এ ধরণের প্রশ্ন উত্থাপন করা শুধু অন্থায় নয়, একেবারে নাস্তিকতার পরিচয়। যাঁরা এরকম মনে করেন তাঁদের সঙ্গে আমার কোন ঝগড়া নেই। যে ধম বিশ্বাস তাঁদের মনে শান্তি এনে দিয়েছে. যার ফলে তাঁরা তাঁদের সংসার যাত্রা শান্তিতে, নিবিল্লে সমাধা করে যেতে সমর্থ হচ্ছেন। সে বিশ্বাদে আঘাত দেবার কোন অধিকার আমার নেই, বরং আমি সে বিশ্বাসকে শ্রদ্ধা করি। কিন্তু আমার অভিজ্ঞতায় আমি দেখেছি অনেক লোক আছেন যারা প্রচলিত ধর্মে এবং ধর্মানুষ্ঠানে আদৌ আস্থাবান্ নন, অথচ কাজে সে ভাবটা প্রকাশ করতে চান না। এখন এই ধ্রণের লোকের সংখ্যাই বোধ হয় বেশী। তাঁদের এই রকম প্রাণহীন ধর্মান্থপ্ঠান করে যাওয়ার তীব্র নিন্দা করতেও আমি পারি না. কারণ সমাজ যেটা মেনে নিয়েছে তার বিরুদ্ধে যেতে হলে যথেষ্ট মনের জোরের দরকার। কচিৎ কদাচিৎ এ রকম মানসিক শক্তিসম্পন্ন লোক পৃথিবীতে আসেন। যুগে যুগে

ভারতবর্ষে এই ধরণের মহাপুরুষের আবির্ভাব হয়েছে: আমরা তাঁদের অবতার বলি। যাই হোক যারা পুরোপুরি বিশ্বাস করতে পারেন না. এবং এই জন্মে একটা দ্বিধা নিয়েই যাঁদের জীবন কাটাতে হয় ভাঁদের কাছে আমার প্রশান্তলি বোধহয় একেবারে নিরর্থক মনে হবে না। বরং প্রশ্নগুলি আলোচিত হলে তাঁদের সমস্থার সমাধানের হয়ত একটা পথ তাঁরা খুঁজে পেতে পারেন। এই সব প্রশ্ন নিয়ে তর্ক বিতর্ক এ পর্যন্ত কিছ হয় নি, এ কথা কেউই বলবে না। চিন্তানীল দার্শনিকরা, নৃতত্ত্বিদ পণ্ডিতেরা এই সমস্ত ব্যাপার সম্বন্ধে যথেষ্ট গবেষণা করেছেন, এবং বহু তথ্য সংগ্রহ করেছেন। কিন্তু আসলে ব্যাপারটি যখন মান্সিক তখন মনোবিভার দিক থেকে বিজ্ঞানসম্মতভাবে প্রশ্ন এবং তথ্যগুলি আলোচনা করা সঙ্গত এवः সময়োপযোগী বলেই মনে করি। আধুনিক মনোবিছা. মনের অনেক রহস্তময় ব্যাপারের ওপর আলোকপাত করেছে, অনেক নতুন তথ্যের সন্ধান দিয়েছে এবং মনের কার্য-ধারার এ যাবং অজ্ঞাত অনেক প্রণালী আবিষ্কার করেছে। ত্মতরাং ধর্ম এবং ধর্মাকুষ্ঠান সম্বন্ধে যে নতুন কথা কিছু বলতে পারবে এ ধারণা করা খুব অযৌক্তিক নয়। সব দেশেই, সব ধর্মে ই এক একটি অনুষ্ঠানের পেছনে অনেক কাহিনী, অনেক গল্প ধারণা প্রভৃতি আছে। এই সমস্ত পৌরাণিক কাহিনী, প্রচলিত গল্পগুলি, যেগুলি বিশেষ বিশেষ অনুষ্ঠানের ভিত্তি সে গুলি মনোবিত্যার দিক থেকে বিশ্লেষণ করলে অনুষ্ঠানগুলির যে যুক্তিযুক্ত ৰ্যাখ্যা এবং কারণ (Raison d'etre) পাওয়া যাবে

এবং কাজেই অনেক সংশয়ের যে সমাধান হবে তা খুবই আশা করা যায়। পাশ্চাত্য দেশের মনোবিদ্রা এই কাজে ইতিপূর্বেই হস্তক্ষেপ করেছেন। আমাদের দেশে এই ধরণের কাজের বিস্তৃত ক্ষেত্র পড়ে রয়েছে। মনীধীদের মনোযোগ এই দিকে আকৃষ্ট হলে শীঘ্রই অনেক প্রচলিত অকুষ্ঠান, কাহিনী প্রভৃতির মনোবিতার দিক থেকে সদ্ব্যাখ্যা পাওয়া যাবে বলে মনেকরি। সম্প্রতি 'উজ্জ্বল ভারতে' শ্রীরাধা প্রবন্ধে লেথিকা মনোবিতার স্ত্ত্রের সাহায্যে রাধাচরিত্র বিশ্লেষণ করবার চেষ্টা করেছেন দেখে আনন্দিত হলুম। * প্রবন্ধে লেথিকার মূল বক্তব্যটি আরও একটু স্পষ্ট হয়ে ফুটে উঠলে বোধ হয় ভাল হত। তবুও তাঁর এই নতুনভাবে অগ্রসর হওয়ায় ইচ্ছা ও সাহসকে আমি অভিনন্দন জানাচ্ছি।

আমাদের মূল আলোচনার বিষয় থেকে আমরা অনেক দূরে চলে এসেছি। আবার এখন আসল বক্তব্য বিষয়ে ফিরে যাই। ধর্মানুষ্ঠান সামাজিক অন্যান্ত প্রতিষ্ঠানের মধ্যে একটি। রাষ্ট্র, নীতি, শিক্ষা, বিবাহ, পারিবারিক জীবন প্রভৃতিও সামাজিক ক্রিয়াকলাপেরই অন্তর্ভুক্ত। এ সবেরও ভাঙ্গাগড়া আদিকাল থেকে হয়ে আসছে। বিংশ শতাব্দীতে এই ভাঙ্গাগড়া, আর আমরা দৈব বা নৈস্গিক ঘটনাবলীর ওপর ছেড়ে দিতে চাই না; আমরা এদের নিয়ন্ত্রণ করতে চাই। তাই পরিবর্তনের মূল সূত্র খুঁজে বার করবার চেষ্টা করি। কেউ বলেন মূল সূত্র

^{*} উজ্জ্ব ভারত, অগ্রহায়ণ ১৩৫৫

হচ্ছে পরিগম (Environment), কেউ বলেন বংশারুক্রম (Heredity) এই পরিবত নের কারণ; কারও মতে জড়পদার্থের বিবর্তনতত্ত্বের সাহায্যে পৃথিবীর ইতিহাস, মনুষ্যুত্বের বিকাশ, সবই পরিষ্কার বোঝা যায়; আবার কার-ও ধারণা চিৎশক্তির (Consciousness) ক্রম ফুরণই পরিবর্তনের—তা জড জগতেরই হউক বা মানুষের এবং মানুষের তৈরী সমাজ, রাষ্ট্রতন্ত্র প্রভৃতিরই হোক-একমাত্র সঙ্গত ব্যাখ্যা। আমার এক বন্ধু যিনি বিজ্ঞান এবং এই বিবর্তন প্রভৃতি অধ্যয়ন করে এ যাবং জীবন যাপন করে এসেছেন, তিনি আজকাল এই সব প্রশ্ন উঠলেই পাণ্ডিত্যাভিমানীদের প্রতি একটু কটাক্ষ করেই বলেন—এসব তত্ত্বের ভেতর খুঁজলে কোন কিছুই কোন দিনই বঝতে পারবে না: এপথ ছেডে শ্রীভগবানের আরাধনা কর: তাঁর করুণা লাভ করতে সমর্থ হলে তখন হাদয়ে অনুভব করবে যে. এ সমস্ত সৃষ্টি তাঁরই লীলা। তিনি আরও বললেন, কথাটা যদিও পাগলামির মত শোনায় কিন্তু এ ভিন্ন আর গতি নেই এটা স্থির জেনো।

ধর্ম ও ধর্মানুষ্ঠান সম্বন্ধে যে ধরণের প্রশ্ন আমাদের মনে জেগেছিল, অনুরূপ প্রশ্ন এই সমস্ত অনুষ্ঠান সম্বন্ধেও তোলা যায়। সম্প্রতি মনংস্তত্ত্বের দিক থেকেও রাষ্ট্র, শিক্ষা প্রভৃতি সম্বন্ধে আলোচনা আরম্ভ হয়েছে। বিজোহ, যুদ্ধ, দাঙ্গা-হাঙ্গামা প্রভৃতি সমাজের ব্যাধিসমূহের পেছনে কি মানসিক ঘটনাবলী দ্বন্ধ প্রভৃতি আছে, তা বিশ্লেষণের প্রয়োজনীয়তা আজ সকলেই অনুভব করছেন। খবরের

কাগজে দেখলুম পৃথিবীতে শান্তিস্থাপনের অন্তরায় কি, দেশে দেশে, জাতিতে জাতিতে বিরোধের মূল উৎস কোথায়— ইত্যাদি প্রশ্নের অনুসন্ধানের জন্মে বিভিন্ন মহাদেশের কয়েক-জন মনোবিদ্ বদ্ধপরিকর ইয়েছেন এবং প্যারিস সহরে তাঁরা একত্রে মিলিত হয়েছেন। তাঁদের অনুসন্ধানের আশু ফললাভের কোন আশাই নেই—তা সহজেই বোঝা যায়; কিন্তু বিজ্ঞানসম্মতভাবে এই ধরণের অনুসন্ধানের প্রয়োজনীয়তা যে অনেকে উপলব্ধি করেছেন এইটাই সুখের বিষয়। সমাজের কোন সমস্থারই সমাধান হয় না যদি আমরা কেবল বাইরের জিনিসের এবং পরিগমের দিকে মনোযোগ দিই। বৃটিশ গভর্ণমেন্টের সঙ্গে আমাদের ঝগড়া যখন পূরাদমে চল্ছিল মহাত্মাজী তথন বলেছিলেন—যতক্ষণ পর্যন্ত 'ফাদুয়ের পরিবর্তন' (change of heart) না হচ্ছে ততক্ষণ পর্যস্ত এ দ্বন্দ্ৰ কিছুতেই মিটবে না। শুধু বিজোহ দ্বন্দ্ৰ যুদ্ধ ইত্যাদি নয়—শান্তিপূর্ণ গঠনমূলক কাজেও মনোবিতা যথেষ্ট সাহায্য ুকরতে পারে। কোন একটি বৈদেশিক শাসনতন্ত্র, শিক্ষা-পদ্ধতে হুবহু আমাদের দেশে আমদানী করবার চেষ্টা করলে স্ফলের আশা কখনই করা যায় না। তাই কর্তৃপক্ষদের বক্তৃতার ভেতর ভারতবাসীদের Psychology কথাটি আজকাল প্রায়ই শোনা যায়। এই দেশের লোকের Psychology অধ্যয়ন করার ব্যাপারটি বক্তৃতার গণ্ডি পেরিয়ে যতশীভ্র বাস্তব কর্ম ক্ষেত্রে নেমে আসে ততই মঙ্গল। একটি দৃষ্টান্ত দিই। অপরাধীদের শাস্তি দেওয়ার কতকগুলি প্রথা অনেক দিন থেকে একভাবেই চলে আসছে। রাষ্ট্রের শাসন যাঁদের হাতে তারা কতকগুলি আইনকান্ত্ন বেঁধে দিয়েছেন; সেই অনুসারেই বিচারকগণ শাস্তি দিয়ে আসছেন। কিন্তু সেই শাস্তিবিধানের ব্যবস্থায় সমাজ কতথানি উপকৃত হয়েছে? কত্পক্ষরা উপলব্ধি করেছেন যে এই প্রচলিত ব্যবস্থার পরিবর্তন আবশ্যক। তাই তাঁরা Jail Committee গঠন করছেন এবং জেলগুলিকে Reformatory-তে পরিণত করার চেষ্টা করছেন। এই ব্যাপারে মনোবিদ্দের সাহায্য আবশ্যক, অপরাধীদের (Criminals) মনংস্তত্ব অতিশয় জটিল। তাদের মনের পরিবর্তন করবার কাজ বিশেষজ্ঞদের, যাঁরা বিশেষভাবে এ বিষয়ে অধ্যয়নাদি করেছেন, তাঁদের হাতেই হাস্ত

শিক্ষা ব্যাপারে মনোবিদ্দের আবিষ্কারগুলির দাম
শিক্ষকমাত্রেই আজকাল উপলব্ধি, করেন। শিক্ষামন্ত্রীদের
এই আবিষ্কারগুলি কাজে লাগাবার কিছু কিছু চেঠা দেখা
যাচ্ছে। স্থতরাং এ বিষয়ে বেশী কিছু বলবার উপস্থিত
প্রয়োজন নেই। এ সম্বন্ধে কিছু আলোচনা অন্যত্র করেছি *

সামাজিক প্রত্যেক অনুষ্ঠানটি এইভাবে মনোবিজার দিক থেকে অধ্যয়ন করবার চেটা করলে সমাজের পক্ষে তার ফল ভালই হবে। কারণ, প্রথমেই আমরা দেখেছি সমাজের ভিত্তি হচ্ছে মানসিক ঘটনাবলী। স্মৃতরাং সেই

^{*} মনঃসমীক্ষণ। রঞ্জন পাবলিশিং।

ঘটনাবলী মনোবিভার সাহায্যে যতই অধ্যয়ন করা হবে ততই সমাজ সম্পর্কে জ্ঞানও বুদ্ধি পাবে। আর জ্ঞানই ত শক্তি। শক্তি অর্জন করতে পারলে সমাজের গতি বাঞ্ছিত পথে চালিত করতে সমর্থ হবে। 'মিথ্যা কথা বলিও না', 'গুরুজনদের সম্মান করিও', প্রভৃতি বাক্য প্রত্যেক শিশুই ছেলেবেলায় শোনে। কিন্তু সে শোনার ফল কমই দেখা যায়। কেন এমন হয় ? বক্তৃতায়, খবরের কাগজে 'ধম ঘট কোরো না', 'উৎপাদন বাডাও', 'সহযোগিতা কর' প্রভৃতি বাক্যের ত আজকাল বহুল প্রচার দেখছি। কিন্ত সেই অনুসারে কাজ কেন হচ্ছে না। ডাকবার মত ডাকতে পারলে নাকি ভগবানও লুকিয়ে থাকতে পারেন না। এ ধারণাও বোধ হয় অমূলক নয় যে শোনাবার মত করে শোনাতে পারলে বলবার মত করে বলতে পারলে লোকে শুনবেই। এবং সেই অনুসারে কাজও করবেই। কি বলতে হবে. শোনাতে হবে. শেখাতে হবে এবং কি করে বলতে হবে, শোনাতে হবে, শেখাতে হবে মনোবিছা তা আমাদের যে ভালভাবেই শিথিয়ে দিতে পারবে সে বিষয়ে আজ আর সংশয় করবার কিছু নেই।



কাৱাবন্ধন

পৃথিবীর ভিন্ন ভিন্ন দেশে রাজ্যশাসনের বিভন্ন প্রণালী প্রচলিত আছে। কিন্তু শাসনপন্থা যে ধরণেই হ টক সব শাসনতন্ত্রের আইন-কান্তুনেব মধ্যেই অপরাধীকে কারাগারে নিক্ষেপের একটা ব্যবস্থা আছে। কোন অপরাধে কারাদণ্ড হওয়া উচিত আর সে কারাদণ্ড কি রকম হওয়া প্রয়োজন, অর্থাৎ সশ্রম না বিনাশ্রম, ছ'মাস, এক বছর না যাবজ্জীবনের জন্মে, প্রত্যেক দেশের অপরাধ-আইন পুস্তকের বিবিধ ধারায় সে সব কথা লিপিবদ্ধ আছে। প্রথাটি অনেক দিন থেকেই চলে আসছে। জনসাধারণের সকলেই এটা এমন ভাবে মেনে নিয়েছে যে, এ সম্বন্ধে কারুর মনে কোন রকম প্রশ্নই বড একটা জাগে না, যদিও বা কখনও এ সম্বন্ধে কোন রক্ম আলোচনা হয় ত সে আলোচনা সীমাবদ্ধ থাকে ছোট ছোট গণ্ডীর ভেতর। অপরাধের গুরুত্ব হিসাবে কারাবাসের সময়ের সামঞ্জস্ত আছে কিনা, কোন কোন অপরাধে কারাদণ্ড অসমীচীন, কিম্বা আরও কোন কোন অপরাধে কারাদণ্ড হওয়া বিধেয়, এই জাতীয় আক্রোচনা মাঝে মাঝে হতে দেখা গেছে। কিন্তু কারাদণ্ড আদৌ হওয়া উচিত কিনা, কিম্বা যে উদ্দেশ্যে এই শাস্তি দেওয়া হয়, সে উদ্দেশ্য কারাবাদের ফলে কতথানি সাধিত হয়, কারাগারের আভাস্করীণ ব্যবস্থা কি রকম হওয়া প্রয়োজন এই

সমস্ত জটিল এবং গুরুত্বপূর্ণ সমস্তার আলোচনা এ পর্যন্ত বিশেষ কিছুই হয় নি। একথা জোর করেই বলা যায় যে, মনোবিত্যার নেব আবিদ্ধৃত তথ্যগুলির বহুল প্রচারের ফলেই শাসনকর্তাদের, সমাজনেতাদের, বিচারকদের এবং আইনব্যবসায়ীদের দৃষ্টি এদিকে সম্প্রতি আকৃষ্ট হয়েছে এবং এই সব সম্বন্ধে অনুসন্ধান, আলোচনা এবং প্রয়োজন মত প্রতিকারের চেষ্টার স্টুনা দেখা যাচ্ছে। জ্ঞানবৃদ্ধির সঙ্গে সমাজের রীতিনীতি, আইন-কান্ত্ন ও গার্গস্ত্য জীবনের প্রচলিত ধারার পরিবত্ন হওয়াই বাঞ্ছনীয়। নইলে সমাজে অমঙ্গল প্রবেশ করে, রাজ্যে বিদ্রোহের সৃষ্টি হয়, গৃহ অশান্তিতে ভরে ওঠে।

আমাদের দেশে কারাদণ্ডের প্রথা বহুকালের প্রথা। অনেকের ধারণা আছে প্রাচীন ভারতবর্ষে কারাগার ছিল না। সে ধারণা ঠিক নয়। মহাভারতে দেখা যায়, জরাসন্ধ অনেক রাজা-মহারাজাকে বন্দা করে কারাগারে রেখে দিয়েছিলেন। কংস রাজা দৈববাণীকে বিফল করবার অভিপ্রায়ে দৈবকীকে কারাগারে আবদ্ধ করে রেখেছিলেন। তবে শাস্তি দেওয়ার চেয়ে শুধু আটক রাখাটাই বোধ হয় তথন কারাগারের প্রধান উদ্দেশ্য ছিল। পাশ্চাত্য দেশে পুরাকালে কারাগারে যে ব্যবস্থা ছিল না তা নয়, তবে কারাদণ্ডের প্রচলন খুব কম্ই ছিল বলা যায়। ইংলণ্ডে প্রথম এডওয়ার্ডের রাজত্বকালেই অর্থাৎ ত্রিয়োদশ শতান্দীর শেষের দিক থেকেই কারাদণ্ডের বিশেষ প্রচলন আরম্ভ হয়। জরিমানা আদায়ের একটা বিশেষ উপায় হিসাবেই কিন্তু প্রথম প্রথম এই দণ্ড দেওয়া হ'ত। সেই সময়ের

অক্যান্ত দেশের আইন এবং শাস্তির ব্যবস্থা অনুসন্ধান করলে এই ধারণাই হয় যে, যাদও খুব প্রাচীন কালে অসভ্য জাতিদের ভিতরেও কারাদণ্ডের ধারণা একটা ছিল, কিন্তু পাশ্চান্তা দেশে অপরাধের শান্তি হিসাবে এর বহুল প্রচলন মধ্যযুগ থেকেই আরম্ভ হয়। সেকালের ধর্ম সম্প্রদায়ের কর্তারাও কারাদণ্ডের ব্যবস্থা করতেন। মৃত্যুদণ্ড দেবার অধিকার তাঁদের ছিল না বলেই তাঁরা এই দ.গুর যথেচ্ছ ব্যবহার করতেন। কাউকে একেবারে নির্জন ঘরে একলা আবদ্ধ করে রাখা হ'ত, যাকে বলে 'সলিটারী কন্ফাইনমেণ্ট'—আবার কাউকে অন্থ কয়েদীদের সঙ্গে মেলামেশা করতে দেওয়া হ'ত। ক্রমশ करप्रमीरमंत्र कारक लागारनात कथा भरन रुप्न अवः य भव অপরাধী কার্যক্ষম, তাদের আটক না রেখে জোর করে কোন কাজে লাগানো হ'ত। স্ত্রীলোক, রোগী, বুদ্ধ বা যারা অন্ত কোন কারণে কাজ করতে অক্ষম তাদেরই শুধু আবদ্ধ রাখা হ'ত। এই সময় থেকেই একটা নুতন ভাবধারা লক্ষ্য করা যায়। লণ্ডনের একজন বিশপ, রিড্লে তাঁর নাম. তিনি একটা আন্দোলন আরম্ভ করেন যে, শহরের অশিক্ষিত ৰলিষ্ঠ ছেলেরা—যারা কোন কিছু করে না বরং মার-ধোর, গুণ্ডামি, ছোটখাট চুরি—ছিঁচকে চুরি আর কি. যৌন ব্যভিচার প্রভৃতি অপকর্ম করেই বেড়ায় তাদের দিনকতক আটক রেখে শোধরাবার ব্যবস্থা[`]করা উচিত। এই আন্দোলনের ফলে যোড়শ শতাব্দীর শেষভাগে পালামেণ্টে এই মমে এক আইন পাশ হয় যে, প্রত্যেক 'কাউণ্টি'তে একটা করে 'সংশোধনাগার' (House of Correction) স্থাপন করা হবে এবং খুঁজে পেতে ঐ ধরণের বদমাইস, ভববুরে, কুঁডে—এবং চুশ্চরিত্রাদের ধরে এনে সেইখানে আবদ্ধ করে রাখা হবে। সংশোধনাগার অনেক কাউন্টিতেই স্থাপিত হ'ল এবং কাজও বেশ চলতে লাগল। ক্রমশ অন্য ধরণের অপরাধীদেরও সংশোধনাগারে আটকে রাখা হতে লাগল। সাধারণ জেল আর সংশোধনা-গারের ভিতর তফাৎ আর বেশী রইল না। চু'জায়গাতেই চাবুক এবং লোহার শৃঙ্খলের ব্যবস্থা ছিল। এই সংশোধনা-গারের ভিত্তিতে যে চিন্তা এবং উদ্দেশ্য ছিল ইউরোপের অন্তান্ত দেশের মনীষা এবং হৃদয়বান লোকেরা তার গভীরতা এবং কার্যকারিতা সহজেই উপলব্ধি করলেন। কাজেই সমস্ত ইউরোপেই তখন সংশোধনাগার নিমিত হতে লাগল। জামে নীতে এই সংশোধনাগারগুলি বিশেষ কার্যকরী হয়ে উঠল। তবে ইউরোপের সবচেয়ে বিখ্যাত সংশোধনাগার ১৭৭৫ খুষ্টাব্দে বেলজিয়ামের অন্তর্গত ঘেণ্ট শহরে স্থাপিত হয়।

সংশোধনাগারের পর এল জেল-সংশোধনের চেষ্টা। এই সম্বন্ধে প্রথমেই নাম করতে হয় জন্ হাওয়ার্ডের। নিজে ইংলণ্ডের তৎকালীন প্রায় সমস্ত জেলই পরিদর্শন করে তিনি ১৭৭৭ সালে State prisons in England বলে যে বইখানি লিখেছিলেন তাতে তুমূল আলোড়নের স্থাষ্টি হয়। তখনকার জেল সম্বন্ধে তিনি এই মত প্রকাশ করেছিলেন যে, অল্পবয়স্ক পথভাষ্টদের বর্তুমান এবং ভবিশ্বৎ

একেবারে বিনষ্ট করে দেওয়াই ম্যাজিষ্ট্রেটদের যদি অভিপ্রায় হয়. তা হলে এই সব জেলে আটক রাখার চেয়ে কার্যকরী উপায় তাঁরা উদ্ভাবন করতে পাংবেন না ি কারণ এমন কোন পাপাচার নেই যা এই সব জেলে হয় না।—ভাঁর এই কঠোর মন্তব্যের পর জেল-সংশোধনের একটা সাডা পড়ে গেল এবং চারিদিকে কতকগুলি কারা-সংস্থার সমিতি (Prison Reform Societies) স্থাপিত হতে লাগল। স্বীকার করতেই হবে. এই সব সমিতির চেষ্টায় জেলের আভান্তরীণ বাবস্থার অনেক পরিবর্তন, অনেক উন্নতি সাধিত হয়েছিল। এমন কি কিছুদিন পরে একজন ত তুঃখ করেই লিখলেন—হায় রে! জেল আর সে জেল নেই: লোকে এখন জেলের ভয় আর করে না বরং অনেকে বাইরের কষ্টকর স্বাধীন জীবনের চেয়ে জেলের আরামের প্রাধীন জীবনই বেশী পছন্দ করে। একথা তিনি বলেছিলেন এক শ' বছরেরও আগে ১৮২১ সালে। আজ ১৯৪৯ সাল। জেল বা কারাদণ্ড সম্বন্ধে আজকে আর কি কিছু বলবার নেই-- সৰ কথাই কি বলা হয়ে গেছে--সৰ উন্নতিই কি করা শেষ হয়ে গেছে। তা মনে করা একেবারেই সমীচীন নয়া সমাজ গতিশীল। এক শ' বছরে সমাজের আচার-বাবহার এবং সামাজিক আদর্শেরও অনেক, পরিবর্তন হয়ে গ্রেছে। তথনকার দিনে কারাদণ্ডের উদ্দেশ্য সম্বন্ধে যা ধারণা ছিল, এখনও আছে কিনা সেটা ভাববার কথা। আর এখন যা উদ্দেশ্য আছে, সে উদ্দেশ্য কতথানি সফল

হচ্ছে, তারও বিচার করা দরকার। ঠিক আগেকার মত জেলের আভ্যন্তরীণ ব্যবস্থা, তা সে ব্যবস্থা যত ভালই হউক এখনকার আদর্শের সঙ্গে সামঞ্জস্থ বন্ধায় রাখতে পারছে কি না তা পরীক্ষা করা দরকার। যদি না পারে তা হলে আবাব সংস্কারের কথা ভাবতে হবে। এখন এই সব বিষয়ে একটু অনুসন্ধান করা যাক।

কারাদণ্ডের উদ্দেশ্য কি ? প্রধান উদ্দেশ্য আইনভঙ্গ যে করেছে, অপরাধ যে করেছে তাকে আটক রাখা। আটক রেখে কি লাভ হয় ? আটক রাখার পক্ষে যুক্তি হচ্ছে মোটামুটি তিনটি। প্রথম, তাকে আটকে রাখলে সে সমাজের অনিষ্টকর কাজ করতে অক্ষম হবে। তাতে সমাজের উপকার হবে। দ্বিতীয়, তার শাস্তি দেখে অন্য লোকে ঐ রকম অনিষ্টকর কাজ থেকে ভয় পেয়ে বিরত হবে এবং তৃতীয়, এই শাস্তি ভোগ করবার ফলে অপরাধীর মনের পরিবর্তন এবং ছাড়া পাবার পর অপরাধ করবার প্রাবৃত্তি তার আর থাকবে না।

প্রথম যুক্তিটি সহজেই মেনে নেওয়া যায়। বাস্তবিক যে সমাজের বাইরে একটা ছোট গঙীর মধ্যে আবদ্ধ হয়ে রইল সে আর সমাজের অনিষ্টকর কাজ কি করে করতে পারবে। কিন্তু এখানেও একটু ভাববার কথা আছে। এ রকম ঘটনা বেশী হয় ত ঘটে না কিন্তু তব্ও কয়েদী জেলের গার্ডকে কিয়া অন্ত কয়েদীকে মার-ধোর করল, এমন কি খুন পর্যস্ত করল—এ ধরণের ব্যাপারও মাঝে মাঝে হয়। তা ছাড়া পরস্পরের বিকৃত যৌনাচার অনেক সময়ই লক্ষিত হয়েছে। জেলের গার্ড যদি একটু সহায় হয় তা হলে আরও অনেক রকমের অপরাধ জেলের ভিতর বসে বসেও করা যায়। জেল থেকে পালানো যায়ই। একবার আমেরিকায় অনেক মেকি মুদ্রা বাজারে চলতে থাকে। পুলিসের অনুসন্ধানের ফলে জানা গেল যে, ঐ মেকি মুদ্রা সেখানকার এক জেলের ভেতর কয়েকজন কয়েদী মিলে তৈরী করে এবং জেলের গার্ডের সাহায্যে বাইরে চালায়। সমাজ জেলের গার্ডের উপর অনেকখানি দায়িত্ব দিয়ে রেখেছে। গার্ড যদি সে দায়িত্ব বহন করবার উপযোগী না হয়, তা হলে অপরাধীকে আটক রাখা সত্ত্বেও পারে।

দ্বিতীয় যুক্তিটির সার্থকতা প্রথমটির চেয়ে চের কম একথা বলতেই হবে। একজন একটা কাজ করে জেলে গেল দেখে আর একজন সেই কাজ থেকে বিরত হবে তা ধরে নেওয়া যায় না। চুরির অপরাধে জেলে ত অনেকেই যাচ্ছে—তাতে চুরি বন্ধ হচ্ছে কি? কোন ফলই যে ইয় না একথা অবশ্য বলছি না। কিন্তু যারা বিরত হয় তারা ঠিক আটক থাকবার ভয়েই বিরত হয় কিনা তা বলা যায় না। বিচার হবে, পাঁচ জনের সামনে অপরাধী বলে সাব্যস্ত হবে—কারাবাসের হুকুম হয়েছে বলে সবাই জানবে—এই সব মিলিয়ে মনের মধ্যে একটা

ভাব হয়, শুধু আটক থাকবার সম্ভাবনাটাই বিরতির কারণ নাও হতে পারে।

তৃতীয় যুক্তিটি সবচেয়ে তুর্বল। আটক থাকার ফলে অপরাধীর মনের পরিবর্তন হবে এবং বাইরে এসে সে আর অপরাধ করবে না--এটা একটা কল্পনামাত্র। বাস্তব ভিত্তি এর নেই। একটি রিফমে ট্রী থেকে ৫১০ জন পর পর ছাডা পায়। পাঁচ ছয় বছর বাদে দেখা গেল তাদের ৩১৬ জন আবার নানা রকম অপরাধে ধরা পড়েছে। শিকাগোতে ১৯২৫ থেকে ১৯৩০ সাল অবধি যে ৩০০ বালককে একটি বিশেষ স্কলে আবদ্ধ রাখা হয়েছিল, ১৯৩৩ সালে দেখা গেল তাদের মধ্যে ১৮৭ জন জেল খাটছে, তুই জনের খুনের অপরাধে ফাঁসি হয়ে গেছে, সাতচল্লিশ জন নিরুদ্দেশ ইত্যাদি: কেবলমাত্র আঠার জন সংপথে থেকে সহজ জীবন যাপন করছে! অপরাধ করার এবং অপরাধ থেকে বিরত হবার প্রবৃত্তি অনেকটা মানসিক এবং -পারিপার্শ্বিক অবস্থার ওপর নির্ভর করে বটে, কিন্তু শুধু আটক থাকায় অপরাধ করার প্রবৃত্তি কতটুকু কমে বা আদৌ কমে কিনা, তা নির্ণয় অনুসন্ধান-সাপেক্ষ।

শনেক কয়েদা কারাগার সম্বন্ধে তাদের অভিমত লিপিবদ্ধ করে গেছে। একজন বলছে—উন্নতির সত্যিকারের স্থাস্তরিক চেষ্টাকে কারাগার পদে পদে বাধা দেয় এবং উন্নতির সব পথই একেবারে বন্ধ করে দেয়। আর একজন বলছে, এগার বছর বয়সে আমাকে ছুষ্টু ছেলেদের একটা স্কুলে পাঠানো হয়। সেখান থেকে একজন বেশ ভাল পকেট-মার হয়ে আমি ফিরি। সতের বছর বয়সে আমায় রিফমে ট্রীতে পাঠানো হ'ল, সেখান থেকে একজন পাকা সিঁদেল চোর হয়ে বেরুলাম। তারপর জেলে গেলাম, সেখান থেকে চূড়াস্ত রকমের অপরাধী হয়ে বেরিয়ে এসেছি। সাধারণতঃ অপরাধীরা যে সব অপরাধ করে থাকে সে সবই আমি করেছি এবং অপরাধী হয়েই মরব এই আশাই করি।

এই ধরণের অনেক বিবৃতি সংগৃহীত আছে। মনে হতে পারে এগুলি একতরফা। আটক থাকার ফলে ভাল হয়েছে এ রকম মতও হয়ত আছে। এক্রেবারে নেই তা নয়। প্রথমতঃ ভার সংখ্যা থবই কম। দ্বিতীয়তঃ পরিবর্তন হয় কিনা মতের চেয়ে কাজের ভিতর দিয়েই তা বেশী প্রকাশ পায়। একবার ফারা জেলে গেছে তারা কি রকম হয়েছে তা অনুসন্ধান করে বেশীর ভাগ ক্ষেত্রেই খারাপ ফলই দেখা গেছে। জেল-কর্ত্পক্ষের অনেকের মতেই কয়েদীদের প্রতিকৃল মতেরই অনুরূপ। একজন বলেছেন, "Imprisonment as it exists to-day, is worst crime than any of these committed by its victims." মার একজন লিখেছেন, "If absolutely innocent individuals were put under prison conditions they would tend to develop anti-social conceptions of conduct."

এই আলোচিত মতামত থেকে এইটেই পরিষ্কার ভাবে বোঝা যাচ্ছে যে, কারাগারে মনের এবং চারত্রের পরিবর্তন বিশেষ হয় না, সংশোধন কোন রকম ত হয়ই না বরং খারাপ হয়। কিন্তু আমরা সকলেই চাই যে, জেল থেকে অপরাধী ভাল হয়েই ফিরবে। ভাল হবে বলেই ত তাকে জেলে পাঠানো, ফিরে এসে যদি সে আবার অনিষ্টকর কাজই করতে থাকে তা হলে সমাজ-সংরক্ষণ কি করে হবে ? এ পর্যন্ত মানসিক পরিবর্তনের কোন স্থবিধা কারাগার যদি না করে দিয়ে থাকতে পারে তা হলে কারাগার-ব্যবস্থার কোথায় ক্রটি গলদ আছে তা অনুসন্ধান করা আবশ্যুক এবং তার সংস্কার প্রয়োজন এবং সংশোধন দরকার।

এই সমস্থাই এখন কারা-সংস্কারকদের গবেষণার বিষয়। দেখা যাক, ভাঁরা কি ভাবে এই সমস্থার সমাধানে অগ্রসর হয়েছেন।

প্রথমেই অনুধাবন করবার কথা হচ্ছে এই যে, কারাগার-ব্যবস্থাটা এমনই একটা ব্যবস্থা যে তার সঙ্গে উন্নতির পথের কতকগুলি প্রতিবন্ধক সভঃই জড়িয়ে থাকে। কতকগুলি বাহ্যিক—যেমন ছোট অস্বাস্থ্যকব ঘর, হুর্গন্ধ, পোকামাকড়, অলসতা প্রভৃতি। এগুলির পরিবর্তন সহজেই করা যায়। কিন্তু কতকগুলির ভিত্তি আরও গভীর, সহজে বদলানো যায়না।

অনেক সময় উপঘুক্ত লোকের অভাবে জেলের কাজ স্থচারুরপে চালাবার ব্যবস্থা হয় না। আমরা আশা করছি যে জেল থেকে অপরাধী সংশোধিত হয়ে ফিরবে, কিন্তু সেই সংশোধনের ভার কার ওপর দিছি সেটা বিবেচনা করা উচিত নয় কি ? কারা-কর্পক্ষের অপরাধীদের মনের কার্যাবলী তাদের মানসিক গতির ধারা প্রভৃতি বিষয়ে যথেষ্ঠ জ্ঞান না থাকলে তাদের মনের পারবর্তন কি তাঁরা করাতে সমর্থ হবেন ? এই দায়িত্বপূর্ণ কাজে উপযুক্ত লোক যাতে নিযুক্ত হয় সকলের তা দেখা উচিত। তারপর শুধু জ্ঞানসম্পন্ন কর্ম চারী হলেই হবে না। অর্থ, জিনিসপত্র প্রভৃতি বিষয়ে তাঁর কাজের যথেষ্ঠ স্থবিধা ও স্থ্যোগ দিতে হবে। জনসাধারণের দৃষ্টি এদিকে আকৃষ্ট না হলে উন্নতির আশা স্পদ্রপরাহত।

জেলে কয়েদীদের নিয়ম মেনে চলতে হয়। এই নিয়মান্ত্র-বিত্তিত। একটা মস্ত ব্যাপার হয়ে পড়ে মাঝে মাঝে এবং এই নিয়ে গার্ড এবং কয়েদীদের মধ্যে গোলমালের স্পষ্ট প্রায়ই হয়। কোন কয়েদী হয়ত গার্ড্ডকে দেখে উঠে দাঁড়াল না বা সেলাম করল না, গার্ড মনে করলেন তাঁর মানের হানি হল, তিনি সাজা দিতে উত্তত হলেন, লাভের মধ্যে মনকষাক্ষি বেডেই চলল। এই বাইরের জিনিস ছাড়াও মনোবিত্যার দিক থেকে কয়েদীদের নিয়মান্ত্রবিত্তা সম্বন্ধে আলোচনা করবার বিষয় আছে।

ক্রমণীদের নিয়মান্থ্রবিতিতা মানে তাদের 'দৈনিক জীবনের সমস্ত খুটিনাটি' নিয়মের দ্বারা নিয়ন্ত্রণ করা। কখন উঠবে, কখন বসবে, কখন খাবে, কি খাবে, কি করবে, কি করবে না সমস্তই ওপরওয়ালার তুকুম এবং নির্দেশ অনুসারে নিয়ন্ত্রিত হয়। দেখা গেছে, এর ফল সাধারণতঃ ত্-রকমের হয়। কেউ কেউ কোন রকম প্রতিবাদ করে না। খুব সহজেই তারা তাদের পরিবেশের সঙ্গে খাপ খাইয়ে নেয়। সব নিয়ম পুদ্ধামুপুদ্ধারণে মেনে চলাই তাদের অভ্যাস হযে পড়ে। গার্ডদের কাজের তাতে খুব স্থ্বিধা হয়, কিন্তু এই ধবণের অনেক কয়েদীই তাদের সমস্ত মানসিক শক্তি একেবারে হারিয়ে ফেলে, কোনরকম কর্মপ্রেরণা বা উল্লম তাদের আব জাগর থাকে না। তারা কেবল জাগরস্থা দেখে, কল্পনার রাজের বিচরণ করে। এই বাস্তব জগৎ থেকে পালিয়ে কল্পনার রাজত্বে আশ্রয নেওয়া এবং এই বাস্তবতার থেকে দূরে সবে থাকাব অভ্যাস মনের উন্নতিব পক্ষে একটি বিশেষ অন্তরায়।

আর একদল কয়েদী কিছুতেই এই নিয়ম-কান্থনেব মধ্যে নিজেদের বেঁধে রাখতে পারে না, তারা সারাক্ষণই নিয়ম ভঙ্গ করছে এবং ফলে অনববত শাস্তি ভোগ করেছে। এতে তাদের মনে অপরিসীম একটা বিদ্বেষভাব সর্বক্ষণই জেগে থাকে এবং সকলের ওপর একটা বিজ্ঞাতীয় ঘুণাত উদ্রেক হয়।

স্থৃতরাং নিয়ম মান্ত্বক আর নাই মান্ত্বক মনেব দিকে ছয়েবই পরিণাম একই। সে পরিণাম হচ্ছে মানসিক বিকারগ্রস্ত হওয়া বা এক রকম পাগল হয়ে যাওয়া। মৌলিক গবেষণায় দেখা গেছে যে, কাবাবাসের মেয়াদের ওপর এই বিকার অনেকখানি নির্ভর করে। জেলে আসবার সময় যাদেব মন

স্বাভাবিকই ছিল এক মাস কারাবাসের পর তাদের মধ্যে যত জনের মানসিক বিকার হয়েছিল এক বছরের পর তার চল্লিশ গুণ লোক পাগল হয়েছিল।

এমন এ প্রশ্ন স্বভাবতঃই ওঠে, তা হলে কি নির্মান্থ্রবিত্তার এই কঠোরতা মন্দীভূত করা বা নিয়মান্থ্রবিতা একেবারেই তুলে দেওয়াই বাঞ্চনীয়। হাাঁ কি না বলে এর জবাব দেওয়া চলে না। হঠাৎ কোন একটা সিদ্ধান্তের বশীভূত হয়ে কিছু করে ফেলাও সমীসীন নয়। প্রথমে ভেবে দেখা উচিত নিয়মান্থ্র-বর্তিতার খারাপ ফল কি কারণে হয়, তার পর ধীরে ধীরে তার প্রতিকারের চেষ্টা করা উচিত।

নিয়মানুবভিতার খারাপ ফলের একটা প্রধান কারণ হচ্ছে এই যে, কয়েদীকে স্বাধীন চিন্তা করবার কোন রকম অবকাশ দেওয়া হয় না। জোর করে তাকে নিয়ম মানানো হয়। এর পেছনে এই তথ্য রয়েছে যে, নিয়ম মানা একবার তার অভ্যাস হয়ে গেলে জেলের বাইরে এসেও সে সামাজিক সব নিয়ম মেনে চলবে; কিন্তু এ সিদ্ধান্ত ভূল, এর কোন ভিত্তিই নেই। নিয়মানুবভিতার অভ্যাস করতে হলে যে স্বাধীন চিন্তা বর্জন করতেই হবে তার কোন প্রমানুবর্তী হতে পারেন না তা ত বলা যায় না। স্কৃতরাং সাধীন চিন্তা করবার স্থযোগ দিলে কয়েদীরা নিয়মানুবর্তী হবে না এটা ধরে নেওয়া আজকাল আর চলে না। কয়েদীদের প্রতি জেল-কম্চারীদের মনোভাব এবং ব্যবহারের ওপর কয়েদীদের মানসিক

পরিবর্তন ও উন্নতি অনেকখানি নির্ভর করে। তাঁরা যদি শুধু কর্তৃত্ব করব এই ভাবটা মন থেকে তাড়িয়ে দেন এবং তাঁরা যদি একটু দ্রদৃষ্টি ও সহায়ভূতিসম্পন্ন হন তা হলে কয়েদীদের সংশোধনের কাজ অনেকটা এগিয়ে যেতে পারে। একটা শক্ত প্রশ্ন কিন্তু এখানে থেকে যায়। কারাকর্তৃপক্ষের প্রধান কাজই হচ্ছে কয়েদীদের আটকে রাখা এবং অনেক কয়েদীর প্রধান চেষ্টাই হচ্ছে জেল থেকে পালানো। স্কৃতরাং এই হুই দলের মধ্যে মূলগত একটা বিদ্বেষের ভাব থাকেই; কিন্তু এটা ভবিন্তৃতে লাঘব করা যেতে পারবে বলে বিশ্বাস হয়।

সংশোধনের একটা মস্ত বড় অস্তরায় হচ্ছে কয়েদীদের পরস্পরের ভিতর যে এক-গোষ্ঠী-বোধ (group feeling বা Espirit de corps) স্থাই হয় তাই। কয়েদীদের ভাব, চিন্তা প্রভৃতি অস্ত কয়েদীদের মতামতের ওপর অনেকখানি নির্ভর করে। যে খুব বড় রকমের অসামাজিক কাজের ফলে জেলে এসেছে অস্ত কয়েদীরা তাকে সম্মানের চোখে দেখে। বাইরে যেমন ভাল কাজ করলে লোকের শ্রদ্ধাভক্তি আকর্ষণ করা যায়, জেলের ভিতর তেমনই যে যত বেশী খায়াপ কাজ করে সেত্তই অস্ত কয়েদীদের শ্রদ্ধা অর্জন করতে সমর্থ হয় এবং যে ভাল কাজ করে সে লুণার পাত্র হয়ে দাঁড়োয়। অপরাধের উপর ভিত্তি করেই কয়েদীদের পরস্পরের ভিতর মানসিক যোগাযোগ স্থাপিত হয়। এর ফলে যে মনোভাব গড়ে ওঠে সেটা অতিক্রম করা বড়ই কঠিন ব্যাপার।

এই সবের প্রতিকারকল্পে এখন একটা উপায়ের পরীক্ষা চলছে বলা যায়। সেটা হচ্ছে কয়েদীদের স্বায়ত্ত-শাসনের ব্যবস্থা করা ৷ অস্বোর্ণ এই ব্যবস্থা চালাবার একজন প্রধান উল্যোক্তা। আমেরিকার বিখ্যাত সিং-সিং জেলে তিনি এই ব্যবস্থার প্রবর্তন করেন। কয়েদীরা নিজেরাই পরস্পরের সঙ্গে পরামর্শ করে ঠিক করবে, কে কখন কি রকম ভাবে কোন্ কাজ করবে। তারা শুধু এক একটা নম্বর, যন্ত্রবিশেষ, তাদের কোন দায়িত্ব নেই এ ভাবটা চলে গিয়ে যখনই কয়েদীরা মনে করতে আরম্ভ করবে যে তারা প্রত্যেকেই, অন্ত সকলের – তাদের সঙ্গীদের—ভাল-মন্দের জন্ম খানিকটা দায়ী তখনই তাদের মনের পরিবর্তন হতে আরম্ভ হবে। এই ব্যবস্থা সব ক্ষেত্রে কাজে পরিণত করা যে খুব সহজ তা নয় কিন্তু মনেক জেলে ইতিমধ্যেই এই প্রথা চলছে এবং তাতে ভাল ফলই পাওয়া গেছে। আমাদের দেশেও এই পরীকা চালানো যায় না কি ?

পরিশেষে একটা কথা বলি। জেলগুলি শুধু আটক' রাথবার জায়গা না হয়ে বিজ্ঞানসম্মত উপায়ে পরীক্ষা ও পর্যবেক্ষণের কেন্দ্র হওয়া উচিত। তা হলে অনুসন্ধানের সুযোগ যথেষ্ট বৈড়ে যাবে। সমাজের পক্ষে সে ব্যবস্থা কল্যাণকরই হবে।



অপৱাধ কোথায় ?

অপরাধতত্ত্ব (Criminology) সম্বন্ধে আলোচনা করা এ প্রবন্ধের মুখ্য উদ্দেশ্য নয়। প্রত্যেক দেশেই কে অপরাধী. কে নয় তা বিচার করবার বহু আইন প্রবৃতিত আছে এবং অপরাধীর শান্তির ব্যবস্থা আছে। সব আইনগুলিই বা সব অরুরাধবিধিই যে নীতি বা মনস্তত্ত্বের হিসাবে সমীচীন ও যুক্তিসঙ্গত তা অবশ্য স্বীকার করা যায় না। তবে যতদিন বৈজ্ঞানিক গ্রেষণা এবং বিশ্লেষণের ফলে সেগুলির পরিবর্তন না হচ্ছে ততদিন সমাজে শৃঙ্গলা রক্ষার জন্ম সেগুলি মেনে নিতেই হবে। সৌভাগ্যের বিষয় এই যে কিছুদিন আগেও অপরাধ সম্বন্ধে আইনগুলি (Criminal Laws) অভ্রান্ত এবং চিরন্তন সত্যের ওপর প্রতিষ্ঠিত বলে যে ধারণা বদ্ধমূল 'ছিল, সে ধারণার ভিত্তি সম্প্রতি কিছু শিথিল হয়েছে। গত শতাব্দীতে কারাগারের আভ্যন্তরীণ ক্রিয়াকলাপ, শাস্তির বিধি, প্রণালী প্রভৃতি সম্পর্কে যে সংস্কারমূলক আলোডন আরম্ভ হয়েছিল তা আজ মনোজগতের নৃতন আবিষ্কারঞ্জির সহায়তা লাভ করে প্রবলতর হয়ে উঠেছে এবং তার গতির বেগও বৃদ্ধি পেয়েছে। ভরসা করা যায় শীঘই সমস্ত দেশেই কতকগুলি প্রচলিত ব্যবস্থার আমূল পরিবর্তন সম্ভব হবে।

যে ধরণের অপরাধের কথা সামাগুভাবে এখানে বলবার চেষ্টা করবো সে অপরাধের অপরাধী অল্পবিস্তর সকলেই। আপনি, আমি, থুড়োমশাই, ঘোষসাহেব, পুলিনদা, রাজেন্দ্র, স্বধীর, দিজেন প্রভৃতি কেউ বাদ যাবেন না। তবে লুম্বিনি কানন ও রাঁচীর হাসপাতালের শ্যার অধিকারীরা সম্ভবতঃ একটু বেশী অপরাধী। আপনাকে অপরাধী বলায় আপনি আপত্তি করতে পারেন কারণ আপনার কোন অপরাধ সম্বন্ধে আপনি সচেতন নন্। আমি অপরাধী অথচ আমার অপরাধ কি আমি কিছুই জানি না, এ কি করে সম্ভব হতে পারে ? এ প্রশ্ন স্বাভাবিক। এর উত্তরে প্রথমে সেই পুরাণো গল্লটি, বাল্যকালে পাঠ্যপুস্তকে যেটি পড়েছিলেন সেটি, আপনাদের স্মরণ করিয়ে দিই। পেছন দিককার ঝুড়িতে যে জিনিষগুলি ছিল, ভারী সেগুলি দেখতে পায়নি বলে সেগুলি যে ছিল না তা তো নয়। সেইরকম আপনার মনের মধ্যেও অনেক বস্তু আছে, অনেক ঘটনা ঘটে যাদের সম্বন্ধে আপনি সচেতন নন। কিন্তু তাই বলে সেগুলি নেই বাসে ঘটনাগুলি ঘটে না এ যক্তি ক্যায়সঙ্গত নয়। দ্বিতীয়ত আপনার অপরাধ সম্বন্ধে আপনি আদে কিছু জানেন না, এ কথা কি ঠিক ? অনেক সময় আপনার মনের আনাচে কানাচে কাজটি ভাল করিনি—এই রকম একটা ভাব অর্থাৎ একটি অপরাধীভাব ভেসে আসে না কি ? আপনি নানা রকম প্রক্রিয়ার সাহায্যে সে ভাবটি চাপা দেন। শেষ পর্যন্ত কাজটির কথা হয়তো ভুলে যান, শুধু একটি অস্বস্থি বা উদ্বেগ বা বিদ্বেষের ভাব

কোন একটি লোক, বস্তু বা কাজের সঙ্গে জড়িত থাকে। প্রত্যেক লোকের প্রতি আপনার মনোভাব, ব্যবহার বিভিন্ন রকমের হয়। এই ব্যবহার, মনোভাবের ধারা হঠাৎ একদিন নির্ণীত হয়[া]না। পারিপার্শ্বিক অবস্থা, অপর **লোকটি**র মানসিক গুণাবলী এবং তা প্রকাশের বৈশিষ্ট্য এবং আপনারও বিশিষ্ট মানসিক বৃত্তিনিচয় এবং তাদের প্রকাশভঙ্গী, এই সকলের ঘাত প্রতিঘাতে এবং সমন্বয়ে ক্রমশ আপনার সামাজিক ব্যবহারের একটি বিশিষ্ট ধারা গড়ে ওঠে। এদের মধ্যে কোন একটাকে আপনার ব্যবহারের সম্পূর্ণ কারণ বলে বর্ণনা করা যায় না স্থতরাং শাশুড়ী কেন একটি পুত্রবধুর "সাত্ত্থন মাপ" করেন এবং আর একটির ওপর "পান থেকে চুণ খস্লেই খড়গ (অথবা ঝাঁটা)-হস্তা হন, তার কারণ হিসাবে কেউ যদি শুধু পুত্রবধৃদের কর্মকুশলতা প্রভৃতির পার্থক্যের কথাই বলেন তা হলে তাঁর যুক্তি একদর্শিতা দোষে ছুষ্ট হবে। শাশুড়ীর দিকটাও দেখা প্রয়োজন। একটু ভেবে ,দেখুন না, হবিচরণের ওপর আপনার ততটা বিবেষভাব পোষণের কারণ কি শুধু হরিচরণের আপনার প্রতি ছ্র্ব্যবহার, না আপনার দিকেও কিছু আছে ?

আপনি অনেক ভেবেও আপনার ব্যবহারে কোন ক্রটির সন্ধান পেলেন না। স্কুতরাং আপনার কাছে আপনার-সিদ্ধান্ত অটল রইল যে হরিচরণের ব্যবহারই আপনার বিদ্বেষের একমাত্র কারণ। আমিও মেনে নিলুম যে আপনি যথাসম্ভব নিম্মভাবে আপনার কার্যাবলী বিশ্লেষণ করেছেন এবং তাতে দোষের কোন পরিচয় পান নি। পাঁচজনে কিন্তু বলেন হরিচরণকে যওটা খারাপ লোক আপনি বিবেচনা করেন আসলে তিনি ততটা খারাপ লোক নন এবং আপনার সঙ্গে এমন কিছু চুর্ব্যবহার তিনি কখন করেন নি। তাঁদের মতে আপনার এ বিদ্বেষ অহেতুক। একে মনোজগতের একটি রহস্তময় ব্যাপার বলেই তাঁরা মনে করেন। ব্যাপারটি রহস্তময় সন্দেহ নেই কিন্তু মনোবিভায় এই রহস্তের সমাধানের পথ দেখিয়ে দিয়েছে এবং এই সূত্রেই নিজ্ঞান অপরাধের (Unconscious guilt) কথা বলেছে।

আমাদের বাইরে প্রকাশিত বহু চিন্তাধারা, কার্য, প্রক্ষোভ (emotions), আচার, ব্যবহার প্রভৃতির পেছনে কতকগুলি প্রেরণা (drives, motives) থাকে, যাদের অন্তিছের সাক্ষাৎ পরিচয় আমরা কখনও পাই না। সেগুলি মনের নিজ্ঞান (unconscious) স্তরে আছে বলে মনোহিদ্রা বর্ণনা করেন। সাক্ষাৎ পরিচয় না থাকলেও বোন বস্তু যে থাকতে পারে এ তত্ত্বটি এই বিংশ শতাকীতে ঘটঃ করে প্রমাণ করতে যাবার কোন দরকার নাই। আপনার বন্ধুর বুদ্ধির অন্তিছ (বা এভাব) সহক্ষে আপনার কোন সন্দেহই নেই, যদিও এ বুদ্ধির প্রত্যক্ষ পরিচয় আপনার নেই। অর্থাৎ আপনি সে বুদ্ধি কখনও দেখেন নি, শোনেন নি, স্পর্শ, আত্রাণ বা আস্বাদ কিছুই করেন নি। বন্ধুর কার্যাবলী দেখে তাদের কারণ স্বরূপ বন্ধুর বুদ্ধির অন্তিছ অনুমান করেছেন, নয় কি?

সমাজ যে সব কাজ অপরাধ বলে বর্ণনা করে, সেই সব কাজ করবার বহু প্রেরণা অর্থাৎ অপরাধ করবার বহু ইচ্ছা আমাদের মনের নিজ্ঞান স্তরে থাকে। বাস্তবিক তাদের <u>নোজাম্বজি বিকাশের পথে বাধা দিয়েই সভাতা ও সমাজ</u> গড়ে উঠেছে। মনঃসমীক্ষণ (Psycho analysis) বিজ্ঞান-সম্মতভাবে এদের অস্তিত্ব এবং স্বরূপ সম্বন্ধে বিচার করবার অনেক আগে এদের ক্ষমতা সম্বন্ধে লোকের মনে কিছু কিছু ধারণা যে ছিল বিভিন্ন ধর্মের বিবিধ শান্তের বিধি নিষেধ তার প্রমাণ। পিতামাতাকে সম্মান করিও (Honour thy parents), প্রস্ত্রীর প্রতি আসক্ত হইও না (Thou shall not covet thy neighbour's wife) প্রভৃতি বাক্যের প্রয়োজন হত না যদি পি তামাতাকে শ্রন্ধা না করবার, পরস্ত্রীর প্রতি আগত্র হবার ইচ্ছা মানুষের মনে না থাকত। জন্ত জানোয়ারের সঙ্গে মানুষের যে একটি বাস্তব যোগ সম্পর্ক আছে, বিবর্তনবাদ (Theory of Evolution) তা দেখিয়ে দিয়েছে। স্বতরাং অনেক জান্তব প্রবৃত্তি উত্তরাধিকার সূত্রে মানুষ পেয়েছে। নিষ্ঠ্রতা, নিকট আত্মীয়দের সহিত সঙ্গম, এমন কি মাতৃগমন পর্যন্ত, প্রস্পরকে আক্রমণ, যুদ্ধ ইত্যাদি প্রবৃত্তি মানুষের মনে স্থান পেয়েছে। নবজাত শিশুরু এই সমস্ত প্রবৃত্তি শিক্ষার দ্বারা আমরা নিয়ন্ত্রণ করি। মুহজাত-প্রতাতির প্রবল আকর্ষণ ত্যাগ করে সভ্যতার নতুন নিয়ম মেনে নেবার আগে শিশুকে অনেক ঘল্ডের ভিতর দিয়ে যেতে হয়, অনেক স্তর অতিক্রম করতে হয়। সর্বাঙ্গ-স্থুন্দরভাবে এই

শ্রিকাদান কাজ সমাধান করা প্রকৃতিন ব্যাপার, কারণ ্রিক্তিগুলি সহজে অবদমিত হতে চায় না। শ্বযোগ পেলেই তারা আত্মপ্রকাশ করে। নিষ্ঠুরতাকে অপরাধ বলে ু বর্ণনা করি। হাতাহাতি, মারামারি, কাটাকাটি করে বেড়ান ্সমাজের অনুমোদিত কাজ নয়। কিন্তু ঐ প্রবৃত্তি সম্পূর্ণরূপে আমরা অতিক্রম করেছি কি? কোন গুরুস্থানীয় ব্যক্তিকে (যেমন অধ্যাপক মহাশয়কে) আক্রমণ করে কোন ঠাট্টা বিজ্ঞপ আপনি কি অসীম আনন্দের সঙ্গে উপভোগ করেন একবার মনে করুন না। এ আনন্দের মূল কোথায় ? আক্রমণ প্রবৃত্তির চরিতার্থতা এবং গুরুজনদের না মানার আদিম ইচ্ছার পরিতৃপ্তিই। এই আনন্দের মূল উৎস। হ্রিচরণের প্রতি বিদ্বেষ হয় ত এই অবদমিত নিষ্ঠুরতারই একটি বহিঃপ্রকাশ। ভবে এ বহিঃপ্রকাশ হরিচরণকে আশ্রয় করে কেন হল, প্রাণ-তোষের বিরূদ্ধে বিদ্বেষ কেনহয় নাতা অবশ্য সম্পূর্ণস্বতন্ত্র প্রশ্ন এবং তার উত্তর অনুসন্ধান সাপেক।

মনের নিজ্ঞান স্থারে অপরাধ করবার ইচ্ছা যেমন প্রবল, অপরাধ-ইচ্ছার জন্ম নিজেকে শাস্তি দেবার কৌশলও ভেমনি নানা প্রকার। অনেক আত্মহত্যার এই দিক দিয়ে ব্যাখ্যা দেওয়া যায়। আত্মহত্যাকারীদের জীবনের ঘটনাবলীর এবং মানসিক প্রতিক্রিয়ার সন্ধান যদি যথেষ্ঠ পরিমাণ কখনো পাওয়া যায় ত৷ হলে একথা বোধ হয় সপ্রমাণ হবে যে অপরাধ ইচ্ছার জন্ম নিজেকে চরম শাস্তি দেবার চেষ্টাতেই অনেকে আত্মহত্যাকরে। তারপর অনেক সময় দেখা যায় একজন পাকা

অপরাধী (Criminal) নিখুতভাবে সমস্ত অপরাধ-চিক্
মুছে দিলেও কোথায় এমন একটি চিক্ন রেখে যায় যাতে সৈ
সহজে ধরা পড়ে। সকল বিষয়ে অশেষ সতর্কতা অবলস্থ্ন
করবার বৃদ্ধি এবং চিন্তাশক্তি যার আছে, সে একটি সামান্ত
বিষয়ে এমন ভুল করে কেন ? করে, কারণ ধরা পড়তে এবং
শান্তি ভোগ করিতে সে চায়। পুনঃ পুনঃ অপরাধ করে যারা
ধরা পড়ে ও শান্তিভোগ করে (Recidivists) তাদের
সম্বন্ধে এই তত্ত্তিই সম্পূর্ণ যুক্তিসঙ্গত। অনেক সময় নিজের
অপরাধ-ইচ্ছা অক্সের উপর অভিক্ষেপ (project) করি এবং
তাকে শান্তি দিয়ে নিজের শান্তির প্রয়োজনীয়তা মিটাই।
সাদা দ্রীলোকের শ্লীলভাহানির অপরাধে কালো (Negro)
-দের lynch করবার অত উত্তেজনার মূলে এইরূপ একটি
ব্যাপার আছে। অসম্ভব বলে মনে হলেও একথা ঠিক যু
অনেক ছোট ছেলে ছণ্টামি করে শুধু শান্তি পাবার জন্মই।

নানা প্রকার মানসিক রোগের মূলে অন্যান্ত বৃত্তির সঙ্গে এই অপরাধী মনোভাব একটি বিশেষ স্থান অধিকার করে। ব্যাপকভাবে ধরলে রোগভোগই ত শান্তিভোগ। বিশ্লেষণ করে দেখলে অনেক রোগলক্ষণের একমাত্র উদ্দেশ্যই নিজেকে নিজে শান্তি দেওয়া। বিষাদবায়ু (Melancholia)রোগে এই মনোভাবের প্রকৃষ্ট পরিচয় পাওয়া যায়। অন্যান্ত বায়ু-রোগেও, যেখানে রোগী নানারূপ কৃচ্ছু সাধন করে, অপরাধী সমনোভাবের ইক্ষিত পাওয়া যায়। কিন্তু যায়া অপরাধী (Criminal) বা মানসিক রোগগ্রস্ত নন—সহজ সাধারণ মায়ুষ,

তাঁদের কার্যাবলী যে এই ভাব থেকে সম্পূর্ণ মুক্ত একথা মনে করলে ভুল হবে। সব ব্যাপারেই অধিক মাত্রায় উদ্বেগ, অস্থিরতা, অনবরত কথা বলে যাওয়া, ক্ষণকালের জন্মও নিঃসঙ্গ থাকার অপারকতা প্রভৃতির সঙ্গে এই মনোভাবের যোগ সহজেই অনুধাবন করা যায়। কিন্তু অনেক সময় বিচিত্র ধরণের ছদারূপের ভেতর দিয়ে অপরাধ ইচ্ছা বা শাস্তি পাবার প্রয়োজনীয়তা আত্মপ্রকাশ করে তখন হঠাৎ তাদের স্বরূপ ধরা যায় না। এই ছদারূপ সম্বন্ধে অনেক জ্ঞান এখনও আমাদের অর্জন করতে হবে। পদার্থ বিজ্ঞানের উন্নতি যেমন জভজগতের অনেক রহস্ত উদ্যাটন করবার সহায়তা করেছে. আশা করা যায় মনোবিজার ক্রমপরিণতি মনের এখনও অনেক এরকম অজ্ঞাত বাাপারের ওপর ক্রমশ আলোকপাত করবে এবং এই নবলর জ্ঞানের সাহায্যে আমরা আমাদের ব্যক্তিগত ও সামাজিক জীবন যাপনের পথ' আরও স্থগম এরং অধিকতর মনোরম করতে সমর্থ হব।



'শেয়ার' ব্যবসায়ী

বৈচিত্র্য যে এই বিশ্বজগতের একটি প্রাধান বৈশিষ্ট্য একথা মেনে নিতে সৃষ্টিতত্ত্ব সম্বন্ধে গভীর গবেষণা করবার কারও দরকার হয় না। জীবনের একটি দিনের অভিজ্ঞতার দিকে একটু মনোযোগ দিলেই কথাটির সত্যতা উপলব্ধি হয়। আকাশে কত রংয়ের খেলাই না আমরা দেখি. বাতাদে কত সুরের ঝঙ্কারট না শুনি! কত বিচিত্র রূপ রসের বিভিন্ন গন্ধ ও স্পর্শের, বিবিধ শব্দলহরীর মাধুর্য ও মহিমার কথা ঘুনের পর যুগ কবিরা গেয়েছেন, বৈজ্ঞানিকেরা ব্যাখ্যা করবার চেষ্টা করেছেন। সে বর্ণনার, সে ব্যাখ্যার শেষ আজও হয়নি। জীবজগতেও বৈচিত্যের অভাব নেই। ক্ষুদ্রতম প্রাণী থেকে আরম্ভ করে মান্ত্র্য •পর্যন্ত কত বিভিন্ন গঠনের, বিভিন্ন প্রকৃতির জীব জগতে বিচরণ করে কে ভার সংখ্যা সঠিক নির্ণয় করতে পারে। আবার জড় ও প্রাণীজগতের মত মনোজগতেও বৈষম্যের বিরল্ডা নেই। ঠিক একই ধরণের মানসিক-গঠন শশ্পর ছুইটি ব্যক্তি কোণাও মেলে না। বুদ্ধি বা প্রক্ষোভ (Emotion), কর্ম তৎপরতা প্রভৃতি বিবিধ বৃত্তি এবং দয়া-দাক্ষিণ্য, নিষ্ঠুরতা প্রভৃতি গুণাগুণ প্রত্যেকের মধ্যেই কিছু না কিছু আছে ধরে নেওয়া যায়। কিন্তু এই সমস্ত মিলে অবশেষে যে ব্যক্তিত্ব উৎপন্ন হয় তা প্রত্যেকেরই বিভিন্ন। তাই আমরা দেখি কেহ স্বভাবতই শাস্ত ধীর, কেহ সর্বদাই চঞ্চল-অন্থির, কেহ বা অভ্যাসের দাস, আবার অনভ্যাসই কারও অভ্যাস। কেহ প্রত্যেক পয়সাটি হিসাব করে খরচ করেন, কেহ অতিমাত্রায় বেহিসাবী অপব্যয়ী, কেহ স্বল্লভাষী প্রত্যেক কথাই যেন ওজন করে বলেন, আবার কেহ নিজের কণ্ঠস্বর শুনতে খুব ভালবাসেন তাই অনবরত কথাস্রোভও চালিয়ে যান। একটু চিন্তা করলেই আরও অনেক প্রকৃতির মানুষের কথা আপনাদের মনে আসবে। এই বিভিন্নতা শুধু পুরুষের মধ্যেই আবদ্ধ নয়, যুক্তপরিবারে যারা বাস করেন—বাড়ীর গৃহিণীদের বধুদের কাজকর্মের ধারা, পরস্পরের সঙ্গে ব্যবহার প্রভৃতি পর্যবেক্ষণ করবার চেষ্টা করলেই বহুপ্রকার বৈলক্ষণ্যের সন্ধান তাঁরা পাবেন।

এই বিভিন্ন ধরণের মনোভাবসম্পন্ন লোকেদের ভেতর এক শ্রেণীর লোক আছেন যাঁদের অস্বাভাবিক বলা নিশ্চয়ই যায় না, কিন্তু কোন কোন বিষয়ে বিশেষ করে অর্থ সংক্রান্ত ব্যাপারে, তাঁদের কার্যকলাপ স্বাভাবিক লোকের মতও ঠিক নয়। তাঁরা যেন নিশ্চতের চেয়ে 'অনিশ্চতে'র আকর্ষণটোই বেশীমাত্রায় অনুভব করেন, এবং উপভোগও করেন। তাই অবশ্রন্তাবী লাভের পথ ছেড়ে অনিশ্চিত হয় লাভ না হয় ক্ষতির পথে চলতে তাঁরা সব সময়েই বেশী পছন্দ করেন। একটি দৃষ্টান্ত দিলে কথাটা সহজে বুঝা যাবে। ধক্নন, কোন মধ্যবিত্ত গৃহস্থ যদি দৈবান্ত্রহে

এক হাজার টাকা অপ্রত্যাশিতভাবে পান তাহলে স্বতই তাঁর চেটা হবে টাকাটা এমনভাবে কোথাও গচ্ছিত রাখতে যাতে সেটা দ্বিরাপদে থাকে আর তিনি প্রতি বংসর বা প্রতি ছ'মাস অন্তর ডিভিডেণ্ড বা স্থদ হিসাবে নিয়মিত কিছ পেতে পারেন। কিন্তু যে শ্রেণীর লোকের কথা আমি বলছি তাঁদের কেট যদি এ টাকা পান তাহলে তিনি তৎক্ষণাৎ সোজা ফাটকা বাজারে অথবা শেয়ার মার্কেট ষ্টক একাচেঞ্জে গিয়ে কেনাবেচা আরম্ভ করে দেবেন। নিশ্চিত লাভের কথা, গুহে অর্থের অসচ্ছলভার কথা বা অক্স কোন কথাই তাঁর মনে উদয় হবে না। বন্ধু-বান্ধবের · স্থপরামর্শ, আত্মীয়-সজনের নিষেধ কিছুই তাঁকে বাধা দিতে পারবে না। হয়ত ঐ কেনাবেচায় তিনি প্রচুর অর্থ সংগ্রহ করতে সমর্থ হবেন। আবার সমস্ত টাকাটা সম্পূর্ণ লোকসান করে হয়ত বা আরও কিছু দেনা করেও তিনি ফিরতে পারেন। লোকসান হল বা ধার করতে হল বলৈ তিনি যে ঐ কাজ থেকে ভবিষ্যুতে বিরত হবেন তা মনে করবেন না। আবার হাজার টাকা পেলে ঐ পথেই তিনি যাবেন কারণ ঐ পথই তাঁর একমাত্র পথ, অন্থ পথের কোন আকর্ষণ তাঁর নেই। এখন বোধ হয় বুর্বতে পারছেন কোন প্রকৃতির লোকের কথা আমরা বলছি। এ ধংণের লোক নিশ্চয়ই আপনাদের অপরিচিত নন। আপনাদের আত্মীয়-স্বজন বন্ধু-বান্ধবের মধ্যে ধরে নেওয়া যায় একাধিক ব্যক্তি এই প্রকৃতির আছেন। কারণ এঁদের সংখ্যা

খুব কম নয়। এঁরা ব্যবদায় কমে অক্তার্য ঝুঁকি নেন ও হঠকারিতার সঙ্গে কাজ করেন। এই "গনিশ্চিতের পিয়াদীদের" ইংরাজী ভাষায় বলে, the speculators.

অভিধানে 'speculate' শব্দটির যে ছটি অর্থ দেওয়া আছে দে ছ'টিতেই এই অনিশ্চিতের ইঙ্গিত পাই। কোন একটি কার্যের কারণ কি, বা কোন কারণের কার্য কি হতে পারে, নিশ্চিতভাবে জানা না থাকায় সম্ভব কারণ ও কার্যসমূহ সম্বন্ধে কল্পনা করার নাম 'speculate' করা আর ব্যবসায় ক্ষেত্রে অনিশ্চিত অধিক লাভে বিক্রয় করবার আশায় ত্রবাদি ক্রেয় করা বা ধরে রাখাকেও speculate করা বলে, যিনি এরূপ কল্পনা বা ঐরপ কাজ করেন তিনি speculator—-এখন কথাটির মর্থ এবং ব্যক্তনী একটু বিশ্বভাবে আলোচনা করা যাক।

অনিশ্চিত সম্বন্ধে কল্পনা এবং দেই কল্পনা নিদিষ্ট পথে কাজে অগ্রসর হওয়া এই অর্থে যদি speculate কথাটি নেওয়া যায় ভাহলে বলতেই হয় যে মানুষমাত্রই speculator কারণ এই পৃথিবীতে সর্বজ্ঞ কে আছেন ? সমস্ত কারণের কার্য এবং কার্যের কারণ ভাত হওয়া মানুষের পক্ষে সম্ভব নয়। স্থাবাং কিছু পরিমাণ অজ্ঞাত, অনিশ্চিত ঘটনার উপর নির্ভর করে সকলকেই চলতে হয়। ভবিষ্যতে কল্লাভের আশায় যে কোন কাজই আমরা করি সে সবই speculation-প্রস্ত। কারণ ভবিষ্যত যে অতীতের মতই হবে এত অনাগত অজ্ঞাত বিষয় সম্বন্ধে একটি কল্পনা মাত্র। আমাদের

দৈনন্দিন ছোটবড় অভ্যস্ত অনভ্যস্ত সমস্ত কাজের মূলে এই speculation বিভাগান আছে। আজ প্যস্তি যা ঘটে এসেছে কালুও তা ঘটবে এ বিশ্বাস যদি না রাখি ভা হলে আমরা একপদও এগোতে পারি না। কালও সূর্য উঠবে, আহারে ক্ষুত্রিবৃত্তি, পানীয়ে তৃষ্ণার অবসান হবে, এ সব আমবা ধরেই নি, এ সম্বন্ধে কোন প্রশ্নতি আমবাদের মনে জাগেনা। স্কুত্রাং আমরা অনবর্তই speculation করছি।

আপনারা হয়ত বলবেন কণাটি ঠিক নয়। কল্পনা আর বৈজ্ঞানিক সভ্য এ ছ'য়ের মধ্যে যথেষ্ট প্রভেদ আছে। কাল স্যোদয় হবে, পানীয় তৃষ্ণা নিবারণ হবে, এ গুলো কল্পনা নয়— বৈজ্ঞানিক সভ্য। স্তুত্বাং ঐ গুলির উপর ভিত্তি করে কাজে এগোনো speculate করা নয়। আমরা উপস্থিত প্রশ্ন করব না বৈজ্ঞানিক সভ্য কাকে বলে। গুরু এখন যে principle of indetermini ল সহস্ধে খ্ব আলোচনা বৈজ্ঞানিক মহলে চলছে তার কথা আপনাদের একবার স্মরণ করতে বলব। এবিষয়ে অবাস্থ্য আলোচনা করবার এখানে আমাদের দরকারও নেই, কারণ আমরাও স্বীকার করি যে মান্ত্র্য মাত্রই স্পেকুলেটর (speculator) নয়। ভা সলে speculator বলতে একটি বিশেষ কোন শ্রেণীর লোক বোঝাত না।

অনিশ্চিত সম্বন্ধে কল্পনা মাত্রকেই speculation বলব না। কল্পনাটির বাস্তব হবার সম্ভাবনা কত পরিমাণ আছে তার বিচার করে তবে নির্ণয় করব কল্পনাটি speculation মাত্র—না যুক্তিযুক্ত চিন্তা বলতে মনোবিদরা যা বোঝেন তাই। সম্ভাবনার পরিমাণ নির্ণয় করবার পদ্ধতি অঙ্কশান্তের ব্যাপার. কোন একটি বিশেষ ঘটনা ঘটবার বা না ঘটনার সম্ভাবনা কভটুকু সম্ভাব্য গণিতের (statistics) বিবিধ সূত্র অমুসারে অঙ্ক ক্ষে বার করা যায়। যা হোক, আমরা সকলেই অঙ্কশান্ত্র-বিদ নই কিন্তু ভবিষ্যত সম্বন্ধে কল্পনা সকলেই করে থাকি এবং সেই কল্পনা অনুযায়ী কাজও করে যাই। সম্ভব অসম্ভবের একটা মানদণ্ড নিজেদের অজ্ঞাতসারেই আমরা ঠিক করে নেই। শতকরা পঞ্চাশবার—যে ঘটনা পূর্বে কোন একটি অবস্থায় ঘটেছে ভবিষ্যতে সেই অবস্থায় সেই ঘটনা ঘটবে কিনা সঠিক বলা যায় না, ঘটবার বা না ঘটবার সম্ভাবনা সমান সমান, কিন্তু যে ঘটনা শতকরা ৬০ বার ঘটেছে ভবিষ্যতে না ঘটবার অপেক্ষা তা ঘটবার সম্ভাবনাই খুব বেশী। সেই রকম শতকরা যত'বেশীবার পূর্বে কোন ঘটনা ঘটে ভবিষ্যতে তা ঘটবার সম্ভাবনা ততই বেশী হয়। সূর্য এ যাবৎ প্রত্যহই উঠেছে, স্থুতরাং কালও তার উঠবার ' সম্ভাবনা থুবই বেশী। এই খুব বেশী সম্ভাবনাকেই আমরা নিশ্চিত বলে ধরে নিই। বৈজ্ঞানিক সতা এই বেশী সম্ভাবনাই প্রকাশ করে। কারণ পুরোপুরি নিশ্চিত জ্ঞানলাভ, নিরপেক্ষ নিরস্কুশ সত্যের উপলদ্ধি মানুষের ক্ষমতার বাইরে।

আমাদের বক্তব্য এই যে পূর্বোক্ত হিসাব অনুসারে যে ঘটনা না ঘটবার সম্ভাবনাই বেশী সেই ঘটনা ঘটবে অথবা যা ঘটবার সম্ভাবনা বেশী তা ঘটবেনা—এরূপ আশা করে যিনি কাজে, বিশেষ করে অর্থসংক্রান্ত ব্যাপারে প্রশ্নন্ত হন তিনিই স্পেকুলেটর। স্পেকুলেটরদের সাক্ষাৎ তাই শেয়ার মার্কেট এবং তদমুরূপ স্থানেই বেশা পাওয়া যায়। স্পেকুলেটরদের নিজেদের যে কোন অঙ্কের হিসাব থাকেনা তা নয় তবে তাদের হিসাব সাধারণ লোকের সহজ হিসাব থেকে তফাৎ ইয়ে যায়। সাধারণে যা বিশ্বাস করে না তাঁরা তা করেন। বিশ্বাসের এই বিকৃতি কেন ঘটে ?

প্রথমেই বলা যায় তাঁদের প্রবল ইচ্ছাই অঘটন ঘটবে এই বিশ্বাদের মূল। Their wish is father to their thought. কিসের এই প্রবল ইচ্ছা ? আপাতদৃষ্টিতে মনে হয় এই ইচ্ছা অধিক অর্থ লাভের ইচ্ছা, কিন্তু অধিক অর্থ লাভ ত অন্ম উপায়েও হতে পারে। অর্থলোভই যদি স্পেকুলে-টরদের ব্যবসায়ের একমাত্র কারণ হয় তা হলে লোকসান হলে তাঁরা বিরত হনন। কেন? বিরত হতে হয়ত কখন কখনও বাধ্য হন কিন্তু তা বাইরের কোন কারণে, হয়ত .উপস্থিত হাতে টাকা নাই বলে, কিন্তু মন থেকে তাঁদের সে ভাব যায় না। উপরস্ক প্রভূত মর্থ অন্যভাবে পেলেও তাঁরা নিবৃত্ত হন না। তাঁদের ব্যবহারে আরও দেখা যায় যে প্রথমে তাঁরা নিজেরা কিছু অর্থ ব্যয় করতে চান এবং বিনিময়ে প্রচুর অর্থ পেতে চান। মনোবিভার দিক থেকে দেখলৈ কিন্তু অর্থনাভটাই মুখ্য উদ্দেশ্য বলা যায় না, কারণ অর্থনাশও যে হতে পারে এবং হয়ও তা তাঁরা বিলক্ষণ বোঝেন। তাহলে এই সিদ্ধান্তই করতে হয় যে, এই পাওয়া না পাওয়ার

অনিশ্চিয়তা হেতু আশা উদ্বেগ মিশ্রিত মনের যে একটি চাঞ্চল্যকর উত্তেজনাময় অবস্থার সৃষ্টি হয়, সেই অবস্থাটাই তাঁদের কাম্য। তাঁরা নিজেরা একথা নিশ্চয়ই স্বীকার করবেন না এবং আপ্রারাও হয়ত স্বীকার করতে দ্বিধা বোধ করছেন। মনে করছেন ইচ্ছা করে কে আবোর মনে উদ্বেগের সৃষ্টি করতে চায় ? এখানে মনোজগভের একটি তথ্যের কথা আপনাদের স্মরণ করতে অনুরোধ করি। আমাদের সব কাজই আমাদের জ্ঞাত ইচ্ছারুসারে হয় না, অনেক কাজের উৎশই নিজ্ঞানস্থিত ইচ্ছা (Unconscious wish । নিজানস্থিত ইচ্ছাই স্পেকুলেটরদের ঐ অবস্থায় আসতে বাধ্য করে। মনঃসমীক্ষণ (Psycho-analysis) বলে স্পেকুলেটরদের নিকট অর্থ শুধু অর্থ নয় অক্স জিনিসের প্রতীক, থেমন কুপণদেরও। মৃত্যুকাল পর্যন্ত কুপণতা করে এক ব্যক্তি অর্থ সঞ্চয় করেই গেল, কোনদিন অর্থের ব্যবহার দারা স্থভোগ সে করলে না। তার এই সঞ্চয়ের কোন সঙ্গত কারণ খুজে পাওয়া যায় না যদি না অর্থকে তার নির্জ্ঞানস্থিত কোন জিনিসের প্রতীক হিসাবে দেখি। স্পেকুলেটদেরও তদ্রপ। অর্থ ব্যয় করার বিনিময়ে অর্থ পাওয়া প্রভৃতি স্পেকুলেশন সংক্রান্ত সব কাজই নিজ্ঞানস্থিত ইচ্ছার সহিত ঘানগ্রভাবে বিজাড়ত। সম্পূর্ণ ব্যাখ্যা করতে হলে তাই নিজ্ঞানন্তরে পৌছান প্রয়োজন হয়।

নিজ্জানের দিক থেকে দেখতে গেলে স্পেকুলেটরের অর্থ পাবার ইচ্ছা যেমন আছে, অর্থ নষ্ট করবার ইচ্ছাও তেমনি আছে। এজন্মই তিনি এমন কাজ বেছে নেন যাতে অর্থনাশের সন্তাবনাই অধিক অথচ যাতে মনকে প্রবোধ দিতে পারা যায় যে এই কাজে অধিক অর্থ লাভ হবে। ঝুকিযুক্ত কারবারে এই অর্থলাভ এবং অর্থ নষ্ট করা উভয় ইচ্ছাই তৃপ্ত হয়। স্পেকুলেটর যেন বাধ্য হয়েই তাই ক্ষতিকর কাজ নামেন।

গভীর মনোবিশ্লেষণে দেখা যায় যে অর্থলাভ ও অর্থ-নাশের ইচ্চাদ্বয়ের প্রকৃত স্বরূপ যথাক্রমে অর্থ পাওয়া বা আদায় করা এবং অর্থ দেওয়া বা ঠকা। মনোবিদ দেখেছেন যে অর্থ পাওয়ার পশ্চাতে স্ত্রীস্থলভ সন্তান পাওয়ার ইচ্ছা বর্তমান। অর্থ আদায়ের পশ্চাতে সন্তানের জন্ম দিয়া তাহার পিতা হবার পুরুষস্থলভ ইচ্ছা বর্তমান। এশেত্রে অর্থ সন্তানের প্রতীক। অর্থদান পুরুষস্থলভ ইচ্ছা এবং ঠকবার ইচ্ছার পশ্চাতে স্ত্রীভাব বা passive homosexuality বা ভোগীবৃত্ত সমকামিতা বত্মান। অর্থ যেমন সন্তানের প্রতীক সেইরূপ অর্থ বীর্যেরও প্রতীক। শিশুমনে আবার অর্থ মলের প্রতীক। নরনারী নিবিশেষে প্রত্যেকের ভেতরই অল্পবিস্তর ন্ত্রীস্থলভ ও পুরুষস্থলভ উভয় প্রকৃতিই বর্তুমান। আবার পরিণত বয়স্ক ব্যক্তিরও নির্জানমনে শিশুসুলভ মলীপ্রীতি দেখা যায়। এসব কথায় হঠাৎ হয়ত কারুর বিশ্বাস ইবে না, কিন্তু মনঃসমীক্ষণ দারা বহুকেত্রেই এর যাথার্থ্য প্রতিপন্ন হয়েছে. বিশেষ বিশেষ কারণে এবং শৈশবের বিশেষ বিশেষ পরিগমে পুরুষপ্রকৃতি, স্ত্রীপ্রকৃতি, সমকামিতা প্রভৃতি যৌন

লক্ষণের স্বাভাবিক পরিণতির ব্যাঘাত ঘটে আর তথনই নানাপ্রকার মানসিক বিকারের বীজ রোপিত হয়। পরবর্তীকালে
এই বীজ নানাভাবে পরিণতি লাভ করে। কথনও এই কারণে
মানসিক রোগ উৎপন্ন হয়, কখনও বা ব্যক্তিছের অস্বাভাবিক
বিকৃতি ঘটে। কেহ বা কুপণ হয়, কাহারও বা স্পেকুলেটর
হবার আগ্রহ জন্মায়। স্পেকুলেটরের মনোর্ত্তির উৎপত্তি
ব্যাপার আদৌ সরল নয়। এই প্রবন্ধে এ ব্যাপারের ত্ব
একটি মূল স্ত্র বোঝাবার চেষ্টা করা হয়েছে।



বিজ্ঞাপন ও মনোবিদ্যা

ঐতিহাসিকরা পৃথিবীর নানারকম যুগের কথা বলেছেন, যেমন বরফের যুগ, পাথরের যুগ, লোহার যুগ ইত্যাদি। মানসিক পরিণতির দিক থেকে বিচার করে একজন ফরাসী দার্শনিক এক সময়ে বলেছিলেন যে আমরা হু'টি যুগ পার হয়ে এখন তৃতীয় যুগে পৌছেছি। প্রথম ছিল অযুক্তির যুগ, তখন মানুষের যুক্তির সাহায্যে বিচার করবার ক্ষমতা জাগেনি, কার্য কারণ সম্বন্ধে জ্ঞান হয়নি। তারপর এসেছিল ভগবান বিশ্বাদের যুগ। কার্যের যে কারণ আছে সে জ্ঞান জন্মেছে কিন্তু সকলে বিশ্বাস করত যে সব কার্যের কার্ণই এক অদৃশ্য অলোকিক গুণসম্পন্ন সর্বশক্তিমান ভগবান। সে অবস্থাও পেরিয়ে তাঁর মতে এখন আমরা এসেছি বিজ্ঞানের যুগে। •এখন আমরা আমাদের আধি ব্যাধির, হুঃখ দারিজ্যের একমাত্র কারণ ভগবান মনে করে নিয়ে নিশ্চিন্ত হয়ে বসে থাকি না। শরীরের ভিতর ব্যাধির কারণ খুঁজি, দারিজ্যের কারণ নির্ণয়ের জন্ম অর্থ এবং তাহার বন্টন সম্বন্ধে গবেষণা করি। বিজ্ঞান-সম্মত উপায়ে হুঃখ কষ্ট দূর করবার এবং সুখ স্বাচ্ছন্দ্য বাড়াবার চেষ্টা করি। ভগবৎ বিশ্বাসের কোন প্রয়োজন অন্তুভব করি না। ফরাসী দার্শনিকের সব ব্যাখ্যা এবং ভগবান ও বিজ্ঞান সম্বন্ধে তাঁর সব ধারণা মেনে না নিলেও এটা অস্বীকার করা

যায় না যে বর্তমান যুগকে এক কথায় বর্ণনা করতে গেলে বিজ্ঞানের যুগ কথাটাই সবচেয়ে বেশী উপযোগী। একটু ভেবে দেখলে সকলেই খুব সহজেই উপলব্ধি করতে পারবেন পৃথিবীর বড় বড় ঘটনা থেকে আরম্ভ করে আমাদের দৈনন্দিন জীবনের সামান্ত কাজকম পর্যন্ত বিজ্ঞানের দ্বারা কতখানি নিয়ন্ত্রিত হচ্ছে, কতখানি আমরা বিজ্ঞানের উপর নির্ভর করছি। আমরা কলের জল খাই, ট্রামে-বাসে কোনও গতিকে একটা পা ঠেকিয়ে ঝুলতে ঝুলতে কম'স্থলে পৌছই, বসস্থ রোগের হাত থেকে বাঁচবার জন্ম টীকা নি—খবরের কাগজ পড়ে দেশ বিদেশের থবর সংগ্রহ করি, বড বড় জাহাজে করে আমেরিকা অক্টেলিয়া থেকে আমাদের আহার্য আমদানী হয়, বোম্বাই, আমেদাবাদ প্রভৃতি দেশের কারখানা থেকে আমাদের পরবার কাপড় তৈরী হয়ে আসে। এই রকম আরও অনেক দৃষ্টাস্ত আপনারা মনে করে নিতে পারবেন। বিজ্ঞান নিশ্চিত মৃত্যুর কবল থেকে রোগীকে ফিরিয়ে আনছে, আবার এক মুহুতে সহস্র সহস্র লোককে একসঙ্গে ধ্বংস করবার জন্ম আণবিক বোমাও তৈরী করছে। এ সব বিবেচনা করে দেখলে কে আর অস্বীকার করবেন যে আমরা বিজ্ঞানের যুগে বাস করছি।

এতক্ষণ যে দৃষ্টান্তগুলির কথা বললুম সেগুলিকে আমাদের বিজ্ঞানের ওপর নির্ভরতার স্থুল পরিচয় বলা যেতে পারে। কিন্তু বিজ্ঞান যে কত স্কল্পভাবে আমাদের মনের ওপর কাজ করে তা আমরা অনেক সময়েই বৃঝতে পারি না। এর একটা বিশেষ নিদর্শন হচ্ছে 'বিজ্ঞাপন'। আপনি যখন একটা

ইতস্ততঃ করে কোনও একটি বিশেষ দাঁতের মাজন কেনেন তখন জানতে পারেন কি যে আপনাকে এটি কেনাবার মূলে মনোবিজ্ঞানের অনেকথানি কাজ আছে: বাডীর মেয়েদের জন্ম গন্ধ তেল কিনতে হলে আপনি হিমকল্যাণ বা কোকোলার কথা মনে করেন না কি ? মনে যেন ফুডি নেই, শরীরে বল নেই, যন্ত্রচালিতের মত কাজ করে যাচ্ছেন—এই রকম ভাব হচ্ছে কি ?—তাহলে Kruschen Salt একমাত্র ব্যবস্থা। আপনি জানেন না আপনি কি হারাচ্ছেন যদি না আপনি—ও আর বলার দরকার নেই--- আপনাদের সকলেরই মনে পড়েছে। এ সব যদি আপনাদের না মনে পড়ে থাকে তাহলে খবরের কাগজে রাস্তায় ঘাটে রেলস্টেশনে এই জিনিস-গুলির সম্বন্ধে যাঁরা বিজ্ঞাপন দিয়েছেন তাঁদের উদ্দেশ্য সফল হয় নি। একথা কেন বললুম ? বললুম এই জয়ে যে বিজ্ঞাপন দেওয়ার একটা উদ্দেশ্য নিশ্চয়ই বিজ্ঞাপিত জিনিসের কথা আপনার দরকারের সময় মনে করিয়ে দেওয়া। এ ছাঁড়া অবশ্য বিজ্ঞাপনের অন্য উদ্দেশ্যও আছে। সেগুলি কি এবং কি ভাবে সাধিত হয় ?

আপনি একটি নতুন সাবান কিস্তা তেল তৈরী করছেন। লোকে তেল, সাবান কিনে থাকে। আপনি চান লোকে আপনার তেলটিই কিন্তুক। তাহলে লোকদের আপনাকে জানাতে হবে যে আপনি তেল তৈরী করেছেন। এমন করে জানাতে হবে, যাতে তেল কেনবার সময় তারা আপনার তেলের কথা মনে করে। আবার যদি এমন করে জানান

যাতে যারা সচরাচর গন্ধ তেল কেনেনা তাদের মনেও কেনবার একটা ইচ্ছা জাগিয়ে তোলেন তাহলে আপনার আরও বেশী বিক্রী হবে, আপনার লাভ আরও বেশী হবে। আরও দেখুন, কেনবার সময় লোকের মনে দ্বিধার উদয় হয়, এটা কিনি কি ওটা কিনি। এমন ভাবে আপনার তেলের কথা জানাবেন যাতে এ সমস্থার সমাধান আপনার স্বপক্ষে হয়। পয়সাটা খরচ করা উচিত কিনা কেনবার সময় ক্রেতার মনে যে সমস্থা জাগে তাও অতিক্রম করাতে হবে। এমন করতে হবে যাতে সে আপনার তেল, সাবান কেনেই। এখন এ সমস্তই হল বিজ্ঞাপনের কাজ। বিজ্ঞাপনের উদ্দেশ্যই হল আপনার মনে কেনবার ইচ্ছা জাগিয়ে তোলা, বিজ্ঞাপিত জিনিসের কথা মনে করিয়ে দেওয়া এবং সমস্ত দ্বন্ধ অতিক্রম করে জিনিসটি কেনান।

আরও দেখুন এই 'মনে করা' 'ইচ্ছে জাগান', ছন্দের
মীমাংসা এসবই মানসিক ব্যাপার। মনোবিতা এই সমস্ত
ব্যাপার সম্বন্ধে বিজ্ঞানসম্মত উপায়ে আলোচনা করে।
তাই বিজ্ঞাপনের সঙ্গে মনোবিতার সম্বন্ধ খুবই ঘনিষ্ঠ।
বলা যেতে পারে মনোবিতাই বিজ্ঞাপনের ভিত্তি। কারণ
মনোবিতা মনের গতি ও তার কার্যের ধারা প্রভৃতি
সম্বন্ধে যে সব তথ্য আমাদের জানিয়েছে সেগুলি কাজে
লাগাতে না পারলে বিজ্ঞাপন কার্যকরী হয় না।

বিজ্ঞাপন অনেক রকমে দেওয়া যায়। খবরের কাগজের সাহায্যে, মাসিক পত্রিকায়, রাস্তায় ছাপা কাগজ মেরে,

ভাকে. সিনেমায়, পাশ্চাত্য দেশে রেডিওর সাহায্যেও দেওয়া হয়। ছাপার সাহায্যে বিজ্ঞাপনের কথা বলি। খবরের কাগজ অনেক লোকে পড়ে। স্থতরাং খবরের কাগজে বিজ্ঞীপন দিলে আপনার তেলের কথা অনেক লোকে একসঙ্গে জানতে পারে। কিন্তু এমনভাবে তা ছাপাতে হবে যাতে পাঠকদের মনোযোগ আপনার তেলের কথার দিকে আকৃষ্ট হয়। এইখানে বিজ্ঞাপনের সঙ্গে মনোবিতার প্রথম যোগাযোগ। লোকের মন কিসে আকুষ্ট হয় ? একটি উপায়, যেটা খবরের কাগজ প্রভৃতিতে थुव कार्यकती (मिछ। रहा भूनः भूनः এक कथा वला। প্রত্যহই এক কথা খবরের কাগজের এক জায়গায় দেখলে লোকের মন সৈ দিকে যাবে এটা বলা যায়। Insure it with Gillanders, Born 1820, still going strong প্রভৃতি আপনারা প্রায় রোজই দেখেন। রোজ দেখতে দেখতে মনোযোগ ত যায়ই উপরস্ক যে সব গুণের কথা আছে সেগুলো সতি। বলৈ খানিকটা বিশ্বাসও এসে যায়। একটা মিথ্যা কথা বার বার বলতে থাকলে অনেক লোকের মনে ধারণা জন্মান যায় যে কথাটা সত্যি। রাজনীতি ক্ষেত্রে এ ব্যবস্থা খুবই চলে তাত জানেন। তারপর বিজ্ঞাপনের ভাষার দিকে দৃষ্টি দিতে হবে। অনেকের ধারণা বিজ্ঞাপনের ভাষা রচনা করা কিছুই শক্ত কাজ নয়। যাদের একটু লেখার অভ্যাস আছে তারা অনায়াসেই পারে। এ ধারণা কিন্তু ঠিক নয় একেবারেই। উপযুক্ত

ভাষা রচনা করা একটা শিল্প বিশেষ, 'art'। 'শুক্ষ কার্চ্চং তিষ্ঠত্যগ্রে' আর 'নীরস তরুবর পুরত ভাগে' ছটোর মানে একই কিন্তু ভাষা হিসাবে ছইয়ের মধ্যে আকাশ পাতাল তফাং। ভাষার সঙ্গে কোনও একটি উপযুক্ত ছবি থাকলে মনোযোগ বেশী আকৃষ্ঠ হয় কি না তাও বিবেচনা করার কথা। ছবি যদি থাকে রং কি রকম হবে। সাধারণত লোকে কোন রং এবং রংয়ের সমাবেশ পছন্দ করে আর পছন্দ করে না তা জানা দরকার। বড একটা ছবি আর অল্প একটু বিজ্ঞাপন কিংবা অর্ধেক ছবি অর্ধেক বিজ্ঞাপন, কিম্বা ছোট ছবি বেশী লেখা--কোন্টা বিশেষ কার্যকরী ? ছবি সম্বন্ধে কোন একটা সাধারণ নিয়ম বলা যায় না। বিজ্ঞাপিত জিনিসের ওপর সেটা অনেকটা নির্ভর করে। ভাষা ছাড়াও ছাপার হরপ, লাইন প্রভৃতি সব বিষয়েই দৃষ্টি দিতে হয়। এই সর বিষয়ে মনোবিতা আজকাল অনেক গবেষণা করছে। একটা স্থায়ী আর একটা চল্তি জিনিসের ভেতর চলতি জিনিসটাই মনোযোগ আকর্ষণ করে বেশী। Esplanade-এর মোডে এবং অন্ম জায়গাতেও চলম্ব আলোর সাহায্যে Rasoi, Hamam, Lipton's Tea প্রভৃতি নানাম্মপ বিজ্ঞাপনের কথা আপনাদের মনে আছে নিশ্চয়ই। খবরের কাগজে ঠিক এই জিনিস সম্ভব না হলেও ভাষার ভেতর দিয়ে গতির ইঙ্গিত করা যায়।

কিন্তু মনোযোগ আকর্ষণ করাই ত বিজ্ঞাপনের একমা্ত্র কাজ নয়। মনোযোগ দিয়ে কোন জিনিস দেখলে বা

কোন কথা শুনলে মনে থাকবে এটাও ধরে নেওয়া যায়। বিজ্ঞাপনের বড কথা হচ্ছে কেনবার ইচ্ছে জাগান। এমন ভাবে জাগাতে হবে যাতে সংজ্ঞানে কেনবার প্রতিবন্ধক যে সব যুক্তির সচরাচর উদয় হয় তাদের অতিক্রম করা যায়। তা করতে হলে বিশেষ করে প্রথমত জানা চাই কি ধরণের আপত্তির কথা মনে উঠতে পারে। সেইগুলো বেশ করে ভেবে নিয়ে বিজ্ঞাপনের ভেতর এমন ইঙ্গিত দিতে হবে যাতে সে আপত্তিগুলোর গুরুত্ব নিজের কাছেই কমে যায়। এইখানেই বিজ্ঞাপনের বাহাতুরী। কারুর কারুর বিশ্বাস জোর গলায় চেঁচিয়ে আমার তেল সব তেলের চেয়ে ভাল. আপনাকে কিনতেই হবে বলে স্বাইকে কেনান যায়। একথা অবশ্য ঠিক যে যুদ্ধে ভারী ভারী গোলাগুলির সাহায্যে অনেক সময়ে শত্রুপক্ষের সব বাধা ধ্বংস করে অগ্রসর হওয়া যায়, কিন্তু তাই বলে সেইটেই যে একমাত্র পন্থা বা সব সময়েই ভাল পন্থা একথা °কেউই মানে না। জোর করে আপনি হয়ত কাউকে আপনার তেল কেনালেন. কিন্তু যথনই তার মনে হবে যে আপনি তাকে কিনতে বাধ্য করেছেন তখনই তার মনে আপনার ওপর একটা বিরক্তির ভাব জাগবে। 'তখন তার তেল কেনার আনন্দের পরিবতে একটা আশঙ্কাই জড়িয়ে থাকবে। তাতে আপনার ভবিষ্যতে তেল বিক্রীর কি স্পবিধে হবে ? যদি আপনি বলেন যে আপনার তৈরী ক্রীম কিম্বা পাউডার মাখলে আপনি সুন্দরী হবেন—তাতে খুব বেশী ফল

আশা করা যায় না। কারণ শতকরা ৯০ জন দ্রীলোকই মনে মনে জানেন যে তাঁরা স্থলরী নন, আপনি জোর করে তাদের মুখের ওপর সেই লুকানো কথাটাই ব্যক্ত করে তাঁদের শুনিয়ে দিচ্ছেন, এই ভাবেই তাঁরা আপনার বিজ্ঞাপনটা গ্রহণ করবেন, ফলে একটা বিদ্বেষই জন্মাবে। এ ক্ষেত্রে বরং সৌন্দর্য কথাটা একেবারে বাদ দেওয়াটাই ভাল। বলুন আপনার আকর্ষণ শক্তি বাড়বে, আপনার মাধুর্যে লোকে অভিভূত হবে ইত্যাদি। এই রকম ভাষা ব্যবহার করলে এমন কোনও ভাবের উদয় হবে না যা সংজ্ঞানে বাধা পেতে পারে। বরং এতে কেনবার ইচ্ছেটা আর একটু প্রবলই হবে।

এইখানে আমাদের নির্জ্ঞান মনের কথা কিছু বলতে হয়। নির্জ্ঞানস্তরের ইচ্ছা সংজ্ঞানস্তরের ইচ্ছার চেয়ে যে ঢের বেশী শক্তিশালী একথা আমরা জেনেছি। মনের নির্জ্ঞানস্তরে আমাদের প্রত্যেকেরই যে অনেক রকম ইচ্ছা থাকে তা এখন আর আপনাদের কারুরই অবিদিত নেই। বাল্যকালের অভিজ্ঞতার ফলে এফ একটা জিনিসের সঙ্গে বিশেষ বিশেষ চিন্তা ভাব এমন ভাবে জড়িয়ে যায় যে সারা জীবনেও তা আর বিচ্ছিন্ন হয় না। কোন জিনিসের সঙ্গে আনন্দের ভাব, কোনটার সঙ্গে নিরানন্দ, ভয় যুক্ত হয়ে থাকে। বিজ্ঞাপনে যদি আমরা সেই নির্জ্ঞান মনে ঘা দিতে পারি এবং সেই আদিম আনন্দকে জাগাতে পারি তাহলেই বিজ্ঞাপন সবচেয়ে বেশী কার্যকরী হয়। অবশ্য

প্রত্যেক লোকেরই নিজ্ঞান মনের ইচ্ছা এক রকম নয়
বা আনন্দ, আশঙ্কা একই জিনিসে যুক্ত হয় না তবে
কতগুলি ইচ্ছা সকলেরই যে একরকম আছে তা সহজেই
প্রতীয়মান হয়। স্থৃতরাং কতকগুলি নিয়ম কানুন এবং
কৌশল সব বিজ্ঞাপনেই প্রয়োগ করা যায়।

একটা ভাল সাবান কিছুতেই বাজারে চল্ল না। একজন মনোবিদ্ পরীক্ষা করে দেখলেন যে ঐ সাবানটির নামের সঙ্গে কতকলোকের মনে একটা ঘ্ণ্যু পোকার নাম জড়িয়ে আছে। কয়েকজন স্ত্রীলোক সাবানটির নাম শুনলেই তাঁদের একটা disinfectant-এর কথা মনে পড়ে; আরও জনকতক স্ত্রীলোক বলুলেন সাবানটার বিজ্ঞাপন দেখলেই তাঁদের কোঁকড়ান অমস্থা চামড়ার ছবি চোখের সামনে ভেসে ওঠে। তেমনি একটি pianoর সঙ্গে দেখা গেল শতকরা ৭০ জন লোকের মনে শব্যাত্রা-প্রভৃতির চিন্তা যুক্ত হয়ে আছে। এখন বোধ হয় বুঝতে পারবেন কেন ঐ সাবান বা পিয়ানো বাজারে তেমন চলেনি।

মনোবিতার দিক থেকে বিজ্ঞাপন সম্বন্ধে খুব সাধারণ ভাবে কতগুলি কথা বলা যায়। অস্তত ৩ মাস থেকে ৬ মাস পর্যস্ত বিজ্ঞাপন চালান উচিত। একবার বিজ্ঞাপন দিয়ে অনুনকদিন যদি আর না দেওয়া হয় তাতে কাজ বিশেষ হয় না। আপনি যদি একদিন আমাকে বলেন যে 'ক' লোকটি বড় ভাল লোক আমার হয়ত বিশেষ কিছু হবে না। কিস্তু রেজিই যদি একবার করে ঐ কথাটি বলতে থাকেন ভাহলে

দিন কতক বাদে আমার মনেও দৃঢ় ধারণা হয়ে যাবে যে 'ক' লোকটি অতিশয় ভাল লোক। প্রভাহ বিজ্ঞাপন দেওয়ার ফলে ঐ রকমই হয়। কারণ ছইটিরই মূলগত মানসিক ব্যাপার একই।

যে শ্রেণীর লোক আপনার জিনিস কিনবে মনে করেছেন তাদের অভ্যাস, ইচ্ছা, কি কাগজ তাঁরা পড়েন, কখন পড়েন, আপিস যাবার সময় তাড়াতাড়ি একবার চোখ বুলিয়ে নেন, না রাত্রে নিশ্চিন্ত হয়ে ধীরে হুস্থে পড়েন প্রভৃতি খুঁটিনাটি তাঁদের সম্বন্ধেও যত বেশী জানতে পারেন ততই ভাল। কারণ তা হলে কোন্ কাগজে, দিনের বেলার কাগজে না সান্ধ্য কাগজে, কি রকম ভাষায় বড় অক্ষরে না ছোট অক্ষরে বিজ্ঞাপন দিলে বেশী কাজ হবে তা আপনি ঠিক ব্যুতে পারবেন।

উপযুক্ত বিজ্ঞাপনে যথেষ্ট অর্থব্যয় করাকে অর্থের অপব্যয় , মনে করা ভুল। পাশ্চাত্য দেশে এটা খুব ভাল করেই লোকে উপলব্ধি করেছে। আমাদের দেশের এ তথ্যটি সম্যক উপলব্ধি বোধ হয় অনেকেই এখনও করেন নি।

খবরের কাগজে বিজ্ঞাপন দেওয়াই মনে হয় সবচেয়ে শ্রেষ্ঠ পথ। কারণ অত্যন্ত কম খরচে, অত্যন্ত কম সময়ে সবচেয়ে বেশী লোকের কাছে আপনার জিনিসের খবর পাঠাতে খবরের কাগজের মত আর কিছুই পারে না।

কেউ কেউ বলেন যে বিজ্ঞাপনের সাহায্যে জিনিস বিক্রয় করার চেষ্টা করা একটা অস্থায় কাজ। কারণ বিজ্ঞাপন মাত্রেই অত্যুক্তি করা হয় এবং তার ফাঁদে ফেলে খারাপ জিনিস চালিয়ে দেওয়া হয়। এটা কিন্তু সত্য নয়। য়দ কেউ
মনে করেন যে তাঁর মেকি জিনিস বিজ্ঞাপনের জোরে চালিয়ে
দেবেন তিনি খুব ভুল করবেন। ছদিনেই জিনিসের নিক্ষতা
লোকের কাছে ধরা পড়ে যাবে এবং তার বিক্রিও বন্ধ হয়ে
যাবে। উপরস্ত তিনি পরে আর ভাল জিনিস তৈরী করলেও
লোকে আর তার কথায় ভুলবে না।

বিজ্ঞাপনের ফলে একটা ক্বুত্রিম অভাবের সৃষ্টি করে অনর্থক অর্থের অপব্যয় করান হয় বলে নীতিশাস্ত্রকারেরা বিজ্ঞাপন দেওয়ার বিরুদ্ধে অনেক কথা বলেছেন। কিন্তু বিজ্ঞাপন অভাব সৃষ্টি করে না, কি করে অভাব বোধ নিবারণ করা যায় তাই দেখিয়ে দেয়। জিনিস আহরণ করবার একটা সহজাত প্রবৃত্তি (acquisitire instinct) মামুষ মাত্রেরই এবং অনেক জন্তু জানোয়ারেরও আছে। বিজ্ঞাপন শুধু এইটের বদলে এটে আহরণ করতে বলে নতুন করে অভাব সৃষ্টি করে না। জিনিস দেখলে রাখবার ইচ্ছাও সকলেই কিছু না কিছু পোষণ করেন। কেউ চান মোটর গাড়ী, কেউ চান আসবাব, কেউ বই, কেউ পোষাক। বিজ্ঞাপন এই আশা মেটাবার একটা পথ দেখিয়ে দেয় মাত্র। স্কুতরাং ছ্রনীতির প্রশ্রম দিয়ে বিজ্ঞাপন আমাদের অবনতির পথে নিয়ে•যায় এটা সম্পূর্ণ সত্য নয়।

আমাদের যুগ বিজ্ঞানের যুগ এই কথা বলে আরম্ভ করেছি। এখন শেষ কলতে চাই এই বলে যে আমাদের যুগ বিজ্ঞাপনের যুগ। এই ঘোর প্রতিদ্বন্দিতার দিনে বিজ্ঞাপনের সাহায্য ভিন্ন কোন জিনিসই এমন কি কোন চিস্তাধারাও প্রচার করা যায় না। জিনিস তৈরী, ব্যবসা, বাণিজ্য যত বাড়বে বিজ্ঞাপনের দরকারও তত বেশী হবে। এই বিজ্ঞাপনের প্রতিযোগিতাতেও সেই বিজ্ঞাপনই জয়ী হবে—যে মনো-বিজ্ঞানের তথ্যের উপর প্রতিষ্ঠিত।



ব্যক্তিত্ব

অনেকেরই ধারণা আছে যে ব্যক্তিম্ব বলতে আমরা যা বুঝি তার সন্ধান শুধু মহাপুরুষ বা অসাধারণ লোকের মধ্যেই পাওয়া যায়। স্থার আগুতোষ, রবীক্রনাথ, সুভাষ-চন্দ্র, পণ্ডিভজী, এঁদের মত লোকেরাই কেবলমাত্র ব্যক্তিত্বের অধিকারী। তাঁদের অসাধারণছই তাঁদের ব্যক্তিছের পরিচয়। কথাটির অর্থের দিক থেকে বিবেচনা করলে কিন্তু এ ধারণা সঙ্গত বলে মূনে হয় না। ব্যক্তিমাত্রেরই, তিনি অসাধারণই হউন বা সাধারণই হউন, ব্যক্তিত্ব আছে। পৃথিবীর কোনও তুজন মানুষই একরকমের নয়। শরীরের গঠন এবং মনের গুণাবলী প্রত্যেক লোকেরই তফাং। এই সমস্ত ভিন্ন ভিন্ন প্রণাবলীর সমষ্টির ওপরই মানুষের ব্যক্তিম্ব নির্ভর করে। যাঁদের মহাপুরুষ বা অসাধারণ বলি তাঁদের ব্যক্তিত্ব সম্বন্ধে আলোচনা করতে হলে এই শারীরিক এবং মানসিক গুণাবলীরই বিশ্লেষণ করতে হয়। সাধারণত যে সমস্ত গুণের পরিচয় আমরা প্রত্যেক মানুষের মধ্যে পাই, কোন এক ব্যক্তির মধ্যে সেই সব গুণের একটির বা একাধিকের বিশেষ ব্যতিক্রম দেখলে তাঁকে আমরা অসাধারণ ব্যক্তি বলে থাকি। সমাজের আদর্শ বা নীতিশাস্ত্রের মানদণ্ড অমুসারে আমরা এই অসাধারণত সম্বন্ধে বিচার করে মন্তব্য

প্রকাশ করি—বলি, অসাধারণ লোকটি সাধু কিন্তা অসাধু, মহাত্মা বা তুরাত্মা, ভাল কিন্তা মন্দ ইত্যাদি।

আধুনিক মনোবিছা ব্যক্তিত্ব সম্বন্ধে বিশেষভাবে গবেষণা করছে। একজন লোকের ব্যক্তিত যে অপর একজন লোকের ব্যক্তিত্ব থেকে তফাৎ তা সহজ্বেই সকলে বুঝতে পারেন। কিন্তু ভফাংটা ঠিক কোথায় এবং কতথানি তা স্থির করতে গেলেই নানা রকম সমস্থার উদয় হয়। মনোবিতা সেই সমস্ত সমস্তার সমাধানের চেষ্টা করছে। মনোবিদদের মতে ব্যক্তিম্ব যে কতকগুলি শরীরের ক্রিয়াবলি এবং মনের বৃত্তির ওপর প্রধানত নির্ভর করে, সে কথা আগেই বলেছি। ছুটি শিশুর জন্মগত কতকগুলি শারীরিক প্রভেদ থাকে। কোন শিশুর ওজন বেশী কারও কম, একের স্নায়ু আর মস্তিম্বের কর্মশক্তি প্রবল. অন্তের অপেক্ষাকৃত ছুর্বল। কোন শিশু সর্বাঙ্গ-স্থন্দর অন্ত একটি বিকলাঙ্গ ইত্যাদি। এই ধরণের নানা রকম স্থল এবং সৃক্ষ বিভিন্নত। শারীরতত্ত্বিদ্রা লক্ষ্য করেছেন। পূর্ণবয়স্কদেয় বাক্তিত্বের তফাতের একটা ভিত্তি আমরা এইথানে পাই। শরীরের ভেতর যে সমস্ত নালীবিহীন গ্রন্থি (Endocrine Glands) আছে তাদের কার্যকলাপের বিভিন্নতা ব্যক্তিত্বের তফাতের আর একটি কারণ। একজন যৌনতত্ত্বিদ্ বলেছেন যে স্বভাবে এবং শরীরে পুরোপুরি পুরুষ (Centpercent male) এবং দেহে ও মনে পুরোপুরি নারীর Cent per cent female) মধ্যে অনেকগুলি স্তর ঠিক

করা যায়। আকৃতিতে পুরুষ কিন্তু প্রকৃতিতে মেয়ে এবং
ঠিক এর উল্টো অর্থাৎ আকৃতিতে মেয়ে আর প্রকৃতিতে
পুরুষ এরকম লোকের সন্ধান আত্মীয় স্বজন বন্ধুবান্ধবদের
মধ্যে খুঁজলে আপনারা সকলেই পাবেন। কোন কোন
শারীরতত্ত্বিদ্ তাই এই মত প্রকাশ করেছেন যে এই
নালীহীন গ্রন্থিলোর কার্যকলাপের ওপরই ব্যক্তিত্ব সম্পূর্ণ
নির্ভর করে। এই মত অবশ্য পুরোপুরি মানা যায় না; তবে
শরীরের যন্ত্রাদি এবং তাদের কার্যকলাপের ওপর ব্যক্তিত্ব যে
অনেকখানি নির্ভর করে এ কথা অস্বীকার করাও যায় না।

মনের যে সমস্ত বৃত্তি বা গুণের ওপর ব্যক্তিত্ব নির্ভর করে মনোবিদ্রা সেগুলোর বর্ণনা করতে চেষ্টা করছেন। কয়েকটি বৃত্তির ইঙ্গিত এখানে দিচ্ছি।

বুদ্ধি নিশ্চয়ই ব্যক্তিছের একটি বিশেষ লক্ষণ। ছজনের ব্যক্তিছ তুলনা করতে হলে ছজনের বুদ্ধির তারতম্য সহজেই চোখে পড়ে। মনোবিদ্রা এই বুদ্ধি বিষয়টির বিশ্লেষণ করেছেন এবং তার পরিমাণ ঠিক করবার জন্মে কতগুলি অভীক্ষা (Test) সৃষ্টি করেছেন। এই অভীক্ষার সাহায্যে একজনের বৃদ্ধি আর একজনের চেয়ে কতখানি বেশী বা কম, কোন্ শিশু ভবিষ্যতে অভিশয় মেধাবী (genius) এবং কোন্ শিশু প্রায় বৃদ্ধিহীন হবে তা আমরা আর্জকাল অনেকটা ঠিক করতে পারি।

বৃদ্ধির বৈষম্য যেমন চোখে পড়ে তেমনি মেজাজের ভারতম্যও আমরা অনবরতই লক্ষ্য করি। কোন কোন

লোক সব সময়ই যেন রেগে থাকেন, আবার এমন লোকও আছেন যাঁকে কিছুতেই যেন রাগানো যায় না। একজন থব সামাগু কারণেই বিচলিত হয়ে পড়েন. আবার আর একজনের ধৈর্যচ্যুতি গভীর কারণ না হলে হয়না। কেউ ভীক্ন কেউ সব সময় সন্দেহমান। কেউ বেশী প্রফুল্লচিত্ত, যেখানেই যান সেখানেই আনন্দ ছড়িয়ে দেন, আবার কারুর স্বভাব ঠিক এর বিপরীত, সব সময়ই বিষাদগ্রস্ত, তাঁর সাহচর্যে অন্ত লোকের আনন্দও যেন নিরানন্দে পরিণত হয়। কেউ হিংসাপরায়ণ কেউ ক্ষমাশীল। মেজাজের এই ধরণের বিভিন্নতার দরুণ নানা রকম বাক্তিথের সৃষ্টি হয়। তাই মেজাজকে (temperament) ব্যক্তিম্ব গড়ে তোলবার আর একটি বিশেষ অঙ্গ বলেই মনোবিদরা মনে করেন। বিখ্যাত মনোবিদ্ ইয়ুং (Jung) মানুষদের ত্বভাগে ভাগ করতে চেষ্টা করেছেন। তাঁর মতে কতকগুলি লোক সব সময় বাইরের জিনিস নিয়েই ব্যস্ত থাকে; নিজেদের মনের দিকে দৃষ্টি তারা থুব কম সময়ই এই ধরণের লোক দলের নেতা হতে চায়, সকলের মনোযোগ আকর্ষণ করবার চেষ্টা করে। ঘটনা-স্থলে অগ্র পশ্চাত না ভেবে ঝাঁপিয়ে পডে। এদের বহিরুতি (Extrovert) বলা হয়। তেমনি আবার কোন কোন লোক সব সময় নিজেদের মরমের কথা অন্তরের বাথা নিয়েই ব্যস্ত থাকে। বাইরের ঘটনার দিকে বিশেষ মনযোগ খুব কম সময়ই দেয়। এরা সব সময় সব কাজে

পেছিয়ে থাকতে ভালবাসে। কোন একটা কথা বললে বা কোন একটা কাজ করলে লোকে তাদের সম্বন্ধে কি ধারণা করবে, এই চিস্তাই তাদের বিব্রত করে তোলে। এদের নাম দেওয়া হয়েছে অস্তর্ত (Introvert)।

অন্তর্গৃষ্টি, উত্তমশীলতা, সামাজিকতা প্রভৃতি আরও কতকগুলি বৃত্তির কথা মনোবিদ্রা বলেছেন যেগুলি ব্যক্তিত্ব গড়ে তোলবার সাহায্য করে। শিশু যেসব বৃত্তি নিয়ে জন্মায় সেইসব বৃত্তি এবং যে পরিবেশের মধ্যে সে মানুষ হয় সেই পরিবেশ এই ছটির উপর ভিত্তি করেই তার ভবিয়ত ব্যক্তিত্ব গড়ে ওঠে। শিশুর প্রথম পরিবেশের ভেতর তার, বাবা মার প্রভাবই সব চেয়ে বেশী। কাজেই ব্যক্তিত্ব গঠনের গুরুদায়িত্ব প্রধানত তাঁদেরই। মা বাপেরা তাঁদের এই দায়িত্ব সম্বন্ধে যত বেশী এবং যত শীভ্র সচেতন হবেন সমাজের পক্ষে ততই মঙ্গল হবে।



ছম্বের নৃশংস অভিব্যক্তি পৃথিবীর চারিদিকে সম্প্রতি আমরা দেখেছি; আবার একবার দেখবার সম্ভাবনাও হয়ত আছে। ইতিহাসে দেখি জাতিতে জাতিতে বিভিন্ন সম্প্রদায়ের মধ্যে দেশে দেশে সংঘর্ষ চিরকাল হয়ে আসছে। নৃতত্ত্বিদরা বলেন প্রাগৈতিহাসিক কালে অসভ্য জাতিদের মধ্যেও সংগ্রাম প্রায়ই হত। মানুষ তার বৃদ্ধি এবং কর্মকৌশলতার সাহায্যে প্রথম যে অস্ত্র নিম্নিণ করেছিল তা বোধ হয় মারণাস্ত্রই। আজ আবার সভ্যতার চরম নিদর্শন আণবিক বোমা। Darwin আরও প্রাচীন যুগের কথা বলেন যখন মানুষ নামধেয় জীবের সৃষ্টি হয়নি; তথনকার জন্ত জানোয়ারদের বেঁচে থাকবার একমাত্র উপায়ই ছিল পরস্পরের মধ্যে দ্বন্দ্ব। সেই দ্বন্দ্বে যে জাতীয় জন্তু পরাজিত হয়েছিল তাদের অস্তিত্বই আজ লুপ্ত হয়ে গেছে। জীবন সংগ্রাম কথাটিতেও আমরা এই ইঞ্চিতই বাঁচতে হলে সংগ্রাম অবশ্যস্তাবী। অনিবার্য স্বীকার করে নিলেও তার অর্থ কি এই যে মানুষকে যে কোন উপায়ে হত্যা না করলে মানুষ বাঁচতে পারে না। ইউরোপকে বাঁচতে হলে এশিয়াকে কি মরতেই হবে গু আমেরিকার জীবন-স্পন্দনের দ্রুত বেগ অক্ষুণ্ণ প্যাসিক্টিক দ্বীপপুঞ্জকে কি মহাসাগরের অতল গর্ভে লীন হডেই হবে ? অথবা অতদুর যাবারই বা দরকার কি ? ভারতবর্ষে হিন্দুর অন্তিত্ব বজায় রাখতে মুসলমানের সমূহ বিলোপ কি একান্ত প্রয়োজন ? পাকিস্থানে হিন্দুর সমূলে উচ্ছেদ ভিন্ন কি মুসলমান বাঁচতে পারে না ? রাজনীভিক্ষেত্রে যাঁরা বিচরণ করেন অস্থান্থ বহুপ্রকৃতির রাষ্ট্রনৈতিক দ্বন্দের সংবাদ ভারা দিতে পারেন। সামাজিক জীবনেও আমাদের দ্বন্দ্বের অভাব নেই। বিভিন্ন জ্বাতির (caste -) মধ্যে, ধনী দরিজের ভেতর, মালিক মজুরের ভেতর বিভিন্ন ধর্মাবলম্বীর, শুধু বিভিন্ন ধর্মা কেন, একই ধর্মাবলম্বী বিভিন্ন সম্প্রদায়ের ভেতর দ্বন্দ্বর অভাব কি ? সমাজতত্ত্ববিদ্রা এই সমস্ত দ্বন্দ্বর আলোচনা করেন।

কিন্তু সমাজ কি ? কার স্থা তুঃখের ওপর ভিত্তি করে
সামাজিক কম পদ্ধতি গঠিত হয়, রাষ্ট্রীয় নীতি নির্ধারিত হয় ?
আপনার, আমার, এক একটি ব্যক্তির সমষ্টিতেই ত সমাজ।
আপনি সমাজের অমুশাসন মেনে চলেন বলেই ত সমাজ গড়ে
ওঠে, ওর ভিত্তি দৃঢ় হয়। আপনি যদি না মানেন, আমি যদি
না মানি, আর দশজনেও যদি না মানেন, তা হলে সমাজের
বন্ধন আপনা আপনিই শিথিল হয়ে যায়, সমাজ ভেকে পড়ে।
স্থতরাং সমাজের নামে যা কিছু বলা যায়, সমাজে যা কিছু
ঘটে, আপনার আমার যোগাযোগ তাতে থেকেই যায়। সে
হিসাবে সামাজিক দ্ব একপ্রকার আপনারই দ্বন্ধ, এটা হল
অবশ্য তর্কশাস্ত্রের বিচার। এই ফোগাযোগ যদি শুধু একটি
বাহ্নিক ব্যাপার হত তা হলে হয়ত এ সম্বন্ধে বেশী আর কিছু

বলবার প্রয়োজন হত না। কিন্তু একটু বিবেচনা করলেই ব্বতে পারা যায় যে যোগাযোগ ব্যাপারটি শুধু একত্র উপস্থিতির ওপরই নির্ভর করে না। মানসিক ঘটনারলীর ওপরও এর ভিত্তি স্থাপিত, পাঁচজন ব্যক্তি একসময়ে একদেশে অবস্থান করলেই সমাজ হয় না, যখন সেই ব্যক্তিদিগের চিন্তা, ভাব এবং কর্মধারার গতি এবং উদ্দেশ্যের মধ্যে একত্ব গড়ে উঠে এবং মানসিক আদান প্রদান চলতে থাকে তখনই সত্যিকারের সমষ্টি তৈরী হয়। পুরাকালে এরকম ভাবেই সমষ্টি এবং সমষ্টি থেকে ক্রমে বৃহত্তর সমাজের সৃষ্টি হয়েছিল, তদানীস্তন সমাজ বিভিন্ন দেশে যে বিভিন্ন ধরণের আদর্শ স্থাপন করে গেছে, ধর্মকর্মের নির্দেশ দিয়েছে, তাই আমন্বা আমাদের ঐতিহ্ন, প্রথা প্রভৃতি হিসাবে পেয়েছি এবং আমাদের জীবন ভদকুসারে নিয়ন্ত্রিত করছি। এই হল সমাজ অভ্যূদয়ের মোটামৃটি কথা।

কিন্তু এর মধ্যে ঘন্দের স্থান কোথায় ? তা বুঝতে হলে আমাদের ব্যক্তিগত জীবনের দিকে দৃষ্টিপাত করতে হবে। বিপ্লবীদল শাসনভন্তের বিরুদ্ধে অভিযান করছে—এর অর্থ এই যে বিপ্লবীদলভুক্ত প্রত্যেক লোকটিই বিজ্ঞোহ করছে। দলভুক্ত প্রত্যেক লোকের মনে বিজ্ঞোহ ভাব যদি না জাগত তাহলে বিজ্ঞোহমূলক কার্যধারা কাদের দিয়ে চলত ? দলত একটি অশরীরী বস্তু নয়। স্থৃতরাং দেখা যাচ্ছে যে বিপ্লব নামক দামাজিক ঘন্দের মূলে ব্যক্তিবিশেষের মনে বিজ্ঞোহরু ভাব বিভ্যমান রয়েছে। এই দিক দিয়ে বিচার করলে সহজ্ঞেই

হৃদয়ঙ্গন করা যায় যে সমাজগত সমস্ত নতুন আলোড়ন (movement)-এর পেছনে ব্যক্তিবিশেষের নতুন অনুভূতি, চিস্তা, বিজোহভাব এবং পরিবতনের চেষ্টা বর্তমান আছে, এবং ব্যক্তি বিশেষের মনে ছন্দের উদয় না হলে সমাজের কোন পরিবর্তনিই সম্ভব হয় না। এখন প্রশ্ন হল এই—ব্যক্তির মনে ছন্দের উৎপত্তি হবার কারণ কি এবং সে ছন্দের শ্বরপই বা কি ?

সাধারণভাবে বলা যায় যে ছন্দ্র ছ'রকমের—প্রকাশ্য এবং অপ্রকাশ্য। শিশু খেলনাটি চায়। আর একটি শিশু সেটি নেবার প্রয়াসী। প্রথমোক্তটি সোজাস্থলি দ্বিতীয় শিশুকে ঠেলে ফেলে দিয়ে খেলনাটি নিয়ে গেল। ছই শিশুর এই সংঘর্ষ প্রকাশ্য দ্বন্দ। বাসনার বস্তুকে সংগ্রহ করবার জন্মে এইভাবে অগ্রসর হওয়াকে অর্থাৎ দৈহিক বলের সাহায্য নেওয়াকে আমরা স্থূল অসভ্যদ্ধনোচিত পথ বলে বিবেচনা করি। সভ্য সমাজে এই ব্যবস্থার প্রশ্রয় দিতে আমরা কৃষ্ঠিত হই এবং আইন, লোকমত প্রভৃতির সাহায্যে এরকম ব্যবহার নিবারণ করবার চেষ্টা করি, কতদূর কৃতকার্য হয়েছি বলতে পারি না। গত মহাযুদ্ধ এবং সাম্প্রতিক দাঙ্গা-হাঙ্গামা আমাদের সফলতার বিরুদ্ধে তীব্রভাবে সাক্ষ্য দিতেছে। প্রকাশ্য মন্দে মন্দকারীর একপক্ষে আমি, অম্মদিকে আর এক ব্যক্তি। যে ছম্ছে পক্ষ এবং প্রতি-পক্ষ গুই-ই আমি তাকেই অপ্রকাশ্য ছম্ব বলে বর্ণনা করা হয়। একটি অভিশয় ছঃস্থ ক্ষুধার্ড যুবক একটি ভদ্রলোকের 🖟 সঙ্গে দেখা করতে গিয়েছিল কিছু অর্থ সাহায্যের আশায়। ভদ্রলোক ঘরে ছিলেন না কিন্তু তাঁর টেবিলের উপর একখানি দশ টাকার নোট চাপা দেওয়া ছিল। নোটখানি সে সহজেই নিয়ে চলে যেতে পারত; কেউ তাকে ধর্মতে পারত না। নেবার ইচ্ছাও তার মনে খুব তীব্রভাবে জেগেছিল কিন্তু শেষ পর্যন্ত সে নিলেনা, চলে গেল। নিই, কি না নিই, এই ছন্দের হুই পক্ষই যুবক নিজে। একদিকে নোটখানি নিয়ে তার সাহায্যে ক্ষুধা নিবারণের তীব্র বাসনা, অক্তদিকে আদর্শ- চ্যুতি হেতু নিজের কাছেই নিজে অপরাধী বলে বিবেচিত হবার উৎকণ্ঠা। এই বাসনা এবং উৎকণ্ঠার ছন্দ্ব অপ্রকাশ্য হন্দ্ব।

প্রকাশ্যই হোক্ অপ্রকাশ্যই হোক্ দল্বমাত্রেরই মূল উৎস হচ্ছে প্রবৃত্তি চরিতার্থ করবার প্রয়াস। প্রত্যেক শিশুই কয়েকটি প্রবৃত্তি নিয়ে জন্মায়। নীতির দিক থেকে বিচার করে সমাজ তাদের কতকগুলি ভাল বলে বিবেচনা করে এবং শিশুর সেই প্রবৃত্তিগুলির বিকাশের পথ স্থাম করে দেয়। কতকগুলিকে অবাঞ্ছিত সিদ্ধান্ত করে তাদের ফ্রনের বা অভিব্যক্তির পথে বাধা দেয়। সমাজের এই অনুশাসন শিশুর ওপর কার্যকরী হয় পিতামাতার মধ্যস্থতায়। শিশুর প্রাথমিক শিক্ষার ভার তাঁদের ওপর। তাঁরাই তাদের 'কোরোনা', 'বোলোনা', পুরস্কার, শান্তি প্রভৃতির সাহায্যে শিশুকে সমাজের প্রচলিত আইন কান্ত্ন, রীতিনীতির গণ্ডির ভেতর এনে ফেলেন। পিতামাতার শাসন মেনে নেওয়া কিন্তু শিশুর পক্ষে সর্বদা সহজ হয় নাঃ

যে জিনিসটি শিশু তীব্রভাবে আকাক্ষা করে পিতা যখন সেটি তার ভাইকে দিতে বলেন এবং না দিলে শাস্তি দেবার ভয় দেখান তখন শিশুর মনে একটা দ্বিধা এবং ছন্দের উদয় হঁয়। একদিকে প্রবল ইচ্ছা আর একদিকে শাস্তির ভয়। ভবিয়াৎ জীবনের সকল দ্বন্দ্বই এই দ্বন্দ্বের অমুরপ। এখন শিশুমনের এই দ্বন্দ্বের ফল বহুধা হতে পারে। শিশু হয়ত ভাইকে খেলনাটি দিল কিন্তু তার মনে পিতা এবং ভ্রাতা হুজনের বিরুদ্ধেই একটি আক্রোশের ভাব জাগল, যা সে তথন স্পষ্টভাবে বাক্ত করতে নাও পারে। বাবে বারে যদি এরকম ঘটনা ঘটে এবং তার সমস্ত বাসনাই পিতা কতুকি ব্যাহত হতে থাকে, তাহলে এই পুঞ্জীভূত, অবরুদ্ধ বিদ্বেষ এবং আক্রোশের ভাব ভবিষ্যুত্তে অগু কোন বিষয়, বস্তু, ব্যক্তি বা অনুষ্ঠানকৈ আক্রমণ করে ব্যক্ত হওয়া কিছুমাত্র বিচিত্র নয়। হয়ত এই ধরণের শিশু থেকেই ভবিষ্যুৎ বিপ্লবীর দল গঠিত হয়। শিশু পিতার আদেশ মমাত্য করে প্রহারের ভয় অগ্রাহ্য করে জিনিসটি নিজের কাছেই রাখল, ভাইকে দিল না। এ দ্বন্ধে কামনারই জয় হল। ভাইকে ঠকিয়ে, লোকলজ্জায় জলাঞ্জলি দিয়ে যাঁরা পৈতৃক সম্পত্তি ভোগ করেন, তাঁদের বাল্যকাল কি এইভাবে কেটেছিল ৷ অথবা অস্ত •একটি খেলনা পেয়ে শিশু এই খেলনাটির লোভ ত্যাগ করল। অপুত্রকের কুকুর বিড়াল পোষা এই জাতীয় কি ? শৈশবের দ্বন্দ্বসমূহের বহুভাবে সমাধা হতে পারে এবং প্রভ্যেক

সমাধানের পথই নানারকম কল্পনা, প্রক্ষোভ (emotion)
মাতা পিতা প্রভৃতির প্রতি মনোভাব এই সবের সঙ্গে
মিলিত হয়ে বিশেষ বিশেষ মানসিক পরিবেশের স্থাপ্তি
করে। ব্যক্তিবিশেষের ভবিদ্যুৎ জীবন কিভাবে গড়ে উঠবে
এবং ভাবীকালের দ্বন্দ্ব অতিক্রম করতে তিনি কোন্ পথ
অবলম্বন করবেন তা শৈশবের এই মানসিক পরিবেশের
দ্বারাই প্রায় স্থিরীকৃত হয়ে যায়। শৈশবের সমস্থাসমূহের
সমাধানের পথে বিদ্ব ঘটলে ভবিদ্যুৎ মানসিক ব্যাধির
বীজ্ঞ উপ্ত হয়।

পরিণত বয়সের বহু দ্বন্দের কথা সকলেই অবগত আছেন। প্রেম এবং কত ব্যের দ্বন্দ্ব অনেক উপস্থাস এবং ছায়াচিত্রের উপাদান যুগিয়েছে। মাতৃভক্তি এবং পত্নীপ্রেমের দ্বন্দ্ব আমাদের সমাজের কয়েকটি জীবন নষ্ট হতে দেখেছি। অর্থলোভ এবং নীতির দ্বন্দ্ব আজকাল পৃথিবীর সকল সমাজেরই দেশকর্মী এবং ব্যবসায়ীদের পড়তে হয়। চারিদিকের কালোবাজার প্রভৃতি দেখে মনে হয় এ বিষয়ে দ্বন্দের অবস্থা তাঁরা বোধহয় অতিক্রম করে গেছেন এবং কোন্ পথে যেতে হবে তাও স্থির করে ফেলেছেন। সামাজিক নীতি বজায় রাখবার চেষ্টা এবং অস্তাদিকে আপনাকে জাহির করবার আকাজ্জার দ্বন্দ্ব অনক সময়ে যে হাস্তকর অবস্থাসমূহের (Comic situation) উদ্ভব হয় তা কে না উপভোগ করেছেম ? অসামাজিক বলে যে হিংসাপ্রবৃত্তি প্রকাশ্যে চরিতার্থ করতে পারিনি

রসিকতা, ঠাট্টা প্রভৃতির ভেতর দিয়ে তা সময় সময় অপ্রকাশ্যে মিটিয়ে নিই না কি ?

নিজেদের কার্যাবলী, কথাবাতা বিশ্লেষণ করলে অনেক ছন্দের আভাস আমরা পাই। সকলের মূলেই যে নিজ্ঞান মনে সামাজিক নীতি এবং জন্মগত প্রবৃত্তির সংঘর্ষ বিভ্যমান আছে মনঃসমীক্ষণ (psycho-analysis) তা আমাদের দেখিয়ে দিয়েছে।



জান্তব চুম্বক

লোহাকে আকর্ষণ করবার ক্ষমতা যেমন চুম্বকের আছে তেমনি অন্তলোকের উপর প্রভাব বিস্তার করবার ক্ষমতা অল্পবিস্তর প্রত্যেক লোকেরই আছে। একজন মানুষ যে আর একজন মানুষকে বশীভূত করতে পারে এবং সংসারে অনবরত এমন করছে তা আপনাদের কারুরই অজানা নেই। নিজেদের দৈনন্দিন জীবনের কাজ কমের দিকে যদি আমরা দৃষ্টিপাত করি এবং বিশ্লেষণ করে দেখবার চেষ্টা করি তাহলে আমাদের কাজ কমের ধারার উপত্ন অক্যলোকের প্রভাব সহজেই ধরতে পারা যায়। আপনার প্রভাব অন্যলোকের উপর, বিশেষ করে আপনার ছেলেমেয়ের উপর্পড়ছে, তারা আপনার মত হবার চেষ্টা করছে, আপনি অক্স লোকের আদর্শে নিজেকে গড়ে তুলছেন। আমরা যে সব সময় জ্ঞাতসারেই অন্সের-অফুকরণ করি তা নয়। আমরা বাঙালী সাধারণত কাছা কোঁচা দিয়ে ধুতি পরি, যদিও কাউকে কাউকে আজকাল যে কোন-কারণেই হোক লুঙ্গি বা পায়জামা পরে বেড়াতে রাস্তা-ঘাটে দেখা যায়, আমাদের মেয়েরা একরকমভাবে শাড়ি পরেন, আমরা ভাত তরকারি মাছ খাই, শীতকালে গায়ের কাপড় জড়িয়ে বেড়াই কারণ আমাদের সমাজে এইরকম ব্যবস্থাই চিরকাল চলে আসছে। যে প্রথা চলে আসছে

আমাদের অজ্ঞাতসারে আমরা সেই প্রথারই বশীভূত হয়ে পড়ি। তবে যদি কেউ নতুন ধরণে কাপড় পরবার কোন পন্থা বার করেন, এবং যদি তাঁর উপর আমার শ্রুদ্ধা ভক্তিবিশ্বাস থাকে, তা হলে হয়ত জ্ঞাতসারেই আমি তাঁর অমুকরণ করি। কারণ, যাঁকে শ্রুদ্ধাভক্তি করি—আমরা সহজেই তাঁর বশীভূত হই। জ্ঞানেই হউক আর অজ্ঞানেই হউক আমরা আমাদের আদর্শের বশীভূত; আদর্শের মত হবার, আদর্শের মত ব্যবহার করবার চেষ্টা করে থাকি। যেমন ছোট ছেলে বাবার মত চশমা চোখে দিয়ে খবরের কাগজ পড়ে, ছোট মেয়ে মা হয়ে তার পুতৃলকে খাওয়ায়, য়ম্ম পাড়ায়। আদর্শ কি বা কে তা হয়ত জ্ঞ্জাসা করলে সকলে পরিক্ষারভাবে বর্ণনা করতে পারব না কিন্তু কোন একটি বা ততোধিক আদর্শ মেনে যে চলি তা অস্বীকার করতেও পারা যায় না।

কিন্তু সব সময়ে সর্বত্র সকলেই শুধু প্রচলিত প্রথা মেনেই চলছে এ কথা স্বীকার করে নিলে একটা বড় রকমের সমস্থার উদয় হয়। সকলে যদি সব সময়ে গতামুগতিকভাবে সব জিনিস মেনে নিয়ে চলতে থাকে তা হলে সমাজের পরিবর্তন হয় কি করে। সামাজিক আচার ব্যবহার, চিস্তাধারার ক্রম পরিবর্তন যে হয় এটাও কল্পনা নয়, এটা একটা বাস্তব ঘটনা। চোখের সামনে আমরা নিজেরাই ত কত পরিবর্তন দেখলুম। ছেলে মেয়েদের কতব্যি, সমাজে তাদের পরস্পরের স্থান প্রভৃতি বিষয়ে চিস্তাধারার, সামাজিক অমুষ্ঠানসমূহের

কত ওলট পালটই হয়ে গেছে। এ সব বিষয়ে এখনকার চলতি ভাবধারাগুলো ত কিছুদিন পূর্বেকার ভাবধারার ধার দিয়েই যায় না। এ পরিবর্তন কি করে সম্ভব হল ?

সম্ভব হল এই জন্মে যে, সব মানুষই সমানভাবে suggestible নয়। মাতুষমাত্রেই suggestible বটে, কিন্তু সকলেই সে বিষয়ে একরকম নয়। অভিধানে suggestible কথাটির অর্থ দেখলুম, সম্মোহনজনক প্রেরণার অধীন। উপস্থিতক্ষেত্রে অর্থটি অতদূর অর্থাৎ সম্মোহন পর্যস্ত নিয়ে যাবার প্রয়োজন নেই। যুক্তি বিচার বিবেচনা ব্যতিরেকে কোন কিছু মেনে নেবার এবং বিশ্বাস করবার যে মনোভাব তাকেই suggestibility বলা হয়। যা মেনে নিচ্ছি, সেই অনুসারে কাছে প্রবৃত্ত হওয়া এবং তার বিপরীত কোন বিষয়ে দৃঢ় অবিশ্বাস এগুলোও suggestibilityর অন্তর্ভুক্ত। এই suggestibility বিষয়ে মানুষে মানুষে কি রকম তফাৎ ह्य, এक हे विरवहना कदलहै आপनाता एम्थए পार्वन। আপনার নিজের কথাই দেখুন—কোন একজন বিশেষ ব্যক্তি যদি আপনাকে কোন কথা বলেন, আপনি হয়ত তৎক্ষণাৎ অসক্ষোচে তা মেনে নেবেন। তাঁর সেই কথার পেছনে কতখানি যুক্তি যথার্থ আছে, বা আদৌ আছে কিনা তা যাচাই করে নেবার কোন প্রশ্নই আপনার মনে উঠবে না। আপনার বন্ধু কিন্তু সে কথা তত শীভ্র মেনে নেবেন না। তিনি বিচার করে দেখতে চাইবেন। আপনার অসম্ভোষ উৎপাদন করেও তিনি তর্কে প্রবৃত্ত হবেন। তা হলে দেখুন সেই বিশেষ

ব্যক্তিটি সম্পর্কে আপনি আপনার বন্ধুর চাইতে অনেক বেশী suggestible. যুক্তি তর্ক করবার ক্ষমতার অভাবেই যে লোক suggestible • হয় তা নয়। আপনার যুক্তি তর্ক কররার ক্ষমতা কিছু কম নেই, কিন্তু ব্যাপারটা হচ্ছে এই যে, সেই বিশেষ লোকটি সম্পর্কে. যুক্তি ভর্ক করবার প্রবৃত্তি আপনার মনে জাগে না। suggestibilityর এইটিই হচ্ছে প্রধান লক্ষণ। আমরা সকলেই অল্প বিস্তর suggestible বলেই সামাজিক প্রথা প্রভৃতি সম্বন্ধে বিচার করবার প্রবৃত্তি আমাদের সচরাচর জাগে না. তাই যা চলে আসছে সেটা মেনে নিয়েই আমরা সাধারণত চলি। কিন্তু এইমাত্র আপনার বন্ধুর কথা যেমন বললুম, সকলেই ত সমান suggestible নন। কেউ কেউ আছেন, যাঁরা সব জিনিসই মেনে নেন না-তাঁরা বিচার করে দেখবার চেষ্টা করেন। **তাঁ**রাই সমাজে নতুন ধারা প্রবর্তন করতে পারেন। সামাজিক চিস্তাস্রোতকে নতুন পথে তাঁরাই চালান, কর্মপদ্ধতির তাঁরাই পরিবর্তন . করেন। আপনি মনে করবেন না যে আপনি এঁদের দলের বাইরে। আপনি ভাঁদেরই একজন। আপনি যেমন কোন বিশেষ লোকের কথা বিনা বিচারে বিশ্বাস করেন তেমনি আবার ভেবে দেখুন সকলের সব কথাই আপনি মানেন না— যুক্তি, তর্ক করে থাকেন। আবার এমন হয়ত কেউ আছেন যাঁর কথার প্রতিবাদ না করে আপনি থাকতে পারেন না। তিনি হয়ত গায়ের কাপড়টা মাথার উপর দিয়ে কান ছটো ঢেকে সহজ সরল ভাবেই বললেন, আজকে বেশ ঠাণ্ডা পড়েছে

হে, অমনি আপনি বললেন, নাঃ আজ আর এমন কি ঠাণ্ডা, কালকে এর চেয়ে ঢের বেশী ঠাণ্ডা ছিল, আজ বরং একটু গ্রম গ্রম লাগছে। বলে গলার বোতামটা খলে দিলেন। তারপর ঐ নিয়ে খানিকক্ষণ তর্ক বিতর্ক চলতে লাগল। আসল ব্যাপারটা কোথায় চলে গেল—তর্ক করতে করতে শেষকালে তু'জনেই একমত হলেন যে, গেল বছরের আগের বছর জুন মাসের ১৫ তারিখে জববলপুরে যে গরম পডেছিল গত কুড়ি বছরের ভেতর সেখানে সে রকম গরম পড়েনি। কথাটা হচ্ছে এই যে, এই সব নিবিচারে মেনে না নেবার এবং যুক্তিতর্ক করবার প্রবৃত্তি আপনারও আছে। তাই বলছি সমাজের পরিবর্তনের দাহিত্বের ভার আপনিও নিয়েছেন। আপনিও পরিবর্ত নের একজন উল্লোক্তা, তু একজন প্রথম নতুন কথা বলেন, নতুন চালে চলেন, তাঁদের যদি সমাজে প্রতিপত্তি বা prestige থাকে, অর্থাৎ সমাজের বেশী লোক যদি তাঁদের দারা অধিক মাত্রায় suggestible হয়, তাহলে তারা তাঁদের প্রদর্শিত পথে চলতে আরম্ভ করে। সমাজের ধারা বদলায়।

এই Suggestibilityর চূড়ান্ত প্রকাশ Hypnotismএ
সম্মোহন ব্যাপারে। আপনারা কোন hypnotism
করা ব্যাপার সামনাসামনি দেখেছেন কিনা জানি না।
যিনি করেন আর যাঁকে সম্মোহিত করা হয়, এই উভয়েব
মধ্যে একটি অন্তুত রকমের সম্পর্ক স্থাপিত হয়। সম্মোহিত
রাক্তি সম্মোহনকারীর প্রভ্যেক কথাটিই সম্পূর্ণভাবে মেনে
নেন এবং তিনি যা করতে বলেন তাই করেন। Hypnotist

ভিন্ন সম্মোহিত ব্যক্তির পৃথিবীতে আর কেউ থাকে না— তাঁর কথা ছাড়া শোনবার কিছু নেই, তাঁর আদেশ ভিন্ন করবার কিছু নেই। অন্ত কিছুরই জ্ঞান আর থাকে না। ব্যাপারটির বিশেষত্ব হচ্ছে এই যে সম্মোহনকারী যত অবিশ্বাস্তা কথাই বলুন আর যত অসম্ভব আদেশই করুন সম্মোহিত ব্যক্তি তাই বিশ্বাস করে এবং তাই করে। একটা পোন্সল হাতে দিয়ে সম্মোহক সম্মোহিত ব্যক্তিকে যদি বলেন এটা একটা মাছ ধরবার ছিপ, সামনে তোমার পুকুর রয়েছে, মাছ ধর, সে ঠিক পুকুর্ধারে বসে মাছ ধববার অঙ্গভঙ্গীই করবে, যদিও সে বসে আছে কলকাভার কোন বাড়ীর হলঘরে। সম্মোহকের সব Suggestions, সব ইঞ্চিতই প্রায় সে গ্রহণ করে।

সম্মেহন করবার অনেক রকম প্রণালী আছে। কাউকে একদৃষ্টে কোন একটি উজ্জ্বল বস্তুর দিকে চেয়ে থাকতে আদেশ করা হয় এবং সঙ্গে সঙ্গে তুমি ঘুমিয়ে পড়ছ তোমার চোথের পাতা ভারী হয়ে আস্ছে, চোথ বুজে আসছে এই ধরণের suggestions ভাকে দেওয়া হয়। কিছুক্ষণ পরে সে ঘুমিয়ে পড়ে। বাহুবস্তু সম্বন্ধে কোন জ্ঞান তখন আর ভার থাকে না। কিন্তু ঘুমিয়ে পড়ালেও সম্মাহনকারী ভাকে যা বলবেন সে ভাই করবে। সম্মোহন এক রকম ঘুম বটে কিন্তু সাধারণত ঘুমের সঙ্গে ভারে ভকাৎ আছে। প্রধান ভফাৎ এই যে সম্মোহন ঘুমে সম্মাহনকারীর সঙ্গে ঘুমন্ত লোকের একটা যোগাযোগ থাকে।

সকলেই সকলকে সম্মোহন অবস্থায় আনতে পারেন না এবং কোন কোন লোককে সম্ভবতঃ একেবারেই এইভাবে বশীভূত করা যায় না। কিন্তু সম্মোহন ব্যাপারটি যে সম্ভব এবং একটি বাস্তব ঘটনা সে বিষয়ে সন্দেহ করবার কিছু নেই। প্রশ্ন হচ্ছে এই যে কি করে এটা সম্ভব হয়— একজন আর একজনকে কি করে সম্মোহিত করে ফেলতে পারে? যে করে তার কি কোন বিশেষ মানসিক বা শারীরিক ক্ষমতা থাকা প্রয়োজন কিম্বা যে হয় তার কিছু বিশেষত্ব আছে কি? এই প্রশ্নের উত্তর দিতেই জৈব চুম্বক শক্তির কথা আলোচনা করতে হয়।

Mesmer নামক একজন জামনি চিকিৎসক অষ্টাদশ শতাব্দীতে জৈব চুম্বক শক্তির animal magnetism-এর কথা প্রথম প্রচার করেন। সম্মেহনের যে সমস্ত লক্ষণের কথা আগে বলেছি, তিনি সে সমস্তই লক্ষ্য করেছিলেন। তাঁর বিশ্বাস এই ছিল যে, কোন একটি স্ক্র্ম অদৃশ্য তরল "পদার্থ" সম্মেহিত ব্যক্তির অভ্যন্তরে প্রবেশ করে এবং তার শরীরকে বিশেষতঃ তার স্নায়ুমগুলীকে অভিভূত করে। এই অদৃশ্য পদার্থের সাহায্যে ছজন লোকের মধ্যে কোন কথাবার্তা, লেখালেথি বা প্রকাশ্যে অল্য কোন রকম উপায়ে ভাবের আদান প্রদান না হলেও একজনের চিন্তা এবং অহান্য মানসিক ব্যাপার আর একজন জানতে পারে। এই অনুমিত স্ক্র্ম পদার্থের Mesmer নাম দিয়েছিলেন জৈব চুম্বক। এই তথ্য স্বীকার করে নিলে অনেক ব্যাপারের (যেমন telepathy)

খুব একটা সহজ ব্যাখ্যা হয়ত পাওয়া যায়। এখনও সম্ভবতঃ অনেকেই এই অশরীরী দৈব বা পৈশাচিক চুম্বক শক্তিতে বিশ্বাস করেন। বিজ্ঞান কিন্তু এ মত মেনে নেয় নি, অনেক আশ্চর্য ঘটনার কথা তখন প্রায়ই প্রচারিত হত এবং কেবল মাত্র Mesmer-এর তথাই যে দে সব ব্যাপারের সং ব্যাখা দিতে পারে তা ধরে নেওয়া হত। যেমন একবার খুব রটে গেল যে, একখানা কাগজে একটা কথা লেখা ছিল। কাগজখানা একখানা খামের ভেতর পুরে সে খামখানা আবার একখানা বড খামের ভেতর পুরে শীল করে রাখা হয়েছিল। এক ব্যক্তি তার নিজের শরীর থেকে এই অশরীরী তরল পদার্থকে খামের ভেতর পাঠিয়ে জানতে পেরেছিল কি লেখা আছে এবং ঠিক বলে দিয়েছিল। ব্যাখ্যা বাদ দিয়ে ঘটনাটা সভ্য বলে মেনে নিলেও আপনারা সহজেই বুঝতে পারেন ব্যাপারটির মধ্যে অনেক রকম গলদ থাকার সম্ভাবনা বিভ্যমান ছিল। একজন বৈজ্ঞানিক বিজ্ঞানসম্মত উপায়ে পরীক্ষা করবার জ্বয়ে প্রচার • করলেন যে, তিনি একটা কাগজে একটা motto লিখে কাগজ-थाना এक है। तक नाल कता वारकात भरधा श्रुरत विश्वविद्याल रहत এক অধ্যাপকের কাছে রেখে দিয়েছেন। কি লেখা আছে এক বছরের ভেতর যদি কেউ তা সঠিক বলে .দিতে পারেন তিনি তাকে এক হাজার ফ্রাঙ্ক (ফরাসীদেশের অর্থ) উপহার দেবেন। পনের দিনের মধ্যেই হাজার হাজার উত্তরও এসেছিল; কিন্তু তার একটিও ঠিক হয়নি। ্তথ্যের দিক থেকে এবং ঘটনার দিক থেকেও বৈজ্ঞানিকরা তাই Mesmer-এর অশরীরী তরল পদার্থ মেনে নিতে পারেন নি।

উনবিংশ শতাব্দীর মাঝামাঝি Braid এবং তাঁর পরে Liebault এক তথ্য প্রচার করলেন যা Mesmer-এর তথ্যের ঠিক বিপরীত বললেই হয়। Braid-এর মতে ক্রমাগত এক রকম ভাবে কোন ইন্দ্রিয়কে উত্তেজিত করতে থাকলে সম্মোহন যুম আনা যায়। কোন ব্যক্তিকে একদৃষ্টে কোন জিনিসের দিকে চেয়ে থাকতে বললে তার যুম এসে যায়। এক কথা এক রকমভাবে বার বার যদি তাকে বলা হয় অর্থাৎ তাকে শোনান হয় তাতেও সে ঘুমিয়ে পড়ে। Liebault এ তথ্য মানতেন কিন্তু তিনি suggestion দেওয়াটার ওপর অর্থাৎ মানসিক দিকটার ওপরই বিশেষ জাের দিতেন। তাঁর মতে সম্মোহন প্রধানতঃ একটি মানসিক ব্যাপার—যদিও শারীরিক ক্রিয়াকলাপকে অভিভূত করে তার সাহায্যে এই অবস্থা আনা যায়।

সার্কো (Charcot) এবং তাঁর শিষ্যেরা বিশ্বাস করতেন যে, মানুষের স্নায়ুমগুলীকে অভিভূত করে মানুষকে ঘুম পাড়িয়ে ফেলবার ক্ষমতা চুম্বক ও অক্যান্ত ধাতুর মধ্যে আছে। তারা তাদের চৌম্বক শক্তির সাহায্যে শরীরের এক অংশের রোগ অক্ত অংশে নিয়ে যেতে পারে। নানা রকম শারীরিক প্রক্রিয়ার দ্বারা সম্মোহনের নানারকম স্তর উৎপাদন করা যায়। এই মতাবলম্বীদের আর একটা ধারণা ছিল যে, শুধু হিস্টিরিয়া রোগাক্রান্তকেই সম্মোহিত করা যেতে পারে এবং সেইজন্তে

তাঁরা সম্মোহন hypnoses-কে একটি স্নায়্র রোগ বলেই বিবেচনা করতেন।

Mesmer-এর অদৃশ্য তরল পদার্থে জৈব চুম্বকে বৈজ্ঞানিকদের আর বিশ্বাস নেই। সার্কোর তথ্যের কথাও আজকাল শোনা যায় না। Liebault প্রণোদিত "suggestion" তথ্যই সম্মোহনের একমাত্র বিজ্ঞানসম্মত তথ্য বলে অনেকে মনে করেন।



প্রাত্যহিক জীবনে যে সমস্ত ঘটনা ঘটে স্বপ্ন দেখা যে তার মধ্যে একটা সেটা আমরা অনেক সময় উপলব্ধি করি না অথবা উপলব্ধি করলেও তার উপর কোন গুরুত্ব আরোপ কখন করি না। বরং স্বপ্ন বিষয়ে কোনও রকম গুরুগন্তীর আলোচনা করবার প্রবৃত্তি যাঁদের মধ্যে দেখতে পাই তাঁদের আমরা নিতান্ত তুর্বলচিত্ত এবং কুসংস্কারাচ্ছন্ন বলেই মনে করি। মনোবিভাকে বিজ্ঞান বলে স্বীকার করে নেবার বিপক্ষে একটা মস্ত বড় যুক্তিই ত এই যে তথাকথিত মনোবিজ্ঞান জগতের বড বড় অতি প্রয়োজনীয় ব্যাপারে (যেমন আণবিক বোমা প্রভৃতির) দিকে দৃষ্টি না দিযে জীবনের যত সব তুচ্ছ ঘটনার, যেমন স্বপ্ন, ভুলে যাওয়া প্রভৃতির আলোচনায় ব্যস্ত হয়ে থাকে। স্বপ্ন ব্যাখ্যা করাত' দিদিমা ঠাকুরমাদের কাজ, বিংশ শতাক্ষীর কোনও বৈজ্ঞানিকের ঐ বিষয় নিয়ে মস্তিষ্ক চালনা করা সময় এবং শক্তির নিছক অপব্যবহার মাত্র। উপরন্ত স্বপ্নত একটা অত্যন্ত অসার অলীক অযৌক্তিক ব্যাপার— সাধারণভাবেই তার কোন একটা সঙ্গত আলোচনা করা যায় না। বৈজ্ঞানিক থালোচনা আবার কি করে হবে १

যা হোক, স্বপ্ন সম্বন্ধে আলোচনা বৈজ্ঞানিক কি অবৈজ্ঞানিক সে প্রশ্ন উত্থাপন করবার উপস্থিত প্রয়োজন নেই। বহু পুরাকাল থেকে স্বপ্ন বিষয়ে লোকে বিচার বিবেচনা করে আসছে। স্বপ্নের প্রকৃতি, কারণ, উদ্দেশ্য প্রভৃতি সম্বন্ধে নানা পণ্ডিত নানা মত প্রচার করে গেছেন। মনোবিদ্রা মানসিক ব্যাপার নিয়ে আলোচনা করেন, স্বপ্ন একটা মানসিক ঘটনা স্বতরাং তাঁদের এ আলোচনায় যোগদান করতে কৃষ্ঠিত হবার কোন কারণ ত নেইই বরং না করাটা হবে তাঁদের কত ব্যের ক্রটি। ক্ষুদ্র তুচ্ছ ব্যাপার বলেই কি কোনও বিষয় বৈজ্ঞানিক অনুসন্ধানের অযোগ্য হতে পারে ? গাছ থেকে আপেল পড়ে যাওয়াটা কি এমন প্রকাণ্ড ঘটনা ? সেই ক্ষুদ্র ঘটনার উপর ভিত্তি করেই পদার্থবিজ্ঞানের একটা বৃহৎ আবিষ্কার হয়,। প্রকৃত বৈজ্ঞানিক তাই তুচ্ছ হলেও কোন ঘটনাই অনুসন্ধানের অযোগ্য মনে করেন না।

উপরন্ত এক হিসাবে বলা যায় স্বপ্নই মনোবিছা, শুধু
মনোবিছা কেন, সমস্ত দর্শনশান্তেরই জন্মদাতা। আদিম যুগের
জীবনের যে ছটি ঘটনা মান্ত্রের কোতৃহল প্রবৃত্তিকে সবচেয়ে
তীব্রভাবে উত্তেজিত করেছিল তার একটি হচ্ছে স্বপ্ন আর
একটি মৃত্যু। এই ছটি ব্যাখ্যা করবার চেষ্টা থেকেই অশরীরী
মন, আত্মা প্রভৃতি ধারণার প্রথম উত্তব হয়। অনেক যুগ
ধরে নানা পথে বিপথে ঘুরে বহু তত্ত্বের (ism-এর) স্ষ্টি করে
মনোবিদরা আজ আবার উপলব্ধি করেছেন যে মনের প্রকৃতি
এবং কার্যাবলী সম্বন্ধে উপযুক্ত ধারণা করতে গেলে স্বপ্নালোচনা
এড়িয়ে গেলে চলবে লা। পুরাকালে স্বপ্ন যেমন মন সম্বন্ধে
আলোচনার প্রথম সৃষ্টি করেছিল আজ্ব আবার সেই

আলোচনাকে এগিয়ে দেবার সহায়তা করবে। স্বপ্ন তাই আজ্ব মনোবিভার ক্ষেত্রে একটা বিশিষ্ট স্থান অধিকার করে।

স্বপ্ন কাকে বলে সকলেই জানেন এবং বোঝেন। তবে স্বপ্নের ছ একটি বিশেষ লক্ষণের কথা এখানে মনে করে নেওয়া ভাল। প্রথম লক্ষণ নিজার সঙ্গের খনিষ্ঠ যোগাযোগ, না ঘুমলে আমরা স্বপ্ন দেখি না—নিজা ব্যতিরেকে স্বপ্ন হতে পারে না যদিও স্বপ্নবিহীন নিজা অনেক সময়েই হয়। স্বতরাং স্বপ্ন নিজাবস্থারই একটা মানসিক ঘটনা। দ্বিতীয়তঃ স্বপ্ন সম্বন্ধে আর একটি লক্ষ্য করবার বিষয় এই যে স্বপ্ন আমরা প্রায়ই ভূলে যাই। সমস্ত রাত হয়ত স্বপ্ন দেখলুম কিন্তু সকালে উঠে আর কিছুই মনে রইল না। তা বলে স্ব স্বপ্নই যে একেবারে ভূলে যাই তা নয়। তবে ভূলে যাওয়াটাই বেশীর ভাগ ক্ষেত্রে ঘটে।

তারপর স্বপ্ন চক্ষুরিন্দ্রিয়গ্রাহ্য বিষয়—অর্থাৎ স্বপ্ন আমরা দেখি,—গুনি না বা স্পর্শ, আত্মাণ প্রভৃতি করি না। নির্বাকচিত্রে (Bioscope) যেমন একটা সাদা পদার ওপরা সমস্ত ঘটনা ঘটে যায় আর আপনি তা দর্শকরপে শুধু দেখে যান, স্বপ্ন দেখা ব্যাপারটিও ঠিক সেই রকম। একটা আপত্তি বোধ হয় আপনাদের মনে জাগছে। স্বপ্ন কি ঘুমিয়েই দেখি, কেন জেগে জেগে কখন স্বপ্ন দেখি না ? তরুণ তরুণীরা, যুবক যুবতীরা জাগ্রত অবস্থাতেই ভবিষ্যতের কত রঙীন স্বপ্নই ত দেখেন। চাষীর মেয়ে—সেও ত মাঠে বসে দিনের বেলায় স্বপ্ন দেখে, রাজপুত্র এসে তার প্রেমপ্রার্থী হবে, তাকে

রাজরাণী করে নিয়ে যাবে। এ রকম স্বপ্ন অল্পবিস্তর আমরা সকলেই দেখি। ভবিস্তুতের এই ধরণের কল্পনাকে জাগরস্থা বা দিবা-স্বপ্ন (Day dreams) বলা হয়। কিন্তু প্রকৃত স্থাপের সঙ্গে জাগর-স্বপ্নের একটা বিশেষ প্রভেদ আছে। এই ধরণের কল্পনারাজ্যে যথন আপনি আপনাকে ছেড়ে দেন, তখন এ সবটাই যে নিছক কল্পনা সে বিষয় আপনি সম্পূর্ণ সচেতন থাকেন। কিন্তু ঘুনিয়ে স্বপ্ন যথন দেখেন তখন আপনি স্বপ্ন দেখছেন এ জ্ঞান আপনার আদে পাকে না।

যে স্থপ্ন আমরা দেখি সেগুলিকে এক হিসাবে তিন শ্রেণীতে ভাগ করা যায়। প্রথম, কতকগুলি স্বপ্নের বিষয়বস্ত বেশ সহজ স্রল স্বাভাবিক অসামঞ্জস্তবিহীন এবং অর্থপূর্ণ। ছোট ছেলেদের বেশীর ভাগ স্বপ্ন এই ধরণের। স্বপ্নে যা দেখা যায়, জাগ্রত অবস্থায় তা ঘটা আদৌ অসম্ভব নয়। দ্বিতীয়, কতকগুলি স্বপ্ন অসামঞ্জয়বিহীন এবং অর্থপূর্ণও বটে, তবে জাগ্রত জাবনের ঘটনাবলীর সঙ্গে স্বপ্নদৃষ্ট ঘটনার যোগাযোগ খুঁজে পাওয়া যায় না। যেমন ধরুন একজন স্বপ্ন দেখলেন যে তাঁর বন্ধু ট্রাম থেকে পড়ে গিয়ে গুরুতরভাবে আহত হওয়ায় লোকে তাঁকে হাসপাতালে নিয়ে গেছে এবং সেখানে বন্ধুটির মৃত্যু হয়েছে। এরূপ ঘটনা ঘটা অসম্ভব নয় কিন্তু বন্ধু জীবিত আছেন স্থতরাং বাস্তব-জীবনের ঘটনার সঙ্গে এই স্বপ্নের খাপ খাওয়ান যায় না। তৃতীয়, কতকগুলি স্বপ্ন একেবারে অর্থহীন আজগুবি অসম্ভব ঘটনার সমাবেশ, কোনও ঘটনার সঙ্গে কোনও ঘটনার যোগাযোগ নেই। জাগ্রত জীবনের ধারার সঙ্গে ত কোনও মিলই নেই—থাকতে পারে না। বেশীর ভাগ স্বপ্ন এই ধরণেরই হয়। শেষোক্ত জাতীয় স্বপ্নে একটা অবাস্তবতার, অপরিচয়ের ভাব থাকে। স্বপ্নক্টা তাঁর নিজের জীবনের সঙ্গে এদের খাপ খাওয়াতে কোন রকমেই পারেন না। তাই তিনি মনে করেন, সত্যিই এগুলি একেবারে বাইরের জিনিস—অন্ত পৃথিবীর জিনিস, তিনি যে পৃথিবীতে বাস করেন, যে চিন্তা-জগতে বিরাজ্প করেন, তার সঙ্গে এদের কোন যোগাযোগ নেই।

কিন্তু সতিাই কি নেই ? আপনি এ রকম আজগুবি স্বপ্ন দেখেছেন, সেটা ত একটা বাস্তব ঘটনা। তার কি কোন কারণ নেই ? কারণ ভিন্ন যে কোন কার্য হয় না এটা ত ৰিজ্ঞান দর্শন সবেরই গোডার কথা। কোন একটা চিন্তা যথন আপনার মনে আসে তখন সেটা ত হঠাৎ বিনা কারণে আদে না। আপনার পূর্বজীবনের অভিজ্ঞতা, আপনার ইচ্ছা প্রক্ষোভ প্রভৃতির ভিতরেই তার কারণ খুঁজে পাওয়া যায়। আপনার স্বপ্ন দেখা—তা সে স্বপ্ন ' যত উদ্ভট হোক—আপনার মনেরই একটা ঘটনা। স্বতরাং তার কারণের সন্ধানও নিশ্চয়ই আপনার জীবনের অভিজ্ঞতা. ইচ্ছা, আশা, আকাজ্ঞা, ধারণা প্রভৃতির ভিতর থেকে পাওয়া 'ঘাবে। একথা আধুনিককালে বৈজ্ঞানিক ফ্রয়েডই, প্রথম জোর করে বলেছেন। মানসিক রোগগ্রস্তদের চিকিৎসা করতে করতেই তিনি তাঁর নতুন স্বপ্নতত্ত্ব প্রকাশ করেন। তাঁর মতে স্বপ্ন কতকগুলি তুচ্ছ অর্থ—সামঞ্জস্ত-

হীন মানসিক ব্যাপারের যথেচ্ছ সমাবেশ নয় পরস্তু অত্যস্ত অর্থপূর্ণ, অত্যস্ত ঘনিই মানসিক ঘটনার বিকৃতভাবে বিকাশ। প্রত্যেক স্বপ্রই কোন একটা ইচ্ছা পূরণ করে বা করবার চেষ্টা করে। এ ভত্ত্ব মেনে নেবার বিরুদ্ধে নিশ্চয়ই আপনারা অনেক যুক্তির অবতারণা এখনই করতে পারেন। কিন্তু আপত্তি করবার আগে তত্ত্বটা আর একটু বিশদভাবে বোঝবার চেষ্টা করা প্রয়োজন।

স্বপ্নে যা দেখি তা অর্থপূর্ণই হোক বা অর্থহীনই হোক তাকে স্বপ্নের ব্যক্ত অংশ (Patent or manifest content) বলা যায়। এই ব্যক্ত অংশের এক একটা প্রকরণ কোনও অবদ্মিত চিম্তাশ্রেণীর বা প্রক্ষোভের রূপান্তর। অবাধ ভাবানুষঙ্গ প্রণালীর (Free Association Method-এর) সাহায্যে ব্যক্ত অংশটার বিশ্লেষণ করলে যা পাওয়া যায় তার নাম স্বপ্নের অব্যক্ত অংশ (Latent Content)। ব্যক্ত অংশ যতই আজগুবি হোক, অব্যক্ত অংশ সম্পূর্ণ সামঞ্জস্তপূর্ণ এবং অর্থাবিশিষ্ট। প্রায়ই এই অব্যক্ত অংশ এমন কোনও একটা বাসনা বা মান্সিক অবস্থা সামাজিক জীবনে যা চরিতার্থ করা বা যার বিকাশ করা সম্ভব-পর নয়। সামাজিক আদর্শ-বিরুদ্ধ বলেই কতকগুলি চিন্তা, ভাব প্রভৃতি অবদমিত হয়ে মনের নির্জ্ঞান স্তরে চলে যায়। মনঃসমীক্ষণ এই শিক্ষা আগেই দিয়েছে আমাদের। কিন্তু নির্জ্ঞান স্তরের জিনিসের স্বভাবই হচ্ছে এই যে তারা ক্রমাগত সংজ্ঞান স্তরে (Consious Level-এ)

আসতে চায়। মনের প্রহরী (Censor) থাকে, বিবেক বলে মনে করতে পারেন, সে তাদের নিজক্রপে সংজ্ঞানে আসতে দেয় না। তাই তারা ছল্পবেশে আসে। প্রহরীকে এড়িয়ে সংজ্ঞানে আসবার নানারকম উপায়ের ভিতর স্বপ্রও একটা উপায়। স্বপ্রের ব্যক্ত অংশ তাই মানসিক রোগের লক্ষণের (Symptom-এর) স্থায় অর্থহীন হয়। প্রকৃত অর্থ লুকিয়ে রাখাই তার কাজ।

অব্যক্ত অংশ কি করে ব্যক্ত অংশে পরিণত হয় তার কতকগুলি সূত্রও আবিষ্কৃত হয়েছে। একটা সূত্রের নাম সংক্ষেপণ (Condensation)। অব্যক্ত অংশের অনেকগুলি প্রকরণ মিশিয়ে হয়ত ত্যক্ত অংশের একটি প্রকরণ স্বষ্ট হয়। স্বপ্নে যে লোককে বেঁটে ও অন্ধ দেখলেন, তিনি হয়ত আপনার জানা একজন বেঁটে এবং আর একজন অন্ধ— এই তুইজনকে বোঝাতে পারে। আবার একটা লোকের তিনটি গুণ প্রকাশের জন্ম স্বপ্নে হয়ত আপনি তিনটি লোক দেখলেন। লোক সম্বন্ধে যেমন, স্থান নাম ইচ্ছা প্রভৃতির সংমিশ্রণে তেমনি ব্যক্ত অংশে একটা অর্থহীন প্রকরণের সৃষ্টি হতে পারে। বোম্বাইতে কনফারেন্সে যাওয়া উচিত, না শরীরটা সারাতে বন্ধুর কাছে এলাহাবাদ যাওয়া প্রয়োজন-কাদন ধরে চিন্তা করবার পর স্বপ্নে হয়ত' দেখলেন যে আপনিট্রেণে করে বেডাতে যাচ্ছেন, একটা কেঁশনে নামলেন যার নাম বড় বড় অক্ষরে সেখা রয়েছে Allambay (Allahabad এবং

Bombay-র সংমিশ্রণ)। এটা অবশ্য খুব সরল একটা কাল্পনিক দৃষ্টাস্ত। আসলে যা ঘটে তা এর চেয়ে চের বেশী জটিল। এই সংক্ষেপণ ব্যাপার শুধু যে স্বপ্নেরই বিশেষত্ব তা নয়। হাস্তরসস্প্তিতে (Wit), কাব্যালঙ্কারে, ভাষার ক্রমপরিণতিতে সংক্ষেপণের অনেক পরিচয় পাওয়া যায়।

দ্বিতীয় সূত্রটিকে অভিক্রান্তি (Displacement) বলা হয়। অনেক সময় ব্যক্ত অংশের কোন একটা ক্ষুদ্র প্রকরণ অব্যক্ত অংশের দামী প্রকরণের প্রকাশক হয়। এর ঠিক বিপরীতও আবার হয়, ব্যক্ত অংশের খুব বড রকমের একটা প্রকরণ হয়ত অব্যক্ত অংশের অকিঞ্চিৎকর কোন ঘটনার নির্দেশ দেয়। আর এক রকমের অভিক্রান্থি প্রক্ষোভ সম্পর্কে—ছোট একটা ঘটনার সঙ্গে গভীর প্রক্ষোভ যুক্ত হতে পারে। · আবার বড় একটা ঘটনা— যেখানে প্রক্ষোভ আশা করা স্বাভাবিক—সেখানে কোন **চিত্র**বিকার্ট নেই অথবা অশোভন বিপরীত কোনও ভাবের প্রকাশ দেখা যায়। স্বামীর কোনও নিকট আত্মীয়ের মৃতদেহ সংকারের জন্য ।নয়ে যাওয়া হচ্ছে, সঙ্গে অনেক লোক কনসাৰ্ট-এ খুব হালা নাচেব গান বাজাতে বাজীতে এবং আনন্দের আতিশয্যে নাচতে নাচতে যাচ্ছে, তিনি রাস্তায় দাঁডিয়ে শোভাযাতা দেখছেন—এক মহিলা এই স্বপ্ন দেখেছিলেন। এটা বাস্তব দৃষ্টান্ত। অভিক্রান্তিও প্রকৃত মনোভাব গোপন রাথবার সহায়তা করে।

তৃতীয় সূত্রটার ইঙ্গিত আগেই দিয়েছি। এর নাম নাটন (Dramatisation)। স্বপ্নে সমস্ত ঘটনাই ছবির আকারে আসে। একজন কিছু খাচ্ছেন বা ছেলেকে প্রহার করছেন এ রকম ঘটনা ছবিতে সহজেই দেখান যায়। কিন্তু আপনি আর একজনের উপর যে ঘুণার বা অবঙার ভাব পোষণ করেন তা কি করে ছবিতে দেখান যায়। ধরুন ঘূণিত লোকটার দেহের উপর কোন একটা ঘুণ্য জানোয়ারের মাথা দেখলেন। অবজ্ঞা প্রকাশ পেল না কি ? ভালাক, বুলডগ প্রভৃতির ছবির ভিতর দিয়ে এক একটা জাতের মানসিক বৈশিষ্ট্যের পরিচয় দেওয়া হয়, তা ত'জানেন। খবরের কাগজে নানা রকমের ব্যঙ্গচিত্র দেখেছেন। স্বপ্নে মানসিক গুণাবলীর প্রকাশ এই ধরণের চিত্রের সাহায্যে হয়ে থাকে। গুণবাচক (adjectives), নঙর্থক (negatives) প্রভৃতি কি ভাবে স্বপ্নের ব্যক্ত অংশে পরিস্ফুট হয় সে বিষয়ে ফ্রয়েড এবং অন্তান্ত সমীক্ষকেরা বহু গবেষণা করেছেন এবং বহু তথ্য আবিষ্কার করেছেন।

এই সব স্ত্রের সাহায্যে অবদ্মিত কোন বাসনা সংজ্ঞানে প্রবেশ করে নিজেকে চরিতার্থ করে। এই হল স্বপ্নের মোটামুটি তত্ত্ব। এই তত্ত্ব অনুসারে প্রত্যেক স্বপ্নেরই অর্থ আছে। বিশ্লেষণ করলে সেই অর্থের সন্ধান পাওয়া যায়। বিশ্লেষণ করবার উপায় হচ্ছে অবাধ ভাবানুষঙ্গ প্রণালী (Free association method)। ধরুন আপনার সঙ্গে কোন এক ব্যক্তি এমন ব্যবহার করলেন যে আপনি নিজেকে অত্যক্ত অপমানিত বোধ করলেন—কিন্তু ঘটনাচক্র এমন ছিল

বে ক্লোকটাব বিরুদ্ধে একটা নিক্ষল আক্রোশের ভাব পোষণ করা ছাড়া আপনার আর কিছু করবার ছিল না। আপনি স্থা দেখলেন যে, একটা ছোট ছেলে একটা বুনো ভাল্লুককে অস্ত্রাঘাত করতে করতে একেবারে কাবু করে দিলে। ছোট ছেলে যদি আপনি হন এবং বুনো ভাল্লুক যদি সেই অপমানকারী ভদ্রলোক হন, তাহলে স্বপ্নের অর্থ নিশ্চয়ই বুঝতে পারছেন। বলে রাখি, এটাও একটা কাল্লনিক সহজ দৃষ্টাস্ত।

মনোজগতে প্রতীক (Symbols) একটি বিশেষ স্থান অধিকার করে। দেহ, জননেন্দ্রিয়, পিতা, মাতা প্রভৃতি ব্যক্ত করতে, কতকগুলি এক ধরণের প্রতীক প্রায় সব দেশেই প্রচলিত আছে। স্বপ্নে সমাট বা সামাজ্ঞী পিতামাতার প্রতীক। লাঠি গাছ প্রভৃতি পুংলিঙ্গের এবং বাক্স দরজ্ঞা প্রভৃতি স্ত্রী-জননেন্দ্রিয়ের প্রতীক।

শারীরতত্ত্বিদ্দের মতে স্বপ্নের একমাত্র কারণ বহিরাগত কোনও উত্তেজনা। মস্তিকে যে শাসন ও নিয়ন্ত্রণ ব্যবস্থা আছে, নিজাকালে তা শিথিল হয়ে আসে। তাই স্বপ্ন অমন এলোমেলো ধরণের হয়। তৃষ্ণাত অবস্থায় ঘুমিয়ে পড়লেন— স্বপ্নে দেখলেন জলপান করছেন। স্থতরাং শরীরের তৃষ্ণাত অ্বস্থাটাই ঐ স্বপ্নের একমাত্র কারণ। আলোটা জেলে রেখেই ঘুমুলেন; স্বপ্নে দেখলেন কোথাও যেন আগুন লেগেছে। এ স্বপ্নের কারণ ঐ বাস্তব্ আলোর শরীরের উপর প্রতিক্রিয়া। বিস্তৃতভাবে এ তত্ত্ব আলোচনা করা এখানে সম্ভব নয়। তবে

একথা বলা যায় যে স্বপ্নের সাধারণ তত্ত্ব হিসাবে শারীরতত্ত্ববিদ্দের মত গ্রহণ করা যায় না। তর্কশান্ত্র এবং বাস্তব ঘটনা
ত্বইই এ তত্ত্বর বিপক্ষে। এক সময় লোকের ধারণা ছিল—
এখনও অনেকের আছে—যে স্বপ্ন ভবিস্তাত ঘটনার নির্দেশ দেয়
বা দূরস্থিত প্রিয়জনের সংবাদ—(হুঃসংবাদই) বহন করে
আনে। আপনি স্বপ্নে দেখলেন যে মাজাজে আপনার বন্ধু
অন্ধুস্থ হয়ে পড়েছেন; পরদিন সকালে ঠিক ঐ মর্মেই মাজাজ
থেকে একখানি টেলিগ্রাম পেলেন। বেশীর ভাগ স্বপ্নই ঐ
ধরণের নয়। স্থতরাং এ তত্ত্বও স্বীকার করে নেওয়া যায় না।
শারীরতত্ববিদ্ এবং অক্যান্ত তত্ত্বিদ্রা তাঁদের তত্ত্ব প্রতিপন্ন
করবার জন্ত যে সমস্ত দৃষ্টান্তের উল্লেখ করেছেন ক্রয়েডের তত্ত্ব
অনুসারে সে সব দৃষ্টান্তেরই সঙ্গত ব্যাখ্যা হতে পারে। স্থতরাং
ক্রয়েডের তত্ত্বই যে সব চেয়ে ব্যাপক সে বিষয়ে সন্দেহ নেই।



মানুষের জন্মের সঙ্গে সঙ্গেই তার ভয়ও জন্মায়। ভয় একটি সহজাত বৃত্তি। ভয়ের উৎপত্তি এবং অভিব্যক্তির ইতিহাস জানতে হলে জাস্তব জীবনের ক্রমপরিণতির ইতিহাস অধ্যয়ন করতে হয়। বিবত নবাদীদের মতে, জল্ঞ জানোয়ারদের কাছ থেকে উত্তরাধিকার সূত্রে যে সব বৃত্তি মানুষ লাভ করেছে ভয় তারই মধ্যে একটি। বিখ্যাত প্রাণীতত্ত্বিদ্ ডারউইন্ বিভিন্ন শ্রেণীর পশুদের প্রক্ষোভসমূহের অভিব্যক্তি (expression of emotions) অধ্যয়ন করবার সময় তাদের ভীতিব্যঞ্জক ব্যবহার মনোযোগের সঙ্গে পশুদের ব্যবহারের যে যথেষ্ট সাদৃশ্য আছে, তা দেখিয়েছেন।

ভয় পেলে মান্ন্থের চেহারার কি রকম পরিবর্তন হয়, তা অল্প বিস্তর সকলেরই জানা আছে। গায়ের লোম খাড়া হয়ে ওঠে, চোখের তারা বিক্ষারিত হয়, শরীর কাঁপতে থাকে, বুক ছড়ছড় করে, ঘাম হয়। এ সব ছাড়া মাংসপেশী প্রভৃতির আ্বাপ্ত অনেক স্ক্ল্প পরিবর্তন হয়, যা আমরা সকলে হয়ত ঠিক ধরতে পারি না; কিন্তু বিশিষ্ট অভিনেতারা, তাঁদের এ বিষয়ে তীক্ষ্ণ দৃষ্টি আছে বলে ঠিক বুঝতে পারেন। শরীরের অভ্যন্তরেও অনেক ব্যাপার ঘটে যন্ত্রপাতির সাহায্যে যা

প্রকাশ করা যায়, যেমন রক্তের চাপ বৃদ্ধি এবং চলাচলের ব্যতিক্রম, গ্রন্থিসমূহের (glands) কার্যের বৈশক্ষণ্য, পাকস্থলীর ক্রিয়ার সাময়িক নিরোধ প্রভৃতি। মানসিক ঘটনাবলীর সঙ্গে শারীরিক ব্যাপারের যোগাযোগ ঠিক কি রকম এবং কত ঘনিষ্ঠ, মনোবিদদের মধ্যে অনেকে এ সম্বন্ধে বিশেষভাবে অমুসন্ধান করে থাকেন। তাঁদের Physiological Psychologist বলা হয়। আপনি যথন গভীর চিন্তায় মগ্ন, শোকে অভিভূত বা আনন্দে আত্মহারা হন, কিংবা সমস্ত মন প্রাণ দিয়ে কোন কাজে ব্যস্ত থাকেন, তখন কি ধরণের এবং কত রকমের বাহ্যিক এবং আভান্তরীণ শারীরিক পরিবর্তন হয়, তা নিরূপণ করবার চেষ্টা করা বাস্তবিকই বিশেষ আনন্দদায়ক কাজ। সৌভাগ্যের কথা, এই বিংশ শতাব্দীর প্রারম্ভ থেকেই এ বিষয়ে যথেষ্ট গবেষণা এবং জন্তু ও মানুষ উভয়ের উপরেই নানা দেশে বহু পরীক্ষা হয়েছে এবং অনেক তথা সংগ্রহ করতে আমরা সমর্থ হয়েছি। এ কথা অবশ্য সব সময়েই মনে রাখতে হবে যে. আমরা যা জানি তার চেয়ে আমরা যা জানি না তা অনেক বেশী।

পৃথিবীতে যারা জন্মায়, নিজেদের বাঁচিয়ে রাখবার একটা অদম্য বৃত্তি নিয়েই তারা জন্মায়। ভয়ের মত আত্মসংরক্ষণও (self preservation) সহজাত বৃত্তি। এ ছটির মধ্যে সম্বন্ধও তাই ঘনিঠ। আমাদের প্রিবেশ বেঁচে থাকবার পক্ষে সব সময় অনুকূল নয়; বরং বলা যায় যে সব সময়েই প্রতিকৃল। প্রতিকৃল পরিবেশের সঙ্গে সংগ্রাম করেই প্রাণী-মাত্রকেই বেঁচে থাকতে হয়। এই সংগ্রামে জয়ী হবার অনেক কায়দা (technique) জন্তু জানোয়ার এবং মানুষ আয়ত্ত করেছে, তাই তারা কেট তিন, কেউ কুড়ি, কেউ বা তিন কুড়ি দশ বছর বাঁচতে সমর্থ হয়। কিন্তু কখনও কখনও তারা এমন প্রতিকূল পরিবেশের সম্মুখীন হয়, যা তাদের আয়ত্তের সম্পূর্ণ বাইরে। তারা বুঝতে পারে না, কি করলে এই অবস্থার হাত থেকে অব্যাহতি পাওয়া যাবে। প্রাণীর পক্ষে এই অবস্থা বিপজ্জনক অবস্থা (dangerous situation)। যে অবস্থায় আত্মসংরক্ষণরত্তিতে আঘাত লাগে, সেই অবস্থাই বিপজ্জনক অবস্থা। এই অবস্থায় প্রাণী যখন পড়ে, তখন তার যে প্রক্ষোভের উদয় হয়, তারই নাম ভয়। এই বিপদ থেকে নিজেকে বাঁচাতে প্রাণী অসমর্থ হলে তার মৃত্যু হয়, কিন্তু যদি কোন উপায়ে আত্মরক্ষা করতে সে সমর্থ হয় তা হলে এই ভয়ই তাকে ভবিষ্যতে বাঁচিয়ে রাখবে — কি করে তা বলি। এঁই বিপজ্জনক পরিবেশের কোন একটা বা ততোধিক প্রকরণ (item বা element)-এর সঙ্গে ভয় ঘনিষ্ঠভাবে জড়িয়ে যায়, যাকে ইংরেজীতে বলে—conditioned হয়ে যাওয়া। ভবিষ্যতে প্রকরণটির ইঙ্গিতমাত্র পেলেই ভয়ের উদয় হয়, প্রাণী সে পরিবেশ থেকে দূরে চলে যায়, বিপদের মধ্যে আর পড়ে না। ভয়কে সেইজন্মে বিপদের সংকেত (danger signal) বলে বর্ণনা করা খুবই যুক্তিযুক্ত। আত্মসংরক্ষণবৃত্তি ব্যাহত হবার সম্ভাবনা হলেই ভয়ের উদয় হয়।

এখানে ছটি আপত্তির কথা মনে হওয়া খুবই স্বাভাবিক। প্রথম, এই যদি ভয়ের জন্মকথা হয়, তা হলে বুঝতে হবে যে, ভয় অভিজ্ঞতাসাপেক্ষ। অথচ একটু আগেই বলেছি, যে ভয় সহজাত। সহজাত এবং অভিজ্ঞতাসাপেক্ষ—এ চটি পরস্পর বিরোধী। স্বতরাং একই সময়ে একই বস্তু সম্বন্ধে কি করে হুটি বাক্যই প্রয়োগ করা যায় ? দ্বিতীয়, ছোট ছেলেমেয়ের। কত জিনিসে যে ভয় পায়, তার তো ঠিক নেই। অন্ধকার, জোর শব্দ, মার অদর্শন, জ্ঞু জানোয়ার, অচেনা লোক ইত্যাদি অনেক জিনিসই তো তার ভয়ের উদ্রেক করে। ভয় যদি অভিজ্ঞতাসাপেক্ষ হয়, তা হলে চার পাঁচ বছরের জীবনের মধ্যে এত অভিজ্ঞতা তাদের কি করে সম্ভব হলো ? দ্বিতীয় আপত্তিটির কথাই আগে বলি। ছোট ছেলেমেয়েরা অনেক জিনিসেই যে ভয় পায়, বিশেষত বাংলা দেশের ছেলেমেয়েরা, সে কথা খুবই ঠিক। কিন্তু একটু মনোযোগের সঙ্গে যদি পর্যবেক্ষণ করেন, তা হলে সহজেই বঝতে পারবেন যে, তাদের অনেক ভয়ই তাদের অভিজ্ঞতার উপরেই গঙে উঠেছে, শিক্ষার ফলে বা কুফলে হয়েছে। মনোবিদরা বলেন. মাত্র কয়েকটি জিনিসের ভয় স্বভাবজাত, বাকি সবই অভিজ্ঞতা-সাপেক। উচ্চ শব্দের ভয় স্বাভাবিক। ছোটছেলে হয়তো অন্ধকার ঘরের দিকে যাচ্ছে কিংবা কোন জানোয়ারের গায়ে হাত দিতে যাচ্ছে, এমন সময় তার মা খুব চেঁচিয়ে বলে উঠলেন, 'এই—এই খোকা, যাস নি ওদিকে' অথবা 'ছি ছি, হাত দিস নি ওর গায়ে, ছু স নি ওকে'। এই রকম বারকতক হলেই উচ্চ শব্দের জন্মে যে স্বাভাবিক ভয়, সেটা ওই অন্ধকারে কিংবা ওই জন্ধতে সঞ্চারিত হয়ে যায়। ছেলে অন্ধকারকে. ওই জন্তুকে ভয় করতে আরম্ভ করে। এ জবাবে প্রথম আঁপতিটি যেন আরও প্রবল হয়ে গেল। যদি ধরেই নেওয়া যায় যে, তু-একটি, এমন কি একটিও ভয় স্বাভাবিক, তা হলে ভয়কে অভিজ্ঞতাসাপেক্ষ বলা চলে না। এর উত্তরে বিবর্ত নবাদের কথা মনে করতে হবে। ভয়ের উৎপত্তির কথা যথন বলছিলুম, তখন নবজাত মনুষ্যশিশুর কথা বলিনি। প্রাগৈতিহাসিক যুগের যে সমস্ত জন্তু-জানোয়ারের ক্রমপরিণতির ফলে আজ মানুষ তার মনুষ্যন্থ লাভ করেছে, সেই জন্তু-জানোয়ারদের কথাই বলছিলুম। তাদের কাছে যেটা অভিজ্ঞতাসাপেক ছিল, বংশপরস্পরায় চলে আসাতে মনুষ্য শিশুতে সেটা সহজাত বৃত্তি হয়ে দাঁডিয়েছে। আপনার নিজের জীবনেই দেখুন না, অভ্যাস যেমন দ্বিতীয় প্রকৃতি হয়ে দাঁড়ায় (Habit becomes second nature) জন্ত-জানোয়ারের মানুষে ক্রমপরিণত হবার ইতিহাসে তেমনই অভিজ্ঞতাসাপেক্ষ বস্তু সহজাত বৃত্তি হয়ে পডে।

জন্ত-জানোয়ারদের পরিবেশ Physical অর্থাৎ ইন্দ্রিয়গ্রাহ্য পদার্থসমূহের দ্বারা সম্পূর্ণভাবে নিবদ্ধ। এইসব পদার্থের দ্বারা যে বিপজ্জনক অবস্থার সৃষ্টি হয়, তা থেকে নিজেদের বাঁচাতে পারলেই তাদের আত্মসংরক্ষণর্ত্তি চরিতার্থ হয়। এ পরিবেশ মান্থবেরও আছে, কিন্তু বিবর্তনের ফলে তার আর একটা নতুন পরিবেশ গড়ে উঠেছে, যাকে আমরা বলি সামাজিক। এই সামাজিক পরিবেশ (social environment) ইন্দ্রিয়গ্রাহ্য পদার্থের ওপর নির্ভর করে না—পরস্পরের ভেতর যে মানসিক সম্পর্ক সেই হচ্ছে এর ভিত্তি। মানুষ বলতে আমরা শুধু তার শরীরটাই মনে করি না, তার চিন্তাধারা, ভাব, প্রক্ষোভ, আচার-ব্যবহার, রীতি-নীতি প্রভৃতিও বুঝি। এগুলি তার বিশেষ অন্তর্ক্ত জিনিস, অনেক সময় প্রাণের চেয়েও প্রিয়তর। মানুষের কাছে তাই আত্মসংরক্ষণ মানে শুধু তার প্রাণটা বাঁচানোই নয়, এগুলিকে বজায় রাখাও আত্মসংরক্ষণের অন্তর্ভুক্ত।

পরিবেশ তু'রকম বলে মান্নুষের বিপদও আসে তুদিক থেকে। অক্যান্থ্য প্রাণীদের মত পদার্থ এবং নৈসগিক ঘটনাবলী থেকে ত আসেই, উপরস্তু সামাজিক পরিবেশে এমন কোন ঘটনা যদি ঘটে যাতে তার মনের সম্পূর্ণতার (integrity) হানি হতে পারে বা পরস্পরের মধ্যে সম্পর্কের বিচ্যুতি ঘটায় তা হলে সে ঘটনা তার কাছে বিপজ্জনক ঘটনা বলেই প্রতীয়মান হয়। স্কৃতরাং ভয় বা উৎকণ্ঠার উদয় হয়। এই সামাজিক পরিবেশ একটি অভিশয় জটিল ব্যাপার এবং মানসিক স্বাস্থ্য বজায় রাংগার পক্ষে সব সময় অনুকূল নয়। তাই আত্মসংরক্ষণ করতে হলে মানুষকে এখানেও ছন্দের ভেতর দিয়েই যেতে হয়। তবে প্রতিকূল বাহ্যিক পরিগমের আক্রমণ থেকে নিজ্কের

প্রাণ বাঁচাবার অনেক কৌশল যেমন সে আয়ন্ত করেছে,
সামাজিক পরিবেশের কতকটা নিজের বশে এনে বহু
দ্বন্দের হাত থেকে সে নিজেকে মুক্ত করেছে। যুগ যুগ
ধরে একত্র বাস করবার ফলে সমাজের প্রত্যেকেই অন্ত সকলের সাহচর্যে একটা নিরাপত্তা অনুভব করতে অভ্যস্ত হয়ে গেছে। এই নিরাপত্তা-ভাবই (Sense of security)
এখন সমাজের স্থায়িত্ব এবং ক্রমোন্নতির প্রধান ভিত্তি। এই
নিরাপত্তা-ভাব কোন কারণে ক্ষুগ্ন হবার সন্তাবনা হলেই
আমরা নিজেদের বিপন্ন বলে বোধ করি এবং মনে আমাদের
উৎকণ্ঠার উদ্রেক হয়।

এই সাধারণ তথ্য থেকে কিন্তু আপনি ঠিক কিসে ভয় পাবেন এবং কি ভাবে তা প্রকাশ করবেন, তার কোন ইঙ্গিত পাবেন না। সমাজই নিরাপত্তা-ভাব এনে দেয়, কিন্তু সব সমাজের গঠন তো একরকম নয়। আপনি যে সমাজের লোক, যার আদর্শ, ভাব, চিন্তাধারা প্রভৃতি নিজের মনের মধ্যে মেনে নিয়ে শান্তিতে বাস করেন, সেই সমাজচ্যুত হয়ে অস্তু সমাজে বসবাস করতে গেলেই একটা উৎকণ্ঠার ভাব আপনার মনে আসবে। বিবাহ করবার পরই নববিবাহিতাকে নিয়ে মা, বংবা, পারবারবর্গ থেকে বিছিন্ন হয়ে বাস করা—গীনের অধিবাসীদের সামাজিক আচার নয়, কিন্তু পাশ্চাত্য দেশসমূহে এটি অনুমোদিত রীতি। স্বতরাং পুরানপন্থী চীনবাসী ওই কাজ করতে উৎকণ্ঠা বোধ করবেন, পাশ্চাত্য দেশ-

বাদী করবেন না। তারপর আপনার নিজের সমাজেই বিভিন্ন স্তর আছে। আপনি যে স্তরের, সেখান থেকে অন্য স্তরে যেতে হলেই আপনি অম্বস্তি অনুভব করবেন, সে অস্বস্তি উৎকণ্ঠারই রূপান্তর। আপনার ^{প্}রিবারবর্গ এবং আপনার বন্ধুর পরিবারবর্গের মধ্যে অনেক বিষয়ে যথেষ্ট মিল থাকলেও বৈসাদৃশ্যও আছে। সেখানেও ওই একই কথা প্রযোজ্য। পরিশেষে দেখুন, আপনার পরিবারের প্রত্যেক লোকেরই কিছু না কিছু বৈশিষ্ট্য আছে, আপনার নিজেরও আছে। সেই বৈশিষ্ট্য বজায় রাখাও আপনার আত্মসংরক্ষণের কাজ। সেখানে আঘাত লাগলেও আপনি উদ্বিগ্ন হবেন। স্থুতরাং সামাজিক পরি<েশের দিক থেকে এমন কোন কিছু রাতি বা ঘটনা আঙুল দিয়ে দেখিয়ে দেওয়া যায় না যা সব সময়ে সব দেশে সব লোকেরই মনে ভয়ের সঞ্চার করবে। পরস্পরের এতগুলি বৈশিষ্ট্য বজায় রাখতে হলে সামাশ্য একটু আধটু দ্বন্দ্ব অবশ্যস্তাবী তবে আমরা সাধারণত সকলের সঙ্গে মিলে-মিশেই চলি। আপনি যে বৈশিষ্ট্যের বেশি দাম দেন, সেইটি যখন বিশেষভাবে আক্রান্ত হয়, তখনই আপনার উৎকণ্ঠা পরিস্ফুট হয়ে ওঠে।

আরও দেখুন, বিবর্তনের সঙ্গে সঙ্গে আপনার আত্মবোধ ক্রেমশই বিস্তৃত হচ্ছে। এখন আপনি মানে শুধু আপনার নিজের শরীর ও মন নয়। আপনার পরিবারবর্গ, বৃদ্ধু-বান্ধব, আপনার সমাজ দেশ প্রভৃতির লোকেরাও—এঁদের সকলকেই আপনি আপনার মধ্যে টেনে নিয়েছেন, তাঁদের সঙ্গে নিজেকে এক করে ফেলেছেন, identify করেছেন, কাজেই তাঁদের বিপদ আপনি আপনার নিজের বিপদ বলেই মনে করেন। সেইজন্ম তাঁদের অমুখ করলে অথবা তাঁদের শারীবিক বা মানসিক কোন রকম বিপদের সম্ভাবনা হলেই আপনি ভয় পান, উৎকণ্ঠিত হন। মামুষ আবার শুধু বর্তমান নিয়েই থাকে না, ভবিদ্যুতের কল্পনাও সে করে। তাই ভবিশ্যতে কোথা থেকে বিপদ আসতে পারে তার চিন্তাও সে করে, এবং সেই অনাগত ভবিশৃৎ ভয়ের অবস্থা থেকে পরিত্রাণ পাবার ব্যবস্থা সেবর্তমানেই করে রাখবার চেষ্টা করে।

সাধারণত লোকে এই সব অবস্থায় উৎক্ঠিত হয়। কিন্তু
আপনি আরসোলা, না মাকড়সা বুঝি, না নেংটি-ইন্দুর দেখলে
অত ভয়ে আঁতকে ওঠেন কেন ? এই সব নিরীহ প্রাণী
আপনার কি এমন মারাত্মক ক্ষতি করতে পারে ? একজন
ভদ্রলোক বেশ হিসাবী সাংসারিক লোক ছিলেন, কিন্তু
আজকাল তিনি বাড়ি থেকে মোটেই বেকতে পারেন না বলে
কাজকর্মের অভাবে তাঁর অবস্থা খুবই খারাপ হয়ে পড়েছে।
তিনি বাড়ি থেকে বেকতে পারেন না কেন জানেন ? আঁর
ভয় হয়, যদি রাস্তার হুধারের বাড়িগুলো ভেঙে তাঁর মাড়ে
পড়ে! তিনি তর্ক করেন, বলেন, এটা সম্ভব তো ? আর
একজন প্রোঢ় অবসর-প্রাপ্ত গভ্যে টের উচ্চপদস্থ সরকারী
ক্মিচারী, যিনি বরাবর খুব স্কৃতিছের সঙ্গে কাজ করে

এসেছেন, বজ্রপাতের শব্দ হলেই ভয়ে প্রায় মূছ্র যান। কেউ কেউ ভয়ের একটা আবহাওয়া 'সৃষ্টি করে যেন জানন্দ পান। উপস্থিত ভয়ের কোন কারণ নেই, তাই তাঁরা ভবিয়াতে যদি এ রকম হয়, তা হলে কি হবে এই চিন্তা করেই ভীত হয়ে পড়েন এবং পাঁচজনের মনে ভয়ের উদ্রেক করবার চেষ্টা করেন। অল্ল কারণে কেউ কেউ অস্বাভাবিক রকম উৎকণ্ঠিত হয়ে পড়েন। একটু সর্দি হলেই তারা নিউমোনিয়া, প্লুরিসি, যক্ষ্মা প্রভৃতি কল্পনা করে নিজে তো অতিমাত্রায় উৎকণ্ঠিত হনই, সঙ্গে সঙ্গে আর সকলকেও ব্যতিব্যস্ত করে তোলেন। অযৌক্তিক, অহেতুক, অস্বাভাবিক ভয় মাত্রকেই মানসিক রোগের, অন্তত অল্লবিস্তর মানসিক বিকৃতির লক্ষণ বলেই ধরতে হবে। কোন সাধারণ তত্ত্ব দিয়ে এর ব্যাখ্যা করা যায় না। প্রত্যেকের জীবনের ঘটনাবলী গভীরভাবে বিশ্লেষণ করলে এই জাতীয় ভয়ের কারণ নির্ণয় করা যায় এবং অনেক ক্ষেত্রে রোগীকে ভয়মুক্ত করাও যায়। একটা ভয় বোধ হয় আপনাদের কারুর কারুর আছে—কেউ স্বীকার করবেন, কেউ শ্বীকার করতে লজ্জাবোধ করবেন—আমি ভূতের ভয়ের কথা বলছি। আপনার আছে কি ? সবচেয়ে ব্যাপক ভয় বোধ হয় মৃত্যু ভয়। এ ভয়ের স্বরূপ উৎপত্তি প্রভৃতি বিষয়ে মনোবিদ্রা সম্প্রতি অনেক আলোচনা করেছেন।



'পাগল' কথাটা আমরা সবাই অনবরতই ব্যবহার করে থাকি। আপাত-অসম্ভব কেউ কিছু বললেই তখনই বলি, তুমি পাগল হয়েছ, না তোমার মাথা খারাপ হয়েছে, এ রকম কখনও হয় ? আজই সকালে রাস্তায় হেঁটে যেতে যেতে শুনলুম, একজন যুবক আর একজনকে সাস্ত্রনা দিয়ে বলছে, আরে, রমেশটা পাগল, তার কথায় তুমি অত বিচলিত হচ্ছ কেন? পাগল কথাটা যে খুবই একটা চলতি সাধারণ কথা, সেটা মেনে নিতে নিশ্চয়ই আপনাদের কোন অমত হবে না। কিন্তু এখন যদি আমি আপনাদের জিজ্ঞেদ করি, পাগলামি কথাটার সভ্যিই মানে কি, উন্মাদ কাকে বলে, আপনারা হয়তো একটু ইতস্তত করবেন, আমার বৃদ্ধি বিবেচনা সম্বন্ধে ্একটু সন্দিহান হবেন এবং শেষকালে আমার উদ্দেশ্যেই বলবেন, পাগল তুমিই, কারণ এত সহজ কথাটার অর্থ যখন তুমি বোঝ না, তখন তোমার মাথ। নিশ্চয়ই খারাপ হয়েছে। আমি পাগল এ কথা মেনে নিতে আমার একটুও আপত্তি নেই। কারণ ওই দোষ একটু আছে বলেই তো সংসারে সমাজে আপনাদের সকলের সঙ্গে খাপ খাইয়ে চলতে পারছি এবং চলেছি এতদিন। একেবারে পুরোপুরি স্বাভাবিক cent per cent normal লোক পৃথিবীতে আছে কি? সেটাই তো একটা ভাববার কথা। কবি সেইজন্টেই না বলেছেন—

> "পাগলকে যে পাগল ভাবে এখন সে পাগল কি ঐ পাগল পাগল একদিন সেটা বোঝা যাবে। নয় কে পাগল ভুবন 'পরে গু"

যাই হোক, আমার সম্বন্ধে আপনাদের অভিমত মেনে নিলেও আপনারা পাগলামি শব্দটির যে অর্থ করেছেন— মাথার গোলমাল হওয়া, অর্থাৎ বুদ্ধির বা বিবেচনা শক্তির বা যুক্তি তর্কের সাহায্যে বিচার করবার ক্ষমতার অভাব হওয়া এটা একেবারে স্বীকার করা যায় না। কেন যায় না, সেটা দেখবার একটু চেষ্টা করি।

এমন হতে পারে, যেসব পাগল আপনারা দেখেছেন, তাদের বৃদ্ধি বিবেচনা সাধারণত যা হওয়া উচিত, তার চেয়ে কম। তর্কের খাতিরে যদি ধরেও নেওয়া যায় যে, পাগল মাত্রেরই বৃদ্ধি কম, তা হলেও কিন্তু বলা যায় না যে যার বৃদ্ধি বিবেচনা-শক্তি কম সে-ই পাগল। যেমন সব গাধাই চ্তুষ্পদ বলে চতুষ্পদ জন্তুমাত্রই গাধা—এ সিদ্ধান্ত করা যায় না। এটা হল স্থায়শান্তের কথা। কিন্তু ঘটনার দিক্ থেকে দেখলেও আমরা দেখতে পাই যে, এমন অনেক পাগল আছে, যাদের যুক্তি-তর্ক করবার ক্ষমতা কোন অংশে কম তো নয়ই, বরং তীক্ষ্ণধীসম্পন্ন আইন-ব্যবসায়ীর চেয়েও বেশী। তাদের বৃদ্ধি সব সময়েই সজাগ এবং অতি প্রখর। তর্কে তাদের প্রান্ত

করা স্থকঠিন ব্যাপার। কয়েক বৎসর পূর্বে একজন দরিদ্র যুবক মনে করতেন যে. বাংলা দেশের এক বিশিষ্ট ধনী পরিবারের কন্সা ভাকে ভালবাসেন এবং তাঁকে তাঁদের বাডী গিয়ে দেখা করতে ইশারায় জানিয়েছেন। ময়লা কাপড চোপড পরে সে যুবকটি একদিন তাঁদের বাডিতে প্রবেশও করেছিলেন এবং জিজেসা করায় তাঁর আসবার কারণ যে ওাঁর প্রেমপ্রাথিনী ধনীকন্তার সঙ্গে গোপনে দেখা করা, সে কথাও বলেছিলেন। ফল কি হয়েছিল, তা অবশ্য আর বলবার দরকার নেই। কিন্তু আমি যে বিষয়ে আপনাদের দৃষ্টি আক্ষণ করছি সেটা হচ্ছে এই যে সেই যুবকটি অঙ্কশাস্ত্রে অভি স্থপণ্ডিত ছিলেন। শক্ত শক্ত শঙ্ক, যা বহু ছাত্রের এবং অনেক শিক্ষকেরও মাথা খুরিয়ে দেয়, তিনি এতি অল্প সময়ের মধ্যেই বিনা আয়াসেই কষে ফেলতে পারতেন। এঁর বুদ্ধি বা যুক্তিযুক্ত বিচার করবার ক্ষমতা ছিল না এ কণা নিশ্চয়ই বলবেন না। এমন কি তাঁর সঙ্গে কথাবাতা কইলে সহজে প্রুট ধরতেই পারত না যে, সাধারণ মান্তুষের সাথে তাঁর কোন তফাৎ আছে। কিন্তু কথাপ্রসঙ্গে যদি সেই ধনী ব্যক্তির বা তাঁর কন্মার কথা কেউ তুলত তখনই হোত গোলমাল। তাঁর স্থির বিশ্বাস ছিল যে, ক্যাটি সত্যিই তাঁকে • থুব ভালবাসত। তাঁকে যুক্তি-তর্কের সাহায্যে বোঝাতে চেষ্টা করা হত যে, এ ব্যাপার অসম্ভব, কিন্তু কিছুতেই তাঁকে বোঝান যেত না। তর্ক তিনিও কিছু কম করতেন না, আমাদের ্বোঝাবার চেষ্টা করতেন যে, জার ধারণা সত্যের উপরই

প্রতিষ্ঠিত এবং এর মধ্যে অসম্ভব কিছু ছিল না। যাই হোক, ইনি উন্মাদই বটে, তবে বৃদ্ধিং নিতা এর উন্মন্ততার কারণ একেবারেই নয়। যুক্তি-ভর্কের প্রণালীতে তাঁর দোষ ছিল না, দোষ ছিল তার ভিত্তিতে। আর সেই ভাত্ত হচ্ছে তাঁর একটা ভ্রান্ত বদ্ধমূল ধারণা। প্রশ্ন আমাদের সেইখানে। কেন, কি করে এ রকম একটা ভূল ধারণা তাঁর অন্য বিষয়ে স্বাভাবিক মনকে এ রকম ভাবে অধিকার করে বসল গ

ওই যে লোকটি একেবারে নিবিকারভাবে চুপ করে বসে রয়েছে, কথা জিজ্ঞেস করলে জবাব দেয় না, শোনেও না, খেতে দিলেও খায় না, তার বাড়ী-ঘর সব পুড়ে গেছে—এ খবর দিলে কোন ভাবান্তর পাওয়া যায় না, সব সময়ে কি চিন্তা করছে ও ু চিন্তা কিছু করছে কি ু ও লোকটিও একদিন সহজ লোক ছিল । সমাজে চলাফেরা কাজকম করত, কিন্তু ক্রমশ ক্রমশ যেন বাইরের পৃথিবীর সঙ্গে আর যোগাযোগ ছিল্ল হয়ে যেতে লাগল, নিজের মধ্যে নিজেকে যেন গুটিয়ে নিতে লাগল । প্রথম প্রথম বাইরের ডাকে মনটা তার মাঝে মাঝে সাড়া দিত। এখন তো একেবারেই অসাড়। নিজের কল্লিত পৃথিবীতেই সে বাস করছে, বাইরের পৃথিবীর কোন অন্তিত্বই তোর কাছে আর নেই। ওকেও তো উন্মাদ বলতে হবে, কিন্তু কেন কি ক'রে এ অবস্থায় ও এসে পড়ল।

আবার ওই যে ও লোকটি একদণ্ড স্থিরভাবে নেই, অনর্গল কি সব আবোল তাবোল বকে যাচ্ছে, হাসছে, টেচাচ্ছে, রেগে যাচ্ছে, হাত পা ছুড়ছে, নাচছে, ও কি' ও ত উন্মাদ ? একটা কথা ওকে জিজ্ঞেস করুন, ও দশটি অসম্বদ্ধ প্রলাপ আপনাকে শুনিয়ে দেবে। আবার ছদিন বাদে ওকে দেখুন, অত্যন্ত বিমর্যভাবে ঘরের কোণে চুপ করে বসে আছে, মাঝে মাঝে বিড় বিড় করে কি বলছে, কি যেন অস্থায় করেছে এই ভাব। কখন কখন অত্যন্ত উত্তেজিত অবস্থা, আবার কোন কোন সময়ে গভীর হতাশার চিহ্ন।

আরও অনেক বিভিন্ন রকমের উন্মাদ আপনারা দেখেছেন। গণনায় দেখা যায়, আমাদের দেশে উন্মাদের সংখ্যা ক্রমশৃই বেড়ে যাচছে। কিন্তু হৃঃখের বিষয়, এই অবস্থার কোন প্রতিকারের বা উন্মাদদের আটক করে রেখে তাদের চিকিৎসার কোন বিশেষ চেষ্টা কোথাও দেখা যাচছে না। বেহারে রাটীর মানসিক রোগের হাসপাতালের মত বাংলা দেশে ক'টা হাসপাতাল আছে ? অসক্ষত না হলেও এ বিষয়ে এখন আর কিছু বলব না; শুধু সমাজনেতাদের একটু মনে করিয়ে দিতে চাই যে, এ কথাটা ভেবে দেখবার সময় হয়েছে।

আজ উন্মাদকে মানসিক ব্যাধি বলে বিজ্ঞান বৈর্ণনা করে। কিন্তু এ ধারণা বেশী দিনের নয়। কিছুদিন আগেও লোক মনে করত, পাগল যারা তাদের ওপর হয় কোন দেবতা বা অপদেবতা, বেশীর ভাগ শেষোক্তটিই, ভর করেছেন। তাই তাদের ব্যবহার এখন অলৌকিক।

আমাদের দেশে পাডাগাঁয়ে এই বিশ্বাস এখনও অনেকেরই আছে। ছেলে বেলায় দেখেছিলুম, এই কলকাতা শহরেই পাশের বাড়ির একটি বউয়ের হিস্টিরিয়া রোগ সারাবার জত্যে "রোজা" ডাকা হয়েছিল, এবং সে নানারকম প্রক্রিয়া করেছিল, সেকথা এখনও আমার মনে পড়ে: প্রক্রিয়ার মধ্যে প্রধান ছিল ঝাঁটার দ্বারা প্রহার। ইংলণ্ডে উনবিংশ শতাব্দীর মাঝামাঝি সময়েও 'ডাকিনীদের' যথেষ্ট নিগ্রহ ভোগ করতে হ'ত। কোন কোন বৃদ্ধার "কুদৃষ্টি" (evil eye) আছে বলে লোকে মনে করত, তাদের ডাইনী (witchess) বলত। ডাইনীরা তাদের সেই দৃষ্টির বলে অন্ত লোকের, বিশেষতঃ ছোট ছেলেমেয়েদের অস্থ-বিস্থথ প্রভৃতি নানারকম ক্ষতি করে—এই বিশ্বাসের বশবর্তী হয়ে লোকেরা দে সময়ে তাদের উপর অকথ্য অত্যাচার করত। উন্মাদদের ডাইনী-জাতীয় জীব বলেই বিবেচনা করত এবং তাদের সম্বন্ধে ব্যবস্থাও ওই একই রকমের ছিল। বিজ্ঞানের আবিষ্কারের ফলে যখন দেখা গেল যে মানুষের মন্তিক্ষের সঙ্গে তার বৃদ্ধির বেশ ঘনিষ্ঠ সম্বন্ধ আছে, তখন চিকিৎসকেরা মনে করলেন. উন্মত্ততা মস্তিক্ষের ক্রিয়াকলাপের বিকার মাত্র। স্থুতরাং উন্মাদের শারীরিক নিগ্রহের পরিবতে তাদের মস্তিক্ষের চিকিৎসারই প্রয়োজন। এই তত্ত্ব সাধারণত আমরা সকলেই স্বীকার করে নিই, তাইজ্ঞে পাগলামির মানে 'মাথা খারাপ হওয়া' বলি। এই তত্ত্ব যদিও সম্পূর্ণ সত্য নয়, প্রচারের

ফলে একটা স্থফল হল এই যে পাগলামি রোগটা বৈজ্ঞানিক আলোচনার বস্তু হয়ে পড়ল এবং পাগলের আচার-ব্যবহার কথা-বার্তা ধরণ-ধারণ বিশেষ মনোযোগের সঙ্গে চিকিৎসকেরা পর্যবেক্ষণ করতে লাগলেন। লক্ষণ হিসাবে পাগলামির নানাপ্রকার শ্রেণী বিভাগ হল এবং বিভিন্ন রকম পাগলের ভিন্ন ভিন্ন চিকিৎসার ব্যবস্থা হতে লাগল।

সিগমুণ্ড ফ্রয়েড চিকিৎসাবিতা অধ্যয়নের সময় এই তথ্যই শিখলেন এবং এই তথ্যের ওপর প্রতিষ্ঠিত যে যে চিকিৎসা-পন্থা, ব্যবসা আরম্ভ করবার সময় সেই পন্থাই অনুসরণ করলেন। অভিজ্ঞতার ফলে শীঘ্রই কিন্তু তিনি উপলব্ধি করলেন এই পন্থা ভ্রমাত্মক এবং আদৌ কার্যকরী নয়। পাগলামির সংজ্ঞা, শ্রেণীবিভাগ, চিকিৎসাব্যবস্থা, এমন কি মূল তত্ত্বের ভেতর কোথাও না কোথাও গলদ আছে, যার জন্মে প্রানিত চিকিৎসাব্যবস্থায় রোগ সারে না। তিনি এও লক্ষ্য করেছিলেন •যে, এ সম্বন্ধে অন্ত অনেক অভিজ্ঞ মানসিক রোগ চিকিৎসকের মতও তাঁর মতেরই অনুযায়ী। কিন্তু যে কোন কারণেই হোক, তারা এ বিষয়ে গবেষণা করার বিশেষ পক্ষপাতী ছিলেন না এবং চিরাচরিত ভাবে চিকিৎসা করে যাওয়াই পছন্দ করতেন। ফ্রুয়েড কিন্তু এ অবস্থা মেনে নিতে পারলেন না তার অনুসন্ধিৎস্থ মন সত্যকে নিষ্পেষিত করে জেনে শুনে মিথ্যার গতামুগতিক পথে চলতে রাজী হল না। উন্মাদ সম্বন্ধে সত্য কি, তা জানবার জন্মে তার বৈজ্ঞানিক কৌতৃহল জেগে উঠল, তিনি এ বিষয়ে গভীর গবেষণা আরম্ভ করলেন! আজ পাগলদের সম্বন্ধে মানসিকব্যাধি-চিকিৎসকগণ যা কিছু নতুন জ্ঞান অর্জন করেছেন, তার অধিকাংশই এই গবেষণার ফল, ফ্রয়েডের অমূল্য দান।

কি সে নতুন জ্ঞান, সে সম্বন্ধে একট আলোচনা করা যাক। প্রথম কথা, উন্মন্ততা মানসিক রোগ বটে, কিন্তু মানুষের মন শুধু বুদ্ধির ভেতর দিয়েই আত্মপ্রকাশ করে না। বাসনা, কামনা, প্রক্ষোভ (emotions), চলা-ফেরা কথা কওয়ার ধরণ-ধারণ, অক্স লোকের প্রতি ব্যবহার, পছন্দ-অপছন্দ, ভালবাসা, বিদ্বেষ প্রভৃতি সব তো মনেরই কাজ, এ সবের ভেতর দিয়েও তো ব্যক্তিবিশেষের মনের পরিচয় পাওয়া যায়। স্থতরাং এগুলির কোন একটির বিকার হলে তাকে মানসিক বিকার বলেই বর্ণনা করতে হবে। এক সময়ে অবশ্য ধারণা ছিল যে, এ সবগুলিই আদলে বৃদ্ধির দারাই নিয়ম্ভিত, বৃদ্ধিই হল মানুষের বিশেষ গুণ, যার বলে সে নিজেকে জল্প-জানোয়ারের থেকে তফাৎ করে এবং নিজেকে চালিত করে। কিন্তু এ ধারণা ভুল। বুদ্ধি যাকে বলি, তা জন্তু-জানোয়ারদেরও আছে, এবং মানুষ বৃদ্ধির চেয়ে অক্ত প্রবৃত্তির বশেই চলে বেশী। শেষের কথাটা অপ্রিয় হলেও সত্য। নিজেকে নিজে প্রতারণা করবার চেষ্টা না করে, নিজের কাজকম যদি একট বিশ্লেষণ করে দেখেন, তাহলে কথাটা যে ঠিক তা সহজেই উপলব্ধি করবেন। লোকটা সব সময়েই একটানা একটা অপকম করছে, অতি বন্মাস, সেইজন্মেই তো আপনি তাকে দেখতে পারেন না। আচ্ছা, ঠিক তাই কি ? না, আপনি ওকে দেখতে পারেন না (যে কারণেই হউক) সেইজক্সই ওর দোষক্রটি আপনার এত চোখে পড়ে। কথায় বলে না— 'যারে দেখতে নারি, তার চলন বাঁকা!'

একটু আগে মনের যে সব প্রবৃত্তির কথা বললুম, তার অল্প স্বল্ল বিকার প্রত্যেক মানুষের মধ্যেই আছে। কেউ কাঁঠাল একেবারেই খেতে পারেন না, কারুর মতে কাঁঠালের মত স্থসাত্ন ফল পৃথিবীতে আর নেই। আমি একজনকে জানি, তিনি মনে করেন, কেরোসিন এবং পেট্রলের মত মিষ্ট গন্ধ কোন ফরাসী প্রসাধন দ্রব্যেও নেই। এ তো হল কাচর বিকার ৷ একজন ইতিহাস-বিখ্যাত বীরপুরুষ মাক্ডসা দেখলে ভয়ে আঁতকে উঠতেন! কোন একটি লোক হাড়িকাঠে জন্তু-জানোয়ারের বলি দেওয়া দেখবার স্থযোগ পেলে আনন্দে আত্মহারা হতেন, আর সেইজন্মেই দিবারাত্র কসাইখানার আশে-পাশে ঘুরে বেড়াতেন। এ হল প্রক্ষোভের বিকার। কিন্তু যে বৃদ্ধির আমরা বড়াই করি, তার বিকার কি আমাদের কাজ-কর্মের ভেতর পাওয়া যায় না ? বাইরের দৃষ্টান্ত দিই। সাহেবরা মইয়ের তলা দিয়ে যায় না কেন, তেরো জন একসঙ্গে খেতে বসে না কেন ? আমাদের হাঁচি, টিকটিকি, পেছু ডাকার কথা বললে আপনাদের বোধহয় ইচ্ছে হবে তাদের সমর্থনের জ্বন্থ অনেক যুক্তি-তর্ক তোলবার। রাজনীতিতে কোন একটি বিশেষ মত ও পথে আপনি দৃঢ় বিশ্বাসী, আপনাদের

কাছে সবচেয়ে আশ্চর্যের বিষয় এই যে, অন্ত পক্ষের লোকেরা, এমন কি গণ্যমান্ত নেতারাও, কি করে তাদের বৃদ্ধিস্থান্ধি এমনভাবে হারিয়ে ফেলে যে, রাজনৈতিক সমস্তাগুলোর যে একমাত্র যুক্তিযুক্ত সমাধান আপনার পথেই হতে পারে, তারা সেটা বুঝতে পারে না। আপনার বিপক্ষ মতাবলম্বীদের আবার আপনার সম্বন্ধে ঐ একই ধারণা। মনোবিদ্রা ছ' পক্ষের যুক্তি-তর্কের পেছনে একই রকমের মানসিক ক্রিয়াকলাপ দেখতে পান।

যাই হোক, পরস্পরের ভেতর এই ধরণের একটু
আধটু তফাতকে মানসিক রোগ বলা যায় না। যথন
একজনের কোন একটি অযৌক্তিক বিশ্বাস ক্রেমশ অস্ত্র
লোকের অস্থবিধা করতে আরম্ভ করে, নিজের অস্তান্ত
কতব্যের ক্ষতি করতে আরম্ভ করে, তখনই সেটা রোগের
দিকে যায়। খাওয়া হয়ে গেলে একবার ভাল করে হাত
মুখ ধুলে হাত মুখ পরিষ্কার হয়—এটা সাধারণ বুদ্ধিতে
সকলেই বোঝে। কিন্তু যথন কেউ অস্ত্র স্বাইকার
অস্থবিধা করে আধ ঘণ্টা ধরে পঁচিশবার হাত মুখ ধুতে
থাকে, তখন সেটা মানসিক রোগই বলতে হবে। যাঁদের
বাড়িতে শুচিবাইগ্রস্তা বা গ্রস্ত কেউ থাকেন, এ ব্যাধির
অত্যাচার তাঁদের ভোগ করতেই হয়। এ রোগটা সংক্রাম্ক
কি না, সেটাও চিকিৎসকদের লক্ষ্য রাখা উচিত।

এই ধরণের লোককে আমরা বাই বা বায়ু-গ্রস্ত বলি, উন্মাদ বলি না। কারণ এরা বাইরের পৃথিবীর সঙ্গে খানিকটা যোগাযোগ রাখতে সমর্থ হয়। কিন্তু যখন এই সামর্থ্য নষ্ট হয়ে যায়, যখন সাপে কামড়াবার ভয়ে কোন লোক কলকাতার রাস্তায় চলতে পারেন না, বাড়িতেই নিজেকে আবদ্ধ করে রাখেন; যখন বায়্গ্রস্ত লোক জলের কল থেকে নড়তে পারেন না, জলে হাত পা পচিয়ে ফেলেন, তখনই হন উন্মাদ।

উন্মাদদের মানসিক বৃত্তিগুলি সাধারণ মানুষের বৃত্তি থেকে ভিন্ন জাতীয় নয়। তাদের কোন একটা বৃত্তি হয়তো অস্বাভাবিক জোরের সঙ্গে কাজ করে কিংবা হয়তো অত্যস্ত ক্ষীণবল। পরিমাণের তফাৎ, গুণের তফাৎ নয়। যুক্তি-বিরুদ্ধ বিশ্বাস আমাদের সকলেরই কিছু না কিছু আছে. কিন্তু যতক্ষণ সেগুলো পাঁচজনের বিশ্বাসের সঙ্গে মিলিয়ে মিশিয়ে নেওয়া যায়, ততক্ষণ তারা সমাজের ক্ষতি করে না। সমাজও সেগুলো মেনে নেয়। আবার সে বিশাসগুলো যদি যুক্তির ঘোরতর বিরোধী হয়, তা হলে আন্তে আন্তে তার পরিবর্তন হথ্যৈ যায়। পৃথিবীর চারিদিকে সূর্য ঘুরছে—একথা এখন কেউ বিশ্বাস করে না। কিন্তু উন্মাদরা যে সব যুক্তিবিরোধী বিশ্বাসের বশবর্তী হয়ে চলে, সেগুলো প্রথমত কিছুতেই বদলায় না এবং দ্বিতীয়ত সমাজ যে সব বিশ্বাস মেনে নিয়েছে তার সঙ্গে আদে খাপ খায় না এবং তৃতীয়ত অনেক সময়ে সমাজের ক্ষতিকর। একজন উন্মাদের দৃঢ বিশ্বাস হয়েছিলো যে, পাশের গ্রামের একজন তার ঘোরতর ক্ষতি করবার চেষ্টা করছে, তাইজ্ঞতো সে শেষ পর্যন্ত

ভাকে হত্যা করে বসল। বলা বাহুল্য, পাশের গ্রামের সে লোকটি তাকে আদে চিনত না। উন্মাদের আর একটি লক্ষণ যে, সে প্রায়ই নানারকমের অলৌকিক দৃশ্য দেখে, বাণী শোনে। সে স্পষ্ট শুনতে পায় যে, আকাশ থেকে কে একজন আদেশ করছেন—এই কর, ওই কর। আর সে তাই করে।

স্নায়বিক ছুর্বলতা কয়েক রকমের উন্মত্ততার কারণ। অত্যধিক মগুপানে কিংবা গাঁজা চণ্ডু চরস প্রভৃতি সেবনে স্নায়ুর ব্যাধি হতে পারে। কিন্তু যে সমস্ত উন্মত্ততার শারীরিক কোন ভিত্তি নেই, তাদের কারণ খুঁজতে হবে মানসিক ক্রিয়া-কলাপের ভেতর। রুদ্ধ বাসনা, অবদমিত গৃঢ়ৈষা (repressed complexes) থেকেই তাদের উৎপত্তি। বিবেক এবং গৃঢ়িষার ছন্দই এদের মূল। লেডী ম্যাক্বেথ পুনঃ পূনঃ হাত ধুতেন পরিষ্কার রাখার জন্মে। কিন্তু ময়লা তো তাঁর হাতে ছিল না, ছিল মনে। তার প্ররোচনাতেই ম্যাক্রেথ অতিথি ডান্কান্কে ঘুমন্ত অবস্থায় হত্যা করেছিলেন। হাসপাতালে একজন রোগিণী ছিল, যে বলত রাণী এলিজাবেথের বংশে তার জন্ম এবং ইংলণ্ডের রাণী হবার অধিকার একমাত্র তারই আছে। তার অনেক সৈত্য-সামস্ক আছে এবং অনবরত সে তাদের হুকুম দিচ্ছে—ফ্রান্স আক্রমণ কর, জার্মানি আক্রমণ কর, ইউরোপের সমস্ত দেশ ছেয়ে ফেল। কিন্তু তার একজন ভয়ানক শত্রু তাকে এই সব ঐশ্বর্য, ক্ষমতা প্রভৃতি থেকে বঞ্চিত করতে চায়, সে-ই চক্রাস্ত

করে তাকে হাসপাতালে পাঠিয়েছে। ব্যাপারটা হচ্ছে এই। উন্মাদ হবার আগে সে দাসীর কাজ করত, বেশ কঠিন পরিশ্রম তাকে করতে হত এবং অনেক কণ্ঠও পেয়েছিল। প্রথম প্রথম সেঁ জাগরস্বপ্ন দেখত যে. তার এসব কষ্টের অবসান হয়েছে এবং সে বেশ স্বুখে-স্বচ্ছন্দে আছে। ক্রমে সে এই স্বপ্নে নিজেকে হারিয়ে ফেললে। বাস্তব জগৎ থেকে এই বিজেদ যখন হল তখনই হল সে উন্মাদ। প্রথমেই যে যুবকটির কথা বলেছিলুম, ভাঁরও জীবনে ভালবাসা সংক্রান্ত একটা ঘটনা ঘটেছিল, যার স্মৃতি তিনি মন থেকে মুছে ফেলতে চেয়েছিলেন, কিন্তু সফলকাম হন নি। প্রত্যেক উন্মাদের লক্ষণগুলি বিশ্লেষণ করলে অনেক সময়েই নানারকমের গুঢ়ৈষার সন্ধান পাওয়া যায়। লক্ষণগুলি হয় প্রতীকের সাহায্যে অবরুদ্ধ বাসনার অভিব্যক্তি (symbolic expression), না হয় সেই বাসনার তাডনা থেকে নিজেকে বাঁচাবার কৌশল (defence reactions)। মোটের উপর পাগলামির ভিত্তি হচ্ছে সংজ্ঞান এবং নিজ্ঞান মনের দ্বন্দ। কখনও কখনও কোন লোকের রুদ্ধ ইচ্ছা সব বাধা অতিক্রম করে সোজাস্থুজি সংজ্ঞানে এসে উপস্থিত হয়, তখন সে লোকটি করতে পারে না এমন কাজ নেই। কারণ হিতাহিত জ্ঞান তখন তার আর থাকে না। ব্যক্তিগত জীবনে যেমন, সামাজিক জীবনেও এ রকম হুর্ঘটনা ঘটে। তখন সভ্যতার, সংস্কৃতির সব বাঁধ ভেক্ষে চুরমার হয়ে যায়, মনের নিকৃষ্ট প্রবৃত্তিগুলো নগ্নভাবে আত্মপ্রকাশ করে, তখন

আণবিক বোমার সাহায্যে যুদ্ধ করি, নির্মমভাবে পরস্পরের গলা কাটি, মহোল্লাসে লুঠতরাজ করি, পরমানন্দে পরের ঘর-বাড়ি জালাই।



"মাছটা কত হল মশাই ?"

"আরে মশাই, আর বলেন কেন, তিন টাকার কম কিছুতেই দেবে না। অনেক মারামারি করে শেষকালে তু'টাকা বারো আনায় দিলে, যা দিনকাল পড়েছে।" ভদ্রলোকটি চলে গেলেন।

ইলিশমাছ হাতে করে কোন ভদ্রলোক রাস্তায় যাচ্ছেন দেখলেই দান্টা জানবার জন্যে সকলেরই মনে যেন একটা অদম্য কোতৃহল জেগে ওঠে। কতকটা সেই কোতৃহলের বশে আর কতকটা কুটুমবাড়ী শীঘ্রই ইলিশমাছ পাঠাবার জোর তাগাদা বাড়ির ভেতর থেকে হচ্ছে বলে বাজারদরের একটু আভাষ পাবার জন্যে ভদ্রলোককে দানটা জিজ্ঞাসা করেছিলুম। হিসেব করে দেখলুম চারটে মাছ পাঠাতে অস্তত দশ টাকার কম কিছুতেই হবে না। কি ভয়ানক ব্যাপার। আমাদের ছেলেবেলায় দশ টাকায় কুড়িটা ইলিশমাছ কেনা যেত বেশ বড় বড় গোছের। পাঁচজনের কাছে শুনি পূর্বকঙ্গে নাকি সেদিনও পয়সা পয়সা ইলিশমাছ, পাওয়া যেত। সেটা হয়ত গল্প—আমার নিজস্ব অভিজ্ঞতা সে বিষয়ে কিছুই নেই, কিন্তু মাছের দাম যে সম্প্রতি অসম্ভব রকম বেড়ে গেছে সে বিষয়ে সন্দেহ করবার কোন উপায় নেই।

আর শুধু মাছেরই বা বলি কেন প্রত্যেকটা ভরিভরকারি, আটা, ময়দা, ঘি, হুধ, মুড়ি, মুড়কি, বাতাসা, গুড়, চিনি, তারপর কাপড়, জামা, কাগজ, পেন্সিল, জুতা ইত্যাদি ইত্যাদি নিত্য-প্রয়োজনীয় কোন জিনিসটির দাম বাড়েনি ১ জীবন ধারণ করা ত দস্তুর মত তুরুহ ব্যাপার হয়ে পড়েছে। বাজারের হিসেব লেখবার সময় রোজই কেমন একটা আক্রোশের ভাব মনে জেগে ওঠে। কার ওপর এ আক্রোশ তা পরিষ্কার বুঝতে পারি না। কল্পনায় সেটা শাসক-সম্প্রদায়ের বিরুদ্ধে চালিত করি কিন্তু কার্যত প্রায়শই তার ধাকা পরিবারবর্গকে, বিশেষ করে স্ত্রীকে ভোগ করতে হয়। ফলে প্রতি মধ্যবিত্ত গৃহস্ত সংসারে যেখানে আয় কম এবং তা বুদ্ধি করবার সম্ভাবনা একেবারেই নেই সেখানে একটা অশান্তির ছায়া সহজেই চোথে পডে। ছোট ছোট সংসার নিয়ে সমাজ। আমাদের সমাজ থেকে তাই স্থুখশান্তি অন্তর্হিত হয়ে গেছে। দেখন জীবনে কারুরই সত্যকার আনন্দ নেই। যন্ত্রচালিতের মত সবাই যেন নিজের নিয়মের কাজ কোন রকমে করে যাচ্ছে। প্রেরণার (initiative) একান্ত অভাব চারিদিকেই দৃশ্যমান। স্বাধীনতা পাওয়ার আনন্দ ১৫ই আগস্ট পতাকা উদ্রোলন করেই মিলিয়ে গেছে। আবার গতারু-গতিকেয় মত চলেছি সবাই। হয়ত নেতাদের মনে নতুন অনুভূতি কিছু হয়েছে। আমরা সাধারণ লোক, আমাদের সংখ্যাই বেশী। আমাদের তুর্গতি একই রকম চলছে। যতদিন আমরা অন্তত প্রয়োজনমতও খাবার পরবার সংস্থান না

করতে পারছি ততদিন পর্যস্ত আমাদের কার্যে, চিস্তায়, ভাবে কোন পরিবর্তনই আসবে না। জিনিসপত্রের দাম যতদিন না কমছে ততদিন স্থখশাস্তির আশা করা স্বর্ণমূগের অনুসরণ করার মতই অসমীচীন।

কিন্তু শুধু দাম বেড়েছে বলেই কি সব তুঃখ ? ত। নয়। দাম কমেছে বলেও সমাজের অনেক তুঃখ অনেক অধোগতি হয়েছে। ইংরাজীতে একটা কথা আছে Man does not live by bread alone, মানুষ শুধু খেয়েই বেঁচে থাকে না। মানুষ বলতে আমরা শুধু তার শরীরটা বুঝি না, তার মনটাও বুঝি। শরীরটাকে বাঁচিয়ে রাখার জ্বতো যেমন খাওয়া প্রয়োজন, তার মনটাকে বাঁচিয়ে রাখতেও কতকগুলি উপাদানের প্রয়োজন। মানুষ সামাজিক জীব। তার মন একলা বেঁচে থাকতে পারে না। পরস্পরের মনের আদান প্রদানের ওপর তার অস্তিত্ব ও বিকাশের স্বরূপ নির্ভর করে। সেই আদান প্রদান যতই উন্নত ধরণের হবে সমাজও তত স্বাস্থ্যবান হবে। এই আদান প্রদান কি ধরণের হওয়া সঙ্গত তার একটা নিদেশি সমাজের ক্রমবিকাশের ইতিহাস থেকে জানা যায়। কোন ধরণের সামাজিক কাজের দাম কি রকম তা মোটামুটি একটা ঠিকই হয়ে এসেছে— সকলে সে, দাম মেনেও নেয়। সেই দামের ওলটপালট হতে প্লাকলে সমাজের তুর্গতি আরম্ভ হয়। দেশের জন্মে, দশজনের হিতের জন্মে স্বার্থত্যাগ এমন কি প্রাণ পর্যন্ত বলিদান খুবই মহৎ কাজ। এর দাম খুবই বেশী। পরের জিনিস স্থূলভাবেই

হোক আর স্ক্ষভাবেই হোক কেড়ে নিয়ে নিজে ভোগ করবার দাম খুবই কম। কাজ মনেরই বিকাশ। স্থতরাং কাজের দাম অর্থে, মনোবৃত্তির দামই বোঝায়। মনোবৃত্তিসমূহের দামের একটা মানদণ্ড (scale) সব সমাজেই আছে এবং এই মানদণ্ড যত বজায় রাখা যায় ততই সমাজের পক্ষে মঙ্গল। আমাদের সমাজের এই দামের মানদণ্ডের কি অবস্থা হয়েছে একটু ভেবে দেখবার সময় হয়নি কি ? যে সমস্ত মনোবৃত্তিকে, সামাজিক অভ্যাসকে দাম হিসেবে আমরা "উচ্চ" স্তরে রাখতুম সেগুলি আজ্ব ধূলায় গড়াগড়ি যাচ্ছে বললেও অত্যুক্তি হয় না।

কথার দাম সব দেশেই সব সমাজেই লোকে এযাবং দিয়ে এসেছে। প্রত্যেক দেশের গল্পে ইতিহাসে এমন অনেক মহাপুরুষের সন্ধান পাওয়া যায় যারা কথার দাম রাখবার জত্যে অনেক রকম নিগ্রহ ভোগ করেছেন। এমন কি কেউ কেউ প্রাণ পর্যন্ত বিসর্জন দিয়েছেন। আমাদের দেশের দৃষ্টান্ত বিশেষ করে বলবার দরকার নেই। রামায়ণ মহাভারত যারা পড়েছেন (একথা বলছি এইজন্মে যে আমার জানা অনেকেই আছেন যারা পড়েন নি) ভূরি ভূরি দৃষ্টান্তের কথা তাঁদের মনে পড়বে। কিন্তু আজ সেই ঐতিহ্যের নিদর্শন কোথায় ? এখন কথার দামের যুগ নয় কথার ব্যবসার যুগ। এই কথা কওয়ার মারপাঁাচ যে যত ভালভাবে করতে পারে সে নাকি তত "উচ্চ" অঙ্কের diplomat. আমাদের সামাজিক জীবনে কথার মূল্য নেই এই—মনোভাব আধুনিক শক্তি-

রাষ্ট্রনীতির (power politics) সিনেমার ভাষায় বলতে গেলে, শ্রেষ্ঠ অবদান (যদিও "অবদান" কথাটির এইরূপ ব্যবহার সঙ্গত কিনা সে বিষয়ে আমার সন্দেহ আছে)। কথার দামের সঙ্গে সত্যের মূল্যও কমে গেছে এবং মিথ্যার খাতির বেড়ে গেছে। মিথ্যা কথা, মিথ্যা আচরণ, কপট ভজ্তা প্রভৃতি দাম হিসেবে ক্রমেই ওপরের দিকে উঠছে। যে আজ সভ্যের মর্যাদা রাখবার, অকপট ব্যবহার করবার কিছুমাত্র চেষ্টা করবে সে হয় পাগঙ্গ না হয় নিভান্ত করুণা-মিশ্রভ অবজ্ঞার পাত্র।

বাস্তব জীবনে কারও প্রতি সম্মান প্রদর্শন এখন ছুর্বল মনের পরিচয়। সম্মান দেখানর সেকালের প্রথার এখন মোটে কদর অর্থাৎ দাম নেই। একসঙ্গে রাস্তায় রাস্তায় দল বেঁধে ঘোরা এবং কারও উদ্দেশ্যে সম্মানসূচক কতকগুলি রব (slogan) উচ্চৈঃস্বরে আওড়ান এই এখন সম্মান দেখানর প্রকৃষ্ট পন্থা নয় কি ? সভ্যি সম্মান করার চেয়ে সম্মান করি এটা পাঁচজনকে দেখানর দামই এখন বেশা।

ভারী জিনিস সব তলিয়ে গেছে, হালকা জিনিসগুলো সব ভেসে উঠেছে। যে প্রাণ শুধু এই হালকা জিনিস নিয়ে কারবার করে তারই বা আর দাম কি ? স্থতরাং হত্যা করা ,এখন আর অপরাধ নয়। যে রাজ্বত্বে একটি শিশুর অকাল মৃত্যু হয়েছিল বলে রামচন্দ্রও তাঁর নিজের পাপের ভয়ে বিব্রত হয়ে পড়েছিলেন, সেখানে আজ প্রাণ নিয়ে লোক ছিনিমিনি খেলে, বিনাশ করতে ছিধামাত্র করে না। সমাজ যদি হত্যাকারীকে বীর বলে মেনে নেয়—হত্যাকারীর আর অপরাধ কি ? Hero হতে কার না সাধ যায় ? প্রাণের দাম যখন নেই তখন ছভিক্ষ তৈরী করে অগণিত লোক মেরে যদি আমি স্থখে থাকতে পারি, কেন থাকব না ? ছারপোকা আমার নিদ্রাস্থখের ব্যাঘাত উপস্থিত করে, তাদের বিনা দ্বিধায় মেরে ফেলি। নির্বোধ কতগুলো লোক যদি আমার ভোগ-লিপ্সার অন্তরায় হয় বিনা সঙ্কোচে তাদের পৃথিবী থেকে অপসারিত করায় পাপের কোন কথা ত ওঠেই না (বাস্তবিক ওকথাটার এযুগে ত কোন অর্থই নেই, আইন জারি করে অভিধান থেকে তুলে দেবার বোধহয় সময় এসেছে) বরং ভবিন্যতে ইতিহাসের পৃষ্ঠায় অমর হয়ে থাকবার সন্তাবনা থাকে। এ লোভ কোন মুর্থে ছাড়ে ?

এই ধরণের দামের বিপর্যয়ের অনেক কথাই এলোমেলো-ভাবে মনে ভীড় করে আসছে। যাঁরা এই প্রবন্ধ পড়ছেন, ভাঁরা একটু ভাবুন সহজেই অনেক দৃষ্টান্ত ভাঁদের চোখে ভেসে উঠবে। স্থভরাং প্রবন্ধ বাড়াবার দরকার কি ? নিজেদের সংসারে দেখুন "লোকে কি বলবে" এর দাম কি অসম্ভব রকম বেড়ে গেছে। ছেলের ওমুধ কেনবার টাকা যোগাড় করতে পারছিনা কিন্তু কুটুম বাড়ীতে মাছ পাঠাতেই হবে, কারণ তা না হলে "লোকে কি বলবে"। ছোট ছেলেমেয়ের মনের উপযুক্তভাবে বিকাশের সাহায্য করার চেয়ে সংসারের আর সব খুঁটিনাটি কাজেরই দাম এখন মা বাবার কাছে বেশী। এটা কি ঠিক ?

ষড়রিপুর যথাযথ নিয়ন্ত্রণ এক সময়ে ছিল সমাজগঠনের ভিত্তি। তথন সামাজিক ক্রিয়াকমের মূল্য নিধারিত হত নিয়ন্ত্রণের ক্রমের (degree) উপর।

ষড়রিপুর পরিপূর্ণ বিকাশই যেন আজ নতুন সমাজের লক্ষ্য; কাজেই দামের ওই পুরাতন মানদণ্ড এখন একেবারে অচল। পুরাতন এবং নতুনের এই সংঘর্ষ আজ আমাদের চারিদিকে নানা আকারে (যেমন Individualism vs. Collectivism) ঘিরে রয়েছে তাই সর্বত্রই এই মূল্য বিপর্যয় আমাদের চোখে পড়ছে। বড় রকমের একটা যুদ্ধের পর এই রকম অবস্থার উদ্ভব হওয়া আদৌ বিচত্র নয়। অজুনিও যুদ্ধের এই পরিণাম কল্পনা করেছিলেন। তবে আশার কথা এই যে এ অবস্থা বেশী দিন থাকতে পারে না; কারণ এর বিধ্বংসী বীজ এর ভেতরেই থাকে। নিরাশ হবার তু:খ করবার কিছু নেই, কিন্তু চুপ করে বসে থাকাও কারুর পক্ষেই সঙ্গত নয়। এই অবস্থার অবসানের চেষ্টায় সকলেরই তৎপর হওয়া বিধেয়। একথা খুবই ঠিক প্রোচেরা যতক্ষণ বদে ভাববেন, যুবকরা ততক্ষণে কর্মক্ষেত্রে এগিয়ে যাবে। তাদের এগিয়ে যাবার লক্ষণও ক্রমশই পরিষ্কার হয়ে উঠছে। বিনা কারণে জঘন্যভাবে হত্যা যেমক তারা •করছে, আশ্রিতকে রক্ষা করবার জন্মে প্রাণদান করতেও তারা কুন্ঠিত হয় নি। এই দাঙ্গাহাঙ্গামায় কত যুবক বীরের মত, উত্তিজনার বণে নয়, আদর্শের ইঙ্গিতে নিজেকে বলি দিয়েছে তার কজনের কথা আমরা জানি ? তাদের নাম

হয়ত কোনদিন ইতিহাসে উঠবে না—কিল্প ভাদের আত্ম-ত্যাগের ওপরই গড়ে উঠবে ভবিষ্যতের মঙ্গলময় সমাজ। হঠাৎ একদিন ওপর থেকে স্বর্গ নেমে আসবে, অন্ধকার **मृत हरा** यात, काला वाजात मव मन्मा हरा यात, প্রত্যেক ঘরে শান্তি শৃঙ্খলা বিরাজ করবে,—অতি বড় আশাবাদীও (Optimist) বোধ হয় এরকম কল্পনা করেন না। কিন্তু এই উক্ত, খলতার নীচে মানবতার ধীরে ধীরে জাগরণের যে সাড়া যুবকদের ভেতর দেখা যাচ্ছে তার ভরসাতেই জোর করে বলা যায়, আসিবে—সেদিন আসিবে। গ্রহে গ্রহে শান্তি আবার সত্যই প্রতিষ্ঠিত হবে। সমাজের শুঙ্খলা আবার ফিরে আসবে। একদিকে জিনিসপত্তের, অন্তদিকে মনোবৃত্তির দাম আবার স্বাভাবিক স্তরেই স্থির হয়ে এদে দাঁড়াবে ৷ তখন "বনফুল" যেমন বলেছেন— বর্বরতাকে বীরত্ব, ভীরুতাকে আধ্যাত্মিকতা, আলস্তকে বৈরাগ্য বলে পথভ্রান্ত আমরা আর হব না।



উন্নতি না পৱিবত´ন

সমাজের স্বরূপ বর্ণনা করতে হলে তাকে প্রাণবান শরীরের (organism-এর) সঙ্গে তুলনা করা হয়, প্রাণহীন যন্ত্রের সঙ্গে তার পার্থক্য ফুটিয়ে তোলা হয়। প্রাণময় শ্রীরের অবয়বগুলির মত জটিল যন্ত্রের বিভিন্ন অঙ্গুণি প্রস্পার নির্ভরশীল। যন্ত্রের কোন অংশ বিকৃত হলে সমস্ত যন্ত্রটিই বিকল হয়ে পড়ে। শরীর কিন্তু এরূপ অবস্থায় একেবারে অকর্মণা হয়ে যায় না। ত্রুটি সারিয়ে নেবার কিছু ক্ষমতা তার আছে, হুষ্ট অবয়বের ক্রিয়া অন্স অঙ্গের সাহায্যে চালিয়ে নিতে দে কথঞ্চিৎ সক্ষম। শরীর এবং যন্ত্রের পার্থক্যের ইহাই একটি বড় নিদর্শন, শরীরের এক একটি অংশ যেমন এক একটি কাজ করে, সমাজেও তেমনি ক্স' বিভাগ (division of labour) আছে। রাজনীতিজ্ঞ, শিল্পী, বৈজ্ঞানিক, চিকিৎসক, শিক্ষক, ব্যবসায়ী, কৃষক, মজুর প্রভৃতি স্কলেরই বিভিন্ন স্থান এবং বিশিষ্ট ক্রিয়া নির্দিষ্ট আছে। ই্হাদের পরস্পরের সহযোগিতার ওপরেই সমাজের সুশৃঙালা নির্ভন করে

যে কোন দেশের একশ বছর আগের সমাজের সঙ্গে আজকের সমাজের তুলনা করলে বহু পরিবর্তন সহজেই ধরা পড়বে। একশ বছর আগে কলকাতা থেকে প্রয়াগ যেতে হলে নৌকা করে বা হেঁটে যেতে হত, হয়ত একমাস সময় লাগত। আজ চার ঘণ্টায় প্রয়াগ কেন দিল্লী পর্যস্ত পৌছান যায়। বৈজ্ঞানিক আবিষ্কারের ফলে যে সমস্ত ব্যাপার আজ ঘটে যাওয়া সম্ভব হচ্ছে কিছুকাল পূর্বে কেউ তার কল্পনাও করতে পারত না। মহাত্মা আজ নাই, কিন্তু তার প্রার্থনা সভার বক্তৃতার কণ্ঠমর আজও শোনা যায়। আমেরিকায় যে বন্ধু আছেন এক্ষুনি চোখের সামনে তাঁর জীবস্ত মৃতি দেখা যায়। জীবনযাত্রার পথ যে পূর্বাপেক্ষা বহুপ্রকারে স্থগম হয়েছে, একথা আজ কেউই অস্বীকার করবেন না। সমাজের বিভিন্ন শ্রেণী পরস্পর নির্ভরশীল বলে এক শ্রেণীর কম পদ্ধতির পরিবর্তন হওয়ায় প্রত্যেক সমাজেই সমষ্টিগত বহু পরিবর্তন সাধিত হয়েছে এবং সমাজ মাত্রেরই রূপ বদলে গেছে।

জানিনা অন্য কারুর মনে এই প্রশ্ন উদিত হয় কিনা, কিন্তু এই পরিবর্তনের কথা ভাবলে আমার মনে এক সংশয় আজকাল জাগে। এই পরিবর্তন কি উন্নতির পরিচায়ক ? আদিমকালের মানুষ অপেক্ষা আমরা কি উন্নততর ? প্রাগৈতি-হাসিক যুগের সভ্যতা অপেক্ষা আমাদের কৃষ্টি কি মহত্ততর ?

এই প্রশ্নের মীমাংসা করতে হলে প্রথমেই গ্রেশ্য স্থির করা প্রয়োজন উন্নতি কাকে বল্ব। উহার মাশ্রকাঠি কি প্র কিরূপে তা নির্ণীত হবে প কোন একটা উদ্দেশ্য বা আদর্শ স্থির করে না নিলে যে উন্নতি অবনতি প্রভৃতির বোন অর্থই হয় না, একথা সহজবোধ্য। যদি এক ঘণ্টায় ১ মাইল मिण्ना आपर्न हा. **७। इत्म या रैवा कि अभूगीमान** करन ঘণ্টায় ৫ মাইল দৌড়াতে অভ্যস্ত হয়েছে, সে নিশ্চয়ই যে ব্যক্তি ৩ মাইলের বেশী দৌড়াতে পারে না, তার অপেক্ষা উন্নততর এবং যে ৫ মাইল যেতে পাৰত সে যদি এখন ৪ মাইলের বেশী দৌড়াতে না পারে তবে তার অবনতি হয়েছে বলতেই হবে। মানসিক বুজিনিচয় সম্বন্ধেও ঐকথা প্রযোজ্য। বুদ্ধিবৃত্তির পরিণতির একটি মাপকাঠি আমরা গড়ে তুলেছি, যার সঙ্গে তুলনা করে সমবয়স্ক ছেলেমেয়েদের মধ্যে কে কার অপেক্ষা উন্নততর বা কে সর্বাপেক্ষা উন্নততম তা নির্ণয় করি। কিন্তু মানুষের জীবন শুধু বুদ্ধিবৃত্তি বা শুধু শারীরিক বলের উপর ও নির্ভর করে না। বিভিন্ন শক্তিসম্পন্ন বিভিন্ন বৃত্তিসমূহের ভেতর একটি সামঞ্জস্ত :বন্ধায় রেখে মানুষকে চলতে হয়। প্রত্যেক মামুষের ভেতর এই সামঞ্জস্তের রূপ বিভিন্ন। এই সামঞ্জস্তের রূপ বিচার করেই সমাজ এক ব্যক্তিকে উপরে বা নিম্নে স্থান দেয়। প্রশ্ন আমার এইখানে. সমাজের এই বিচারের মানদণ্ড কি ? এবং তার কোন সার্থকতা আছে কি না। অতি প্রথর বৃদ্ধিশালী, অশেষবিধ প্রতিভাবান (কোন এক ব্যক্তি যদি, সমাজ আজ যাকে নিন্দনীয় বন্ধা করে, এরপ কোন কার্য করেন—তবে তার স্থান কোথায় ? ছভিক্ষের সময় একেবারে সামনেই দোকানে খীরে স্তরে মিষ্টান্ন প্রভৃতি সাঞ্চান থাকা সত্ত্বেও যে লোকা ভার শিশুপুত্রকে ফুটপাতের উপর অনাহারে মরে যেতে দিল সে সাধু না কাপুক্ষ ? এবং যে অন্তের অলক্ষ্যে

হাত বাড়িয়ে খাবার তুলে নিয়ে পুত্তের মুখে দিয়ে পুত্তের প্রাণ বাঁচাল, সে চোর না সাধু ? দণ্ডনীয় না প্রশংসনীয় ?

সুখকে (happiness) মানদগুরূপে অনেকেই ব্যবহার করেছেন। সুখ মানুষের কাম্য সন্দেহ নাই; কিন্তু প্রত্যেকেই যদি নিজের সুখ খুঁজতে আরম্ভ করেন তা হলে পরস্পরের মধ্যে সংঘর্ষ অবশুভাবী। ছাই এই সূত্র স্থাপিত হল Greatest good to greater number. অর্থাৎ যে কাজে তিনজনের সুখ হয় এবং পাঁচজনের হয় না তার চেয়ে যে কাজে পাঁচজনের সুখ হয় এবং তিনজনের হয় না তা প্রেজতর এবং যিনি শেষোক্ত কাজ করেন তিনি প্রথমোক্ত ব্যক্তি অপেক্ষা মহত্তর। এ সমাধানে মতছৈবের ক্ষেত্র যথেষ্ট রয়েছে। সুখ কাকে বলে গ তার উচ্চনীচ এবং পরিমাণ জ্ঞাপক স্তরভেদ প্রভৃতি সম্পর্কে প্রশ্ন উঠে—যায় সমাধানে সকলের একমত হওয়া বোধহয় সম্ভব নয়।

যা হোক, উন্নতি অবনতি বিচার করতে হলে একটি আদর্শের কল্পনা করতেই হয়। সমগ্র মানবজাতি কি কোন একটি আদর্শের দিকে চলছে? তা যদি হয় তবে সে আদর্শ কি? আমাদের সমাজ যদি ধরা যায়—তে তার কি কোন আদর্শ আছে? যদি থাকে, তাহলে তা স্বরূপ কি? কোন আদর্শকে আজ আমরা সমাজের সামী জিক জীধনে অনুসরণ করছি?

প্রশাগুলি সম্বন্ধে মনীষিগণ এবং সমাজের নেতার। আলোচনা করুন এই উদ্দেশ্যেই এই প্রবন্ধ লেখ'। কাজে সময় সংক্ষেপ করাই যদি জীবনের আদর্শ হয় তা হলে আদিমকালের সমাজ হতে বর্তমান সমাজ যে বহু উন্নত, সে বিষয় অস্বীকার করবার কোন উপায় নেই। কিন্তু ইহাই কি আদর্শ ?

সমস্থাগুলি নতুন নয় জানি, কিন্তু উহাই ত আমার বক্তব্যের সহায়ক যুক্তি। এই হাজার বছর পূর্বে যে প্রশ্ন উত্থাপিত, আলোচিত হয়েছে আজ পর্যস্ত তার সমাধান হয়নি। তবে উন্নতি কোথায় ? পুরাকালে মান্ত্রয় যুদ্ধে যেরূপ নৃশংসভাবে নরহত্যা করত আজও তা করে। যে পৈশাচিক উল্লাসের সহিত স্ত্রীলোকের উপর অত্যাচার করত, আজও ঠিক সেইভাবেই স্ত্রীলোকের শ্লীলতা হানি করে। তবে উন্নতি কোথায় ? আমার মূলকথা এইভাবে ব্যক্ত করে প্রবন্ধ শেষ করি—পরিবর্তন ?—নিশ্চয়ই, উন্নতি ?—সন্দেহ।



সংস্কৃতি বৈঠকের অন্যান্য গ্রন্থ ঃ

চারশ' বছরের পাশ্চাত্য দর্শন ২ ৷
রবীন্দ্রনাথের সাহিত্যাদর্শ ১ ৷
ক্রয়েড ও মনঃসমীক্ষণ ১ ৷
বাংলা বর্ষলিপি ২
শিকারের কথা ২ ৷
নিজ্ঞান মন ২ ৷
ইঞ্জিত ১ ৷ •



গ্ৰাস্কার

জন্ম কলিকাতায় ১৮৯৫ খুষ্টাব্দে। মেট্রোপলিটা**ন** (মেন) ইনষ্টিট্যুশন ও স্কৃটিশ চার্চ কলেজে শিক্ষালাভ করেন। ১৯১৭ খু: দর্শনশাস্ত্রে অনাস সহ বি, এ ও ১৯১৯ খুঃ মনোবিজ্ঞানে এম, এ পাশ করেন। কিছুদিন ভারত সরকারের অথবিভাগে কাজ করার পর স্থার আন্ততোষের আহ্বানে ১৯২০ খৃঃ কলিকাতা বিশ্ববিভালয়ের মনোবিজ্ঞান বিভাগে উপাধ্যায়ের পদে যোগদান করেন। লাইপঞ্জিগ্ (জার্মানী) বিশ্ববিদ্যালয়ে অধ্যয়ন করিয়া ১৯২৬ খৃঃ পি-এইচ, ডি উপাধি প্রাপ্ত হন। ডাঃ গিরীক্রশেথর বস্থ অবসর গ্রহণ করিলে ইনি মনোবিজ্ঞান বিভাগের অধ্যক্ষ পদে নিযুক্ত হন। ইতিয়ান সাইকো-য়ানা-লিটিক্যাল সোসাইটির সম্পাদক 🔻 ইণ্ডিয়ান সাইকলজিক্যাল র্যাশোশিরেশনের বর্তমান সভা-পতি। বিভিন্ন পত্রিকার প্রকাশিতী মনোবিছা বিশুরে প্রবন্ধাবলী ও মনী সমীক্ষণ গ্রন্থ ছারা ইনি বাঙালী পাঠক সমাজের নিকট স্থপরিচিত।